



IOANNIS  
BAPTISTÆ MONTANI  
VERONENSIS.

MEDICI ET PVBLCI IN ACADE-  
MIA PATAVINA OLIM PROFESSORIS

DE FEBRIBVS  
CONSILIA OMNIA.



NORIBERGÆ, IN OFFICINA IO:  
annis Montani, & Vlrici Neuberi,

M. D. LIX.

# CONSILIORVM

## INDEX ET ARGV- MENTA.

De feбри Tertiāna sine accidentibus	Consilium 1.
De feбри Tertiāna simplici	2.
De feбри Tertiāna duplici	3.
De eadem duplici Tertiāna	4.
De eadem duplici Tertiāna	5.
De duabus Tertianis nothīs	6.
De eisdem duabus Tertianis nothīs	7.
De feбри putrida interpollata	8.
De feбри continua ex bile & pituita crassa	9.
De febre putrida continua	10.
De febre continua in grauida muliere	11.
De febre putrida cum præfocatione matricis	12.
De febre ex uiscerum obstructione post scabiem	13.
De febre ex obstructione, in puero	14.
De febre continua ex putredine ac magnis uiscerum ob- structionibus orta	15.
De Quartana ex recidua	16.
De feбри Quartana	17.
De Quartana triplici	18.
De Quartana cum lienis duritie	19.
De Quartana diuturna cum tussi ac splenis duritie	20.
De Quartana cum Anasarca ex febre continua facta	21.
De febre Hectica ex putrida facta	22.
De feбри putrida quotidiana cum Hectica & Hydropē	23.
De eadem feбри	24.
De eadem feбри	25.
De eadem feбри	26.
De eadem feбри	27.
De eadem feбри	28.
De feбри continua cum catarrho, & spū sanguinis ac suspitione Hecticæ	29.

De febris putrida cum catarrho coniuncta in fene	30.
De febre Hæctica cum putrida & catarrho coniuncta	31.
De febre continua cum uarijs symptomatis & periculo pestilentia.	32.
De febre Hæctica ex pestilenti facta, & cum putrida coniuncta.	33.
De febre pestilenti in Hæcticam mutata	34.
De febre continua pestilenti	35.
De febre pestilenti	36.
De febre pestilenti	37.
De febre pestilenti cum pustulis in dorso	38.
De febre pestilenti facta ex Tertianâ notha	39.
De febre pestilenti cum inflammatione musculorum pectoris	40.

Summaria diuifio simplicium febrium secundum  
doctrinam Galeni.

Ioan.

# IOANNIS BAPTISTÆ MONTANI VERONENSIS,

MEDICI ET PUBLICI IN ACADEMIA

Patauina olim professoris Consilia omnia  
de Febris.

## De Febri tertiana, sine accidentibus Consilium I.



**L**ABORAUERAT QUIDAM FEBRI, quotidianas inuasiones habente, quod forte esset tertiana duplex, huic simplex tertiana successit. Inuadebat autem sine dolore capitis, & sine siti, lingua satis nitida, nec gustus amaritudine corruptus, nec appetitus prostratus erat, tensiones nullæ circa hypochondria, nec alius ascripta nimis. Urinæ rubicundæ quidem, sed in ijs aliqua concoctionis signa erant. Voluit ut singulis diebus mane hora syrupi sumeret:

℞ Trochiscorum de Absinthio 3 i. fiat pillula una, & statim hac sumpta superbibere unam scutellam brodij, in quo decoctæ essent herbes,

radicum Petroselinæ, Cichorii, Boraginis partes æquales. Postea si uellet, dormiret, ac post somnum excitatus uteretur leuibus frictionibus per totum corpus, id leuiter insungendo oleo Chamæmelino, cum æquali uini mensura mixto. Vinum biberet albū, aqua cocta mixtum, nec merum, aut forte. Viuus bonam rationem haberet, & a fructibus cauere.

## De puero qui à febre curatus uidebatur.

Urinas habebat tenues, sine hypostasi, & tensionem circa hypochondria, ut à quartana febris periculum esset, quare ordinauit.

℞ Trochiscorum de Rhabarbaro 3 i. fiat pillula una sumenda omni mane, postquam idem insculum supra descriptum sumat, & eadem uicius ratione utatur.

## De tertiana simplici, Consilium II.



**D**edit clysterem cum 3 2. mellis rosati, post Caisiæ 3 10. cum Hieræ simplicis 3 2. postea clysterem altero die iterauit, postea syrupum pro refrigeratione:

℞ Syrupi de Endiuia	3	1.
Syrupi de Acetosa	3	6.
Aquæ Boraginis	3	4.

Principio uinum prohibuit, sed post quartum paroxysmum concessit tenue & bene lymphatum. Urinæ spumam habebant, id descensum catarrhi ex capite arguere dicebat, & propterea licet febris mitis esset admodum, purgandū tamen corpus existimabat. Vt solebat Montanus in tertiana sine accidentibus pro refrigeratione, decocto Endiuia, Boraginis, Petroselinæ, seminibus Melonū contulis, & ligatis in panno lineo, in brodio pulli, & pro potu aiebat in febribus utendum aqua pulli, aqua hordei, brodio hordei, aqua Endiuia, Acetosa. Et præsertim in cholericis febribus intensis esse cogendos ut bibant, dūmodo ne in principio paroxysmi & non sæpius, ex Gal. 6. Method. & 2. de ratione uicius.

## Potus pro febricitante.

℞. Aceti	℥	1.
Sacchari	℥	9.

Decoquantur simul, & fiat oxyfacccharum, cuius tantum misceatur cum aqua communi cocta, quantum placet ægrotanti. Potus est febrientibus saluberrimus.

## De febre Tertia duplici, Consilium III.



**A**liis admonuimus uos, quod cum acceditis ad ægrum, primo oportet uos considerare actiones læsas. Non dicitur enim ægritudo nisi appareant operationes læsæ, cum nihil aliud sit morbus, quam dispositio præter naturam, lædens operationes manifeste. Scitis autem operationes esse triplices, animales, uirtuales, naturales. Acceditis itaque iam ad hunc ægrum, quem antequam percontemini, multa debetis uidere, quæ sese uobis offerunt. Videtis enim eum non posse quiescere: ex eo non dubium est, quin aliquid patiatur necessario in sensibus, & in uirtute animali, alioquin quiesceret. Afficitur ergo siue quod imaginetur aliquid, uel quod habeat phrenesin, uel paraphrenesin. Non enim potest quiete manere in uno loco, uirtus itaque animalis laborat. Præterea tangentibus cutim apparere caliditas intensa, ex ipso ergo sequitur, operationes uirtuales esse læsas. Ex calore enim summo percipimus intemperiem calidam cordis: pulsus etiam sua motione indicat uirtutem uitalem ualde esse offensam. Est uero ea duplex seu triplex potius: quædam in corde, & propter ipsum, & hæc est duplex, ut ira & pulsus. Quædam neque in corde neque propter ipsum: ut distributio caloris naturalis. Est enim ob reliquas præter cor partes, & extra cor terminatur, huius etiam actio læsa est: nullam enim dispositionem habet arteria secundum naturam, habet maiorem latitudinem, & est frequentior: non uidetur etiam quies inter ictum & ictum, & adeest præterea uelocitas. Scimus autem quod mutatur pulsus ob necessitatem auctam, & quanto magis augetur necessitas, tanto fit maior primo, & cum non potest supplere necessitatem magnitudine, supplet uelocitate, quodque hæc non supplet, frequentiam addit, quæ contingit, quando ad summum deuenit necessitas, quæ est ex maximo calore, & per consequens ex maxima febre. Est enim febris calor accensus in corde, & sparsus per totum corpus. Etque est febris humoralis, quia magna est inæqualitas pulsus. Alia enim pulsatio alia maior est, quod fit ob multitudinem materię aggrauantis. Ita ex pulsu iudicamus affectum esse in corde: ob maiorem caliditatem, esse febrem, ob pulsus inæqualitatem, esse humoralem. Agitatio autem illa (ut diximus) indicat aliquid esse in uirtute animali, seu cerebro. Sed nulla est læsio in sensibus interioribus, bene ratiocinatur & imaginatur &c. Sensus etiam exteriores sani, solummodo circa sensum tactus patitur, sentit enim conuulsationem omnium membrorum ob malam intemperiem, & ob dolorem, non potest permanere in uno situ. Tertiam etiam genus operationum læsum est, naturalium scilicet. Queritur de uentriculo, nam habet punctiōem & tensionem circa hypochondria, nec hæcenus habuimus signum ex ijs, quæ excernuntur, sed ex ijs apparentibus concluditur hoc corpus laborare principaliter morbo uniuersali, uidelicet febre, ex tactu caliditatis & contractione omnium partium, percepta per consensum in cerebro. In uentre uero habet obstructions, scilicet, in utroque hypochondrio. Habet præterea alia symptomata, uidelicet sitim, dolores capitis. Non possumus autem curare febrem, nisi cognoscamus eam. Est uero hæc humoralis, quia humores putrescunt. Est ergo putredo prohibenda, & euacuandi humores qui putruerunt, & qui proxime ad putredinē accedunt. Primum autem diuersi sunt humores, quorum quilibet indiget diuersis curationibus, & sunt in diuersis partibus. A quo igitur erit hæc febris, an a pituita, uel bile, aut humoribus mixtis: Indicia propria sunt sumenda. Habemus autem tria capita, ab operationibus

omnibus laxis: pulsus uehemens & magnus, uelox, frequens, & inæqualis indicat febrem procedentem ab humore calido putrescente. Sed quia humor calidus est, uel sanguis uel bilis: & febris inuasit eum cum manifesto frigore durante unam horam, non potest autem esse febris putrida incipiens cum frigore à sanguine qui putrescit in uenis. Est igitur necessario bilis ruffa. Vtrum autē sit sincera bilis aut alteri admixta? Non est credendum, quod sit exquisita, faceret enim Tertianam, sed ista quotidie inuadit, incipit cum maximo frigore, & raro desinit in sudorem, & durat plusquam 12. horas, imò 17. Habet ergo bilem dominantem, estq; ea adusta & facta uirellina, sit enim hæc quando bilis simplex aduritur, & maiora facit symptomata, quam admixta pituita cum bile. Hic autem utrunq; est, quod ex temperatura possumus colligere. Est enim niger secundum totum habitum corporis, & omnia signa tendunt ad adustionē. Hæc plurimas anxietates animi. A cibarijs crassis & malis ac inordinate sumptis plurimi geniti sunt humores pituitosi. Habet etiā multas obstructions, unde cruditates uariæ. In hoc igitur uiro talis facta est miscella, partim bilis mixta cum pituita, partim adusta, & propterea patitur maximum frigus, & quia bilis putrescit, uapores ascendunt ad caput, & cient dolorem capitis, & sitim etiā causant. Fiat hoc uespere clystere, ut habeat beneficium uentris, ex decoctio herbarum communium, cui addantur mellis rosati 3. Hieræ picræ 3. Eductis materijs malis exhibebimus aliquid per os, & mittetur sanguis ad minus 3. 10. quod si expectabit cras mane paroxysmum, mittatur in uespere.

## De eadem duplici Tertia Consilium III.



Verunt in hesterno confesſu multa omiſſa, quia tempus breue erat, & non uidimus signa omnia. Nunc ex excrementis melius iudicabimus. Urina in febribus est maximum signum, teste Galeno. Nam putridæ febres ex humoribus pendent, qui sunt in uenis. Nec tantum ex ijs qui humor peccet cognoscimus, sed etiam tempus febris, an in statu sit uel augmento, à quo etiam magna est indicatio. In urina igitur considerantur, primum quantitas. Hic multa est urina, id fieri potest non ratione morbi uel temporis, sed etiam, quia multum potauit, idēq; partim ex urina discernitur, partim ex interrogatione. Ego hunc interrogauī, & dicit se bibiſſe multum aquæ: licet igitur potus multus ad hoc iuuet, non tamen tota causa in eo est. Est enim color urinae aureus, qui excedit à temperato. Secundo color consideratur. Urina naturalis habet colorem paleæ hordeaceæ. Hæc autem magis tincta est quam oportet, quare arguit caliditatem & siccitatem, nam multum recessit. Quod si tantum ratione potus eſſet, non sedimentum haberet, nec colorem nec coctionem, quia in potatione, urinae sunt crudæ, hic magis est ratione morbi, sed ponit à potu iuari. Substantia tertio loco consideratur, quæ tendit ad tenuitatem potius, quam crassitudinem, est tamen satis temperata, præsertim tertia illa. Nam duæ aliæ crassiores sunt, & ferè corruptæ. Quarto, liquor qui à substantia distinguitur. Nam substantia dicitur quæ partes multas crassas, & terrestres admixtas habet. Liquor est, quando habet lucidum uel obscurum, id est, luciditas & obscuritas in liquore considerantur. Sunt autem quædam crassæ, sicut aqua putrefacta, & turbida, aliæ minus crassæ, aliæ lucidæ. Hæc quoad liquorem est lucidior, id est, magis splendida, quam obscura, quia transparens est. Quinto Hypostasis seu sedimentum seu contenta considerentur. Hic est uelut nubes iubcandida, referens nubes colore, substantia & loco, quia color albidus ut nubis, & substantia etiam qualis est fumus, & leuis quia in superficie. Hæc sunt omnes differentie in urina. Iam accommodabimus reperendo. Urina multa est ratione morbi, ut mihi uidetur. Quærit aliquis, quia hic tensio in utroq; hypochondrio, quomodo deueniat humor ad uias urinae, quomodo potest fieri distributio, cum tanta sit

obstructio, ut tactu appareat, potius deberet esse pauca urina, & multæ egressiones li-  
quidæ, cuius hic totum oppositum est, quia per quinque dies nihil egressit. Respondet,  
humores qui putrescant sunt procul dubio extra uenas, cuius signum est inseparabi-  
le, quoniam incipit hæc febris cum frigore. Hæc circa 23. fuit in augmento febris,  
habebat intentissimum calorem. Hodie circa 17. frigus sensit, & horrorem. Nunc  
hæc hora est remississima febris respectu hesternæ. Ex his signis igitur patet, quod sit  
febris talis, quæ pendet ab humore bilioso, sed non puro, quia pituita admixta est, eam  
Arabes maioris famæ appellant. Quoties uero bilis simplex aduritur sitis crassior, &  
utello oui similis, atque utellina apud Græcos uocatur, eam Arabes bilem minoris fa-  
mæ uocant. Estque ita in nominibus differentia inter Arabes seu Auiscennistas, & Græ-  
cos seu Galenistas: Rem utrique eandem concedunt, sed diuersis appellant nomini-  
bus. Et de ijs postea altercantur recentiores, cum non recte intelligant sententiam  
authorum. Sunt igitur duo diuersi humores, qui putrescant, & ideo diuersi etiam sunt  
paroxyfmi. Mane paroxysmus cum frigore habuit, qui non terminatus est in sudo-  
rem, nocte postea inuasit cum frigore, & concussione magna, cui successit calor, &  
tandem desijt in sudorem, quod signum est bilis siccioris. His stantibus, dico de uri-  
næ multitudine, de qua dubitauimus, quod cras forte non uidebitis tantum urinæ,  
nam humor qui putruit hac nocte, fuit tenuis biliosus, & ferè proprium bilis est, ut per  
ruinam excernatur. Vbi igitur febris à bile pendet, plurimam per sudorem & uri-  
nam crislum facit, non obstantibus obstructionibus. Cras erit alius paroxysmus, quare  
non tot urinas uidebitis. Sed cur aluum habet astrictam? In obstructionibus sunt hys  
pochondria calida, quia circa illa plurimæ materiæ putridæ. Fiunt etiam ex intestinis  
fuctiones multæ, quia partim à feruore attrahitur (quando non est perfecta obstruc-  
tio) humidum, pars aliqua transit ad uias urinæ, & illa quæ remanent in intestinis  
exiccantur, ita dura fit aluus: oportet ergo lenire aluum. Nam propter calorem hic  
sunt multæ feces adustæ. Quod ad urinæ colorem, substantiam, liquorem attinet, om-  
nia ab eadem radice nascuntur. Hodie est subtilis, quia bilis putruit, & quia bilis, ideo  
urina subtilis est & lucida: Cras non ita fiet; tenuis & lucida, aurei coloris, quia putres-  
cit bilis minoris famæ. De Hypostasi nolite temere iudicare, & pronunciare de co-  
ctione, ut multi faciunt, qui tantum nebulam ubi uident, statim de coctione pronun-  
tiant. Imò non omnis nebula, etiam si sit alba, est bona, & hypostasin significat, quan-  
doque enim maiorem cruditatem arguit. Si penderet febris ista à pura bile, esset unum  
certissimè signum & optimum, sed quia bilis ista habet multam pituitam admixtam,  
certe erit pituita, quæ hic Hypostasi assimilatur, quia pars terrestris Hypostasis, 2.  
de Crisibus, ubicunque apparet hypostasis in urina, proportionatur puri in loco in-  
flammato, in quo partes subtiliores resoluuntur, reliquæ manent. Sed omne pus gra-  
ue, ergo omnis hypostasis grauis, & in fundo erit. Nec semper habet ueram coctio-  
nem, ut hic, quia est crassa quædam pars, ideo in fundo residet. Vera autem hyposta-  
sis est heterogenia, & habet partes diuersas, partem terrestrem, aqueam & igneam  
ubi magis constringitur, & ideo habet formam pyramidis. Hic nihil tale apparet, est  
tamen alba hic, quia multus aer intrinsecus, unde apparet alba nubes & diuulsa nec  
descendit, quia multus aer sustinet eam, & longe est à coctione, & oportet ut tollatur  
ista nubes, & non conspiciatur, si uolumus recte hunc curare, quia hæc nubes signum  
est pituitæ cum flatibus, nec temere ex ea iudicandum. Atque hæc febris continua est  
procul dubio, & eo magis maligna, quia continua, habet tamen quotidie duos paro-  
xyfmos, unus mane inuadit, quando cholera cum pituita putrescit, quæ dici potest  
cholera maioris famæ, cum frigore remisso & calore maximo. Circa horam quintam  
noctis habet alium paroxysmum ab iisdem humoribus, sed magis ad puritatem pi-  
tuitæ tendit, & pendet à cholera minoris famæ. Dubitatur an humores in uenis pu-  
trescant. Febris continua sine typo habet humorem putrescentem in uenis. Forte  
quod hæc febris, est una ex istis tribus hemitritei speciebus, de qua Gal. 2. Cris. Volo  
autem melius uidere paroxysmos. Quid agendum? Hæc debebat fieri clystere, & est  
factum,

factum, imò hodie etiam mane. Mittendus est omnino sanguis, quia intentiones omnes adiunt, ut Galenus de sanguinis missione docet, est magnitudo morbi, in ætate adolescentiæ, uirtus constans, habet putredinem, in uenis obstructionem, febrem continuam. Ergo phlebotomia nihil præclarius, aperientur enim uix, natura subleuabitur, rarefiet corpus, obstructiones soluentur. Sit autem regula: Nunquam mittatis sanguinem, ubi est cruditas in primis uenis, quantum enim trahetur sanguinis, tantum ad uenas trahetis de humore crudo, & augetis obstructiones & putredinem. Quare primo purgandæ superfluitates in primis uenis. Minoratiua optima sunt, quæ tollunt eas, & dicunt quidam non exhiberi recte, & ex mente Galeni. Sed errant isti, & non intelligunt Galenum, quia regula propria caret, id est, methodo. Nam ut quælibet ars habet suam regulam propriam, sic nos nostrum perpendiculum habemus, nempe methodum, quæ omnino nobis opus est. Utamur igitur minoratiuis, ut & Arabes uel sunt, quia magni uiri erant, & intelligebant methodum Galeni. Si 3 1. casia daretis, non transiret nisi ad primas uenas, & non purgaret corpus, sed purgaret uenas tantum. Ideo dici minoratiuum potest. Grana duo Diagridij, quæ turbarent & non purgarent, non recte daretis. Debet enim ita proportionatum esse corpori minoratiuum, ut non euacuet nisi à uentriculo, & uenis propinquis, aliàs uitium esset, qualecunque sit. Drachmæ duæ electuarij de succo rosarum rustico pro minoratiuo dari possunt, nobili non tantum, semper debent obseruari mores. Heri dedi 3 3. melis rosati, & Hiere 3 s. pro clysteri, & nihil ferè eduxit.

Ideo 3s. Elect. de Sebesten solutiui 3 10. Fiat bolus cum saccharo, sumendis tribus horis ante coenam. Hic enim est rusticus, corpus robustum, & amplis uenis, oportet à primis uenis euacuare. Semper autem sic electuaria consideretis, non tantum, quod habent in titulo, in quo scribitur, ad hoc ualent, uel ad illud, sed ingredientia debent obseruari ab artifice. Considerate quomodo sint confecta, quia in singulis 3 sunt tria gra, Diagridij in isto electuario, ideo in tota ea medicina non transimus 4. gra. dubito ne sit leuior pro rustico, quam deberet, sed in nobili delicatiori non utamini pro minoratiuo.

### De eadem duplici Tertianâ. Consilium V.

**I**N hospitali duo uideri possunt, & exerceri: Primo ægritudines & symptomata, deinde aliud genus exercitij, quod utilissimum est, & assuetudo et nos ad tolerantiam. Quia nihil hic sit quemadmodum nos præcipimus, idq; non solum hic, sed alibi semper uobis occurrer, ut nec æger sit obediens, nec illi qui adsunt faciant, quod debeant. Oñies egressi sponte hac nocte, sed quæ materia peccarit, uel utrum fuerit concocta, & motus fuerit criticus, non possumus iudicare, quia excrementa non uidimus, est tamen probabile, tam copiosam egestionē nec critique nec symptomatice, neq; mixte factā, sed propter dysseres natura irritata operata est. Ista tamen sit coniectura, quia non uidi excrementa, nec dominium naturæ, etsi uidetur subleuatus: nunc est in paroxysmi declinatione, quod inde colligitur: primo, cum tangitis extrema, habet calorem in omnibus partibus extremis, etiam in pedibus (quod est magnum signum declinationis) intensum quidem, sed non ærem aut mordacem (illud enim non esset signum declinationis, cum in statu etiam in extremis sit talis) uerum satis magnum, sed tamen cum quadam humiditate quam percipitis cum tangitis hypochondria. Secundo, quod est magis artificiosum, ex pulsu cognoscitur declinatio uera paroxysmi: in principio paroxysmi pulsus contrahuntur & sepeliuntur quasi, quia systole maior quam diastole, quod putridi uapores occupent cor, & cor cupiat euentari, ut fugiat incommodum. Id fit tantum constrictione ut expellatur excrementum, & expulsionem magis, quam attractionem indiget, quia per contractionem natura tentat excrementa expellere in principio, & quò magis febris pendet à crassis humoribus, tanto maiori uis expellere conatur. Unde in febribus quæ à melancholia, pituita, & bile notha, seu maioris famæ



famæ pen dent, magis sepultus est pulsus in principio. Per oppositum igitur, quando vapores sunt consumpti, cor liberatum ab onere, recreat sese, quia iam excalescit fuit & ferè exultum, eget non tantum euentatione, sed nouo aëre. Fit ergo magna dilatatio in fine, sicut in principio magna constrictio, & tum pulsus occurrit tactui cum magna dilatatione, ut durus uideatur, cum tamen non sit. Oportet igitur dignoscere differentias, quia multi decipiuntur. Nam uterq; resistit tactui & uehemens & durus. Vehementia fortitudinem significat uirtutis: quanto magis premitis, tanto fortius resistit cum motu uehementi, & percutit. Durus resistit quidem, sed non cum motu uehementi: uehementiam igitur oportet considerare, quam premendo percipietis. In hoc corpore est magna uirtus, potest omnia operari. Nam ubi uirtus fortis, cū magnitudine, uehementia, uelocitate, & tandem cum frequentia se ostendit. Sed hic non est indicium frequentiae, ubi enim uehemens est pulsus, raro est frequens. Virtus enim robusta una dilatatione multū proficit, sicut uos etiā faceretis (comparat enim Galenus pulsū cum motu hominis onus ferentis) onus quod una uice portare potestis, non portabitis duabus. De agendis. Erasmus missuri sanguinem, sed quia iam febris declinauit, & euacuatio copiosa facta est, nec ita morbus magnus, interim subleuemus. Circa hypochondria, ut tangatur, pati non potest: istis igitur obstructionsibus ut occurramus studendum. Dabimus primo non proprie aperientia ~~ut apertis~~ dicta, est enim infarcta materia in uenis, obstruens meatus. Quæcunq; igitur aperiant, remouent materiam infarctam. Sed hic obstructio in uenis Mesaraicis, & illis, quæ ad splenem tendunt, ea ut aperiantur, non sunt danda per se aperientia uel repurgantia ~~ut apertis~~ (ut alij uocant) quæ cum crassitudine substantiæ aperiant, ut amara, quia humores adusti sunt. Et talia quæ cum crassitudine substantiæ aperiant, longe plus exiccant, quàm calefaciant. Et febris si curari debet, cum frigidis & humidis curari oportet. Non igitur ita audacter hæc faciemus. Meliora sunt, quæ incidendo & penetrando aperiant, ut est oxymel, quod proprias uires habet refrigerandi, constat ex aceto & melle. Mel calidum in secundo gradu 7. simpli. medic. acetum remisse frigidum; & tamen 4. simpli. medic. id plus refrigerare dicit Galenus, quàm mel calefaciat. Sed hoc uidetur contra rationem, & id quod ~~ut apertis~~ γίν, inquit, ubi calidum in secundo, cum frigido. in primo miscetur, calidum remittit suam qualitatem propter frigidum. Sed recte & optime loquitur Gal. & ex ueris ac rectis principijs. Ad hoc enim ut aliquid calefaciat uel refrigeret, duo requiruntur. Primo ut possit ad actum facile reduci. Secundo ut penetret. Si iam componatis mel cum aceto, hoc penetrat per singulas partes, nam etiā lapides penetrat, & usq; ad profundū refrigerat. Ideo bene dicit Mesue de syrupo acetoso, cum penetrare. Recte igitur Galenus dicit longe plus refrigerare acetum, ob penetrationem scilicet. Aperiemus igitur oxymelle, sed quia diu ~~ut apertis~~ grotauit, non utemur simplici sed composito. Quare hoc modo faciemus:

℞. Oxymellis cum duabus radicibus

Mellis rosati

Aquæ Cichorii

℥.  
℥.  
4.

Quæ refrigerat calefactas partes, calefacit refrigeratas, ut dicit Mesue: quia mediocria & temperata ad extrema se habent tanquam contraria: quia non multus excessus frigidi aut calidi, ad extrema se habent ut medium. Non multum utamini aquis destillatis, quia omnes frigidae. Ego tantum unam accipio in syrupis, quia manifestum nugamentum est eorum, qui congerunt multas aquas destillatas in parua quantitate, & hanc uni præferunt. Beneficium uentris habeat quotidie, & utatur syrupis. Coes nam sumat hora 23. ut sit leuis, si mane uehemens paroxysmus superueniat. Euacuationes materiæ peccantis in quanto ita sunt foeciles, ut fans indicat felix euentus, quia heri parum febricitabat, nunc nihil. Et urina tota est perurbata, cui etiā humor multus subsistit, qui ita euacuatur, est albus cum aliqua citrinitate, indicat ergo puritatem cum bile. Quare nihil operabimur noui, sed expectabimus euentum foelicem.

De duobus

## De duabus Tertianis notis,

## Consilium VI.



**V**T continuemus ea quæ docemus in cathedra, cum ijs quæ apparent circa ægros, non abscedemus ab ijs quæ diximus hodie. Accessimus ad hunc ægrum, quem supponamus esse uirum nobilem, cum nihil ab eo differat, nisi fortuna. Quid faciendum? Collegia bonorum uirorum sunt consultationes, ad cognoscendos, & curandos morbos, ac consideranda prognostica, de euentu morbi, non fiunt ad iactantiam & ostentationem. Qui se autem tantummodo ostentant, illi sunt impostores & fallaces, ideo nihil eis succedit. Quæ enim sine dolo fiunt, succedunt prospere. Deceptores non diu durant, & si filij eorum fiunt pauperes, quod ego sæpe uidi. In omni igitur ægritudine debetis loqui cum hominibus doctis, uel uobiscum, ut cognita natura uel ægritudine curam inueniatis, & conari id, ut exprimatis ueram sententiam. Qui addere potest pulchritudinem, & ornatum uerborum, non malefacit. Ergo in omni collegio uos ad tres fontes dirigatis. Primo consideretis dispositionem naturalem. Secundo præternaturalem, seu dispositionem ægri præsentem. Tertio æris dispositionem præsentem. Accessimus hunc curaturi: ergo remouere oportet quicquid est præter naturam, & sic habetis scopum generalem curandi. Incipio ab effectu secundum naturam, qui appareret exteriori in colore & habitu corporis, sed is cognosci non potest in hoc, laborauit enim integra hyeme, oportet igitur ad alia accedere. Est primo uidenda est soliditas membrorum, musculorum, uenarum exteriorum, quæ non facile destruuntur, nisi tabescant homines. Videtis ergo, an muscoli duri, solidi, amplius uenæ & arteriæ amplæ, pulsus etiam qualis. Hæc hodie iudicari non possunt propter mantum frigiditatem. Habet pilos mediocres, & colore naturali, cutis alba, & pili, loquitur prudenter & ingeniose, quia quædam uerba profert, quæ ingenium sapiunt. Debetis etiam interrogare de consuetudine, de moribus ab eo, uel assidentibus, quam artem exerceat, an habeat aliquid à natura proprii, ut si abhorreat à caseo, uel uino &c. Vbi hæc sciueritis, facietis catalogum omnium, & postea ordine procedite: Præponatis ea, quæ foris apparent, & texetis ita simplicem historiam. His uisus, postea quæ attinent ad dispositiones naturales considerate, quæ in regione agat, quæ in constitutione æris, si frigida, humida, &c. Si in uere iam sumus, & præcessit hyems, qualis fuerit frigidissima ne & humida &c. Hæc quantum ad dispositionem æris. Tertio, res præter naturam apparentes simpliciter considerabimus nihil apponendo, ut nunc ille habet frigiditatem membrorum exteriorum, uel inæqualitatem etiam, habet retractionem pulsus. Sic oportet incipere à fontibus signorum. Meo tempore, cum eram iuuenis sequens in practica Montagnanam, Foriuiensem, Matthæum Brocardum, Cæsarem Neapolitanum, qui tunc erant clari, modus proprius in collegijs confusus habebatur. Primo temperaturam proponebant, antequam signa apparentia ponerent, & notum per ignotum ostendere uolebant, ordine præposito. Et ubi temperaturam considerabant, ad ægritudinem accedebant, post signa dicebant eius morbi, ex Auicenna, siue adessent, siue non, aliquando uiginti dicebant signa, & cum accessi, uix duo reperi. De æris dispositione plane tacebant. Hoc est cæcum iter. Vos primo dicetis, quæ signa appareant, ea quoque accidentia dici possunt, ad diuersa comparando, & postea causas singulorum accidentium uidendæ, & sic discurratis ordine Methodico per accidentia. Vt in cerebro duæ uirtutes seu operationes sunt motus & sensus. In motu nihil hic impedimenti, sensus interiores uero suas uires quoque integras habent, optime discurret, imaginatur, memoratur. Exteriores quoque sensus boni. Dolor, seu actio læsa in uirtute tactiua, apparet in capite, quæ alijs horis plus, alijs minus affligit. Deinde uidendæ uirtutes uitales in corde, ut an constantia mutata sit, quod non credo. Item, operationes extra cor, ut hic retractio pulsus maxima, dilatatio

ferè nulla, plurimum contrahitur, & minime resistit. Naturales uirtutes postea consideranda. Habet rugitus, non bene concoquit, nec egerit. Hæc sunt symptomata. Quantum ad excrementa, sunt mutatae urinæ, tendunt ad purpureum colorem, est rubedo obscura, liquor limpidus, & multum lucidus, substantia tenuis, contenta multa sunt. Non habet spumam, nebulam, sedimentum in fundo. Accidentia circa qualitates diffibiles. Est uir pallidus multum, circa tactum, habet frigiditatem multam. Ita procedatis in alijs, & alijs qualitibus. Circa quantitatem, diminutus est, quia non ita canosus. Sed sciendum hic extrinseca accidentia non ita semper considerari, nisi intelligantur ea recitentur. His tandem cognitis, quomodo inuenienda cura? Incipiatis à primo, & scietis temperaturam aliarum partium corporis. Diximus eum musculos magis nos habere & solidos; hoc signum est caloris bene concoquentis. Temperatura enim hepatis, facit temperaturam aliarum corporis partium. Animal enim uiuit prius plantæ uitam, cumq; homo generetur à suo semine, & sanguine, semen (ut Aristoteles uult) ingreditur ut actor, ut Medici, magis formaliter, & ex parte materialiter etiam. Quicquid sit, principium atq; fundamentum generationis est hepar, licet cor & cerebrum etiam, tamen ex hepate per uenas habetur maxima pars sanguinis, & secundum eius formam generatur animal, tale, uel tale. Si sanguis calidus, generatur corpus calidum. Atq; hoc modo tota temperatura ab hepate oritur. Quia igitur hic musculi crassi, & uirtus sanguificatiua bona, fuit multitudo formæ seminis in ortu, & postea semper optime nutriti, sunt igitur ampli ob multum calorem, solidi ob bonum nutrimentum. Est ergo hepar calidum, quod attinet ad qualitates actiuas. Et quia orta attestantur suis principijs, uenæ amplæ, pili mediocres, ipsi etiam caliditatem testantur, sicut glabrities frigiditatem. Pili tendunt ad albedinem, quod significat caliditatem moderatam, & cum humiditate mixtam. Arteriarum amplitudo cor indicat calidum. Est autem modestus uir, ergo caliditatis moderatæ, hepar enim modificat omnia; est boni ingenij, bene compolitus. Hactenus considerauimus omnes dispositiones naturales, & sic uos facietis, quotiescunq; acceditis ad ægrum, secundo aërem, tertio dispositionem præter naturam. Nam & Aristoteles uerus pædagogus Medicorum, & artifex methodi, docet à notioribus procedendū. Et ea uia nobis innata est, ut ex ijs quæ extrinsecus apparent, primo notionem sumamus, & ab illis occulta colligamus. Ita ex supra dictis, quia in eo est robur & subrissum & album corpus &c. ostendunt in eo temperaturam calidam, & humidam, albedo humiditatem, magnitudo uenarum & arteriarum caliditatem. Aër sensu percipitur, ideo in eo non est multum artis. In affectionibus præternaturalibus semper per hos tres fontes discurratis: Primo, per uirtutes animales motiuas, in ijs nihil patitur; deinde sensitiuas interiores, illæ etiā sunt integræ, postea sensitiuas exteriores, ex illa uirtus tangendi laesa est, in capite enim dolorē sentit. Secundo per uitales, oportet inquirere an iracundus sit, nec ne, an magna uel uilia cogitet? Si prius consistens fuerit, iratus &c. nunc uero segnis, lenis &c. Illud enim signum est cordis refrigerati. Et ex motu arteriarum etiam percipitur, si sit facta aliqua mutatio. Pulsus non ita contractus, ut prius, significat augmentum. Totum enim tempus, quo pulsus contractus est, & calor non extensus, est principium, quando uero extenditur, est augmentum, & tandem declinatio. Excrementa etiam consideranda. Urinæ quantitas multa, in modo substantiæ limpidā est, & tenuis, & lucida. Hæc enim differunt, nam multa tenuia non sunt lucida, ut aqua, & urinæ tenuissimæ, & tamen pallidæ, & subobscuræ; si coloris lactei esset, non foret diaphana, quia tale suscipit lumen per totum corpus. Econtra quædam crassa sunt, & tamen transparentia. Hæc uero urina tenuis est, & transparens, color aureus intense, tendens ad rubedinem, quod signum caliditatis; quia urina uera deberet esse colorata, ut palea hordei, ubi excedit eum colorem, significat superfluitatem caloris, secundum gradum, quo excedit. Contenta paucissima, nullus odor, gustare ego non cupio. Hypostasis nulla, sed tenuis nubecula. nec in fundo, nec in superficie, sed infra medium. Accidentia circa qualitates tangibiles; habet extrinsecam

frigiditatem, intrinsecam caliditatem, asperitatem cutis, quia scabiosus. Hypochondria tantum recte se habent. Circa motum febris singulis uesperis exasperatur cum inaequalitate, paroxysmum longum habet, Non queritur de siti, aut uigilijs aut inquiete, sed tantum de dolore capitis.

## De eisdem duabus Tertianis.

## Consilium VII.

**H**eri uidimus omnia accidentia quae praeter naturam, & quae secundum naturam sunt in hoc aegro: In actionibus animalibus laesio est. Dolor capitis perseverans, dolor dorsi pertingens usque ad spacium inter uesicam & anum. Pulsus iam apparet paruus circa differentiam magnitudinis, secundum profunditatem & latitudinem, nec secundum longitudinem aequalis. Videtur immutatus, deberet altum, magnū pulsum habere, quia non transit 30. annos. Et adhuc adolescens in flore aetatis, nunc habet paruū, uelocem, frequentem, inaequalem, sistematicū, modo paruū modo inaequalem. Quod ad naturales, male concoquit, excrementa non uidimus, sed urina est fusca sine hypostasi. Patitur praeterea aliud malum, non potest bene mingere, nisi quodam ingenio, oportet enim decumbere ut mulieres. Et habet etiam ardorem urinae: Reducamus igitur illa omnia symptomata ad suas causas, ut uideamus quid possit resultare. Est autem hic catalogus accidentium: Dolor capitis quem patitur per totam hyemem, dolor dorsi, ardor urinae, febris quae quotidie inuadit. Videamus si sit horum omnium una causa uel diuersae, & si una quae sit, incipiendo ab excrementis. Color urinae indicat calorem hepatis & renum. Cum renes incalescunt, replentur multis excrementis, semper sedimenta apparent, dilatantur enim, & fit colatura rerum crassarum & adustarum, & semper uidetis nigrum & adustum subsidere. Si hepar calidius, multum bilis generatur. Praeterijt hyems, in qua generatum est multum pituitae, & uixit ut potuit, omnis generis cibos uorans, & habet uentriculum debilem. Ratione intemperiei hepatis multa bilis est generata: ratione uentriculi male concoquentis multum pituitae. Est perpeffus frigiditatem, quae poros constrinxit cutis, & prohibuit transpirationem, unde putredo generata. 3. de loc. aff. qui in uenis habent excessum caloris, parati sunt ad hoc, ut eorum caput uaporibus repleatur, qui cum calidi sunt, quotidie faciunt dolorem capitis, & iuuat ad hoc uentriculus, in quo multae cruditates. Permiscetur uapores crassi, qui non facile dissipantur, sed reuoluntur in membranis: ita inuentis causis sequuntur accidentia, dolor perpetuus capitis, Dolor in dorso, qui in spina descendit ad profundum ossis sacri, & attingit locum inter uesicam & anum. Quae causa? Repleto existente capite, calido hepate, cum distribuitur ille humor per uenas, per concauitatem dorsi, peruenit etiam ad locum, ubi dolet iste uir, qui uel onera portauit, uel passus est frigiditatem ab aliquare extrinseca, quam ipse nescit pars debilis facta. Aggregantur ibi humores, & tendunt ad os sacrum, itaque circa collum uesicae est ille affectus, & est segnior propter cruditatem humorum. Aliquando non potest mingere, sed cum decumbit dilatatur meatus, & facilius mingit. Ardoris urinae duae causae sunt immediatae per se, uel ob exiccationē, id est, priuationē humiditatis, uel acrimoniam urinae, quia multum bilis mixta est. Auicenna refert alias causas, sed non sunt propriae, interdum uiscosa materia obstruit meatus. Ille non est usus coitu, qui posset exiccare glandulas istas, sed urina acris est, propter multum bilis admixtae, ut in urina apparet. Causa doloris dorsi est, quod uapores ascendentes ad caput per uenas, iterum delabuntur ad dorsum 2. facul. nat. pars debilior semper recipit, etc.

pit, & si nescimus causam debilitatis, ex eo arguere possumus, quod sit de bilis, quia recipit: semper enim aliqua pars corporis debilis est à natura, ad quam aggregati multi humores decumbunt, ex uenis etiam ad renes humores ducuntur, & ibi exiccantur, postea ad uesicam: ea enim recipit uenarum excrementa. Testiculi etiam quia calidiores, dolent: & ita credo ab eadem causa omnia symptomata procedere, id est, à pituita permixta bili, quæ etiam causa febris, quæ singulis diebus inuadit inæqualiter (qui Typus pituitæ proprius) sicuti ubi alternis diebus accessio fit, est Typus bilis proprius, ubi putrescit pituita dulcis, inæqualitatem tantam facit, sicut in hoc homine paroxysmus inuadit, ut uix percipiat. Vix mordacitatem percipitis in pullu, & paruus est respectu aliorum, quod ab humore crasso pendeat, & rigorem etiam non percipit, quæ omnia arguant pituitam ad dulcedinem declinare: sed ex siti & uigilijs colligitur etiam aliquid bilis admixtum. Habetis causas omnium symptomatum, & dispositiones totius ac febris, atq; ex prædictis totam historiam habetis. Patitur magnam intemperiem, in compositione nihil patitur, nihil enim tangere potestis ad hypochondria. Si est aliquid, est obstructio intrinseca. Ergo est temperata præter naturam, quæ duplex est: Sine materia & cum materia. Hic utramq; habet, scilicet in hepate, ubi generat multum bilis: habet etiam frigiditatem in stomacho, ubi generat multum pituitæ, & plus quam expedit. Hinc fluxus materiei sequitur: tam aggregat bilem & pituitam, quæ ubi permiscetur, faciunt obstructiones in uenis, & febrem putridam, quæ etiam inuadit singulis diebus. Ego credo quia alternis diebus magis exacerbatur, quod habeat duas Tertianas: ut primo tertius, & secundo quartus respondeant, licet enim singulis diebus inuadant, tamen ex accidentibus cognosco, non esse æquales exacerbationes, sed sibi correspondentes: sæpius igitur accedendum erit, & obseruanda symptomata. Habetis causas symptomatum, collum uesicæ non totum obstruitur, quia pituita subtilis adiuuante bile facile abstergitur, pituita enim lubrica est. Obseruate post causam, febrem ipsam. Sunt autem duæ Tertianæ, & Tertianæ nothæ. Crederet quis quotidianam, cum non sit,

### De febre putrida interpollata.

### Consilium VIII.



**C**UM ACCEDITIS AD AGRVM QVEM antea nunq; uidistis, & uultis cum eo loqui: semper ita est faciendum, ut ego soleo. Primum quæ manifeste apparent signa, ab eo colligite, ex quibus postea occulta, quæ interiorius sunt, & quis sit morbus, percipietis. Postea cognito morbo subiecto, ad uirtutem accedendum, deinceps ad materiam. Primo igitur quæ exterius sensibus apparent, consideranda sunt, pulsus, urina &c. Non faciendum ut imperiti faciunt Medici, qui suspicantur tantum talem febrem esse, & in suo cerebro fingunt, & applicant signa consona, cum plerumq; non adsint. Cauetis à talibus, si uultis esse Medici digni Hippocrate. Ne recedamus ab ijs quæ apparent. Primo pulsus in hoc iuvene satis æqualis & magnus est: in frequentia non multum excedit, imò potius ad raritatem tendit: non etiam uelox multum, sed temperatus, fortis, ualidus, nullam habet inæqualitatem. Hæ differentie sunt in hoc pulsu, & sensui apparent. Urina citrina, substantiæ crassæ, perturbatur facile: non multa, quantum ad quantitatem: quo ad liquorem, satis lucida: odorem non habet, nec foetet. Tenigi hypochondria, præcipue sinistrum, quod tensius est quam dextrum. Habet scabiem crassam, & humidam, multum uigilans, dolet caput, paroxysmis quotidie affligitur, sed alternis diebus plus sinit.

Omnia eiusmodi debetis colligere & considerare, ut ex ijs, quæ exterius apparent, ad ea quæ interius sunt accedatis. Incipiamus igitur à primo signo à nobis collecto, nempe à pulsu. Pulsus magnus est, non uelox, nec frequens. Quando pulsus magnus, uelox, creber, tunc febrem indicat; & putridam, si inæqualis. In hoc iuvene pulsus magnus, quia est sanguineus: quare ratione temperaturæ & ætatis etiam magnus est; & ea magnitudo ei est secundum naturam. Quod si essent ex calore putredinali, esset auctus motus & uelocior; nec uirtus aggrauata est à materia, quod solet indicare inæqualitas pulsus. Exemplum dat Gal. de portatore, quod sæpe retulimus. Et bene sequitur, non habet inæqualitatem in pulsu, ergo natura non est grauata à materia, quod etiam pulsus attestatur, super calorem naturalem auctus uel non auctus, mutatus uel non mutatus. Hæc de pulsu, unde colligere debetis, non esse febrem continuam, sed interpolatam, quia non habet differentiam attestantem super continuam. Urinæ color hic non est naturalis; debebat esse palearis, id est, sicut palea hordel, is esset naturalis; sed hæc urina transcendit eum colorem. Nec est extrinseca causa; non equitauit, nec se exercuit multum, ergo est à causa intrinseca. Et is color super humorem attestatur, quia aliqua bilis potius tenuem urinæ facit substantiam; pituita uero crassam, uel sanguis etiam pituitosus; sed pituita proxima causa urinæ crassæ; ergo concluditur, quod humores crudi, crassi & pituitosi sint in illo corpore. Est ergo bilis & pituita, possunt enim simul dominari, propter diuersitatem membrorum, ut cum uenter frigidus pituitam multiplicat, & hepar calidum bilem, quod non raro fit. Est & pauca urina, quod fit cum quis uel parum bibit, uel ex obstructione in uasis urinarijs, uel ex siccitate & caliditate multa laborat. Hic credo (debemus enim caute iudicare) potius esse ex obstructionibus multis, quod uenæ obstructæ sunt ob crassos humores: non quod caliditas exiccet, quia haberet febrem maiorem, sed ob obstructionem. Est sine hypostasi urina, quod significat sanguinem esse crudum, & nullam habere coctionem, unde tempus morbi significatur, quia uidelicet sit in principio. Sic igitur ex signis colligitis: ex pulsu, quod febris interpolata; ex urina, causam materialem ex bile & pituita, & quod tempus morbi sit principium. Hypochondrium inflatum indicat materiam in eo latere collectam esse, uel in muscularibus exterioribus, longitudinalibus uel transuersis, &c. uel in uenis, quod magis hic credo, & in substantia splenis, quod humor in profundo percipitur. Habet porrò uigilias & sitim, quid inde iudicamus? Omnia concurrunt. Audiuitis hic bilem esse, & paroxysmum qualibet nocte. Est autem causa uigiliæ primo siccitas, secundo caliditas; somnus enim præter naturam primo fit à frigidityte, postea ab humido; sed somnus naturalis primo fit ab humido, postea à frigido. Hic uigilat, quia uapores sicciores & adusti magis ex bile ascendunt ad caput, quia tenuiores. Iam ex illis plus nocuenti habet quam ex pituita, & cerebrum etiam incalescit, propter paroxysmos quos habet noctu. Sitis etiam concurrat & attestatur: habet enim bilem & siccitatem causantem sitim. Dolor etiam capitis conuenit, sit enim is ex uaporibus calidis. Ex his igitur omnibus colligitis uera esse, quæ ex urina & pulsu antea collegimus.

## De febre continua ex bile &amp; pituita crassa.

## Consilium IX.



Miles quidam natus annos quadraginta, circa uesperum passus est maximum rigorem, ita ut uir robustus difficulter ob imbecillitatem domum redire posset. Durauit rigor quatuor horis, & secutus maximus calor per totum corpus, qui continuo durauit, usque ad quartum diem. Vocatus est Montanus, qui reperta febre continua & feruentissima, pulsu magno & inæquali & pleno, urina rubicunda, & crassa, sedimento crasso, considerata summæ uirtutis constantia, & morbi quoque uehementia, aperuit basilicam dextri

lateris, & eduxit ferè 3 s. sanguinis subnigri crassiq; cum multo liquore cholerico; aderat ingens sitis, dolor capitis uehemens, defluxus à capite ad pectus & uentriculum. Quinto die ægritudinis iussit sumere cassiæ recentis, & electuarij de sebesteno, ana 3 6. in bolo cum saccharo, quem ante exhibuisset, nisi audiuisset eum pridie beneficium uentris ter uel quater habuisse. Hoc minoratiuo, multa cholerica, ac vitro similes humores crassos uiscidosq; eduxit; & quia à prima statim febris inuasiōe, cum ad dormiendum se componebat, claudēbat oculos, uidebatur alienatus, & secum murmurabat, putabat se plurimos uidere homines ambulantes in cubiculo; ideo cum statim uino abstinere iussit, & ei ordinauit potum ex aqua cum saccharo cocta, & pro cibo panatellam, & modicum ex carne uituli, quod tempore sanitatis fuisset usus antipiori cibo. Sexto & septimo ægritudinis die accidentia mitiora fuere, præter sitim; hæc enim indies magis ac magis eum premebat: dormiuit tamen medioctriter absq; alienatione: syrupos biberat quos ipse ex decoctione hordei plurima, in aqua purissima & saccharo confecerat, eius singulis diebus mane sumpsit magnam scutellam, quod nollet confidere pharmacopolarum negligentia, præcipue in compositione: sed quia siti plurimum premebatur, clam post discessum Doctoris sumpsit hausus plurimos aquæ frigidissimæ, & post euomuit cholerica & simul phlegmatica, uiscosa: post quem uomitum cessauit sitis, & reliqua accidentia. Octauo die liberatus fuit à febre, uoluit tamen Montanus ut 12. die sumeret medicamentum:

℞. Confecti. hamech	3	4.
Trochiscorum alhandal	6.	10.
Syrupi rosati sol.	3	2.

Cum aqua ciboreæ fiat potio, sumenda in aurora cum custodia, Et sic liber euasit. Potus aquæ recte successit huic; quia corpus antea euacuatum fuit, & per secessum & missionem sanguinis: tantum hærebat in corpore præternaturalis illa caliditas, quæ opposito facilis erat curatu, cum constaret uirtus, & corpus esset ualidissimum, in ipsa ætatis uigore, quæ omnia potuerunt aquæ resistere.

### De febre putrida continua, Consilium X.

**P**roponitur casus puellæ octodecim annorum, complexionis calidæ & siccæ, optimæ perpetuo ualetudinis, quæ ex curis & affectionibus animi, quas in fratris sui aduersa ualetudine habuit, in ægritudinem incidit. Menstrua diminuta sunt, & febris eam corripuit cū horrore, & alijs accidentibus: adest dolor capitis, & circa regionem uentriculi, nempe circa orificium, præcipue uersus hypochondrium, tensiones percipiuntur: adstant insomniæ seu uigiliæ, oris amaror, non tamen cum siccitate notabili: calor mordax percipitur, & uelox pulsus. Accessionum principia hæcenus notari non potuerunt, ideo continua putatur, quæ tamen de tertio in tertium magis exacerbat. Adest lassitudo uehemens, ita ut se uix tollere queat. Rugitus item in uentre superiori & inferiori auditur. Oportet primum uidere quæ natura sit morbi quo affligitur: postea, quæ causæ; demum modus curandi inquirendus est. Primum hanc laborare febri putrida, manifestum est ex signis: pulsus frequentior, inæqualis magis, ac uelox, quod putredinem sequitur, urinae crassæ, cum hypostasi per totum corpus sparsa, calor mordax in superficie cutis. Hæc igitur febris est morbus in temperatura. An uero præter hanc alia sit ægritudo? Credo quod sic: est alia in compositione. Circa orificium & regionem uentriculi tumor est cum dolore quando tangitur, neq; tamen dolor notabilis: & in anhelitu quandoq; percipitur, & à nobis tumor ipse tangitur. Ita duplex est ægritudo. Possit aliquis dicere, adesse etiam tertium, obstructionem circa uterum, quia actiones eius læsæ in excernendis mensiuis, ergo & mem-  
brum

membrum læsum. Sed quia menstruorum diminutio non ex obstructione tantum, sed ex mala etiam temperie in ipso utero, uel ob sanguinem crassiorem contingere possit, non posuerim pro certo, id quod est in dubio. Iam morbi causæ inquirendæ: non enim scimus curam, quando scimus talem uel talem esse morbum, sed ex causis cura petenda est. Esse putridam, ex dictis signis constat, pulsu, urina, calore mordaci. Sed in quibus humoribus est ea putredo, & ubi? Hoc etiam ex signis est inueniendum, non habet motum uelocissimum hæc febris. Talis autem fit, quando putrescit humor calidus qui & subtilis, ut bilis, uel sanguis: qui quia uelocissimi motus sunt, terminanter septima, uel ad summum decima quarta die. Et habet fauissima accidentia: nec tarditatem habet eam quæ sit cum putrescunt humores frigidi, ut pituita, & humor melancholicus. Nec calor ita remissus est, & urinae magis tinctæ, & dolor occipitis. Ergo humor qui putrescit, nec calidus est nec frigidus simpliciter, sed mixtus: quia accidentia mixta sunt; motus medius inter tardum & uelocem: & reliqua signa media. Sitis, quidem, sed non maxima: nec dolor capitis nimium intensus: ideo humorem putrescentem etiam medium crediderim inter calidum & frigidum, & mixtum ex plurima pituita & bile. Sed ubi putrescit humor? Audio febrem continuam sine typo, & semper æqualem: ergo humor putrescit intra uenas. Est enim febrim continuarum proprium, non horrere. Sed si haberet aliquem typum, aliter dicendum esset. Quod ideo dico, quia in pulsu hoc uespere sensi aliquam contractionem: & ipsa etiam cooperiri uoluit: quæ duo cum concurrant, maxime indicium faciunt esse alie quem typum. Et sæpe hoc contingit, ut in febris continuis post aliquot dies incipiat apparere in pulsu, uel quia natura fortior in expellendis superfluitatibus facta est, uel quia coctio aliqua facta, & materia subtilior exhalat. Ideo enim continuæ febres periculosa dicuntur ratione signi, & causæ. Ratione signi, quia indicant naturam debiliorem, quæ permittit materiam ut inimicum putrescere in proprio domicilio, nec potest extra uenas expellere. Ratione causæ, quia ea materia putrescens facile inficit massam sanguinis, ad quod sequuntur febres pestiferae & exitiales. Fieri igitur potest ut hæcenus non habuerit, & nunc incipiat habere typum, idque bonum esset per uiam signi, & per uiam causæ. An modo incipiat nunc materia putrescere extra uenas, uel sit adhuc intra uenas, facillime uidebitur Excell. V, per ea quæ succedunt. Si nullus typus succedit, erit intra uenas: si erunt aliquæ periodi, erit extra uenas. Ideo nolo des terminare in re ambigua: tempus ostendet, nec propterea tollitur modus curandi, siue intra siue extra uenas sit, cum certissima sit inuenta ratio humoris peccantis. Potest tamen si sit intra uenas augere difficultatem. His statibus facile est nunc uidere causas symptomaticas. Vapores ascendunt in caput, & dolores excitant: quia admixti ex pituita & bile, dolores quidem faciunt, non intentos tamen, propter pituitam obtundentem. Eadem causa est uigiliarum, quæ ipsæ propter pituitam admixtam non sunt continuæ: & quod non multum sitiat. Licet hæc omnia eam quoque infestent propter humores permixtos contrarios, quorum alter excitat, alter restinguit hæc symptomatica, & mitigat. Ita omnia sibi concurrunt, urine rubrae, & tamen crassæ, quia duo humores, pulsu inæqualis. Ergo non est biliosus humor solus, qui uelocem quidem facit, sed pituita magis inæqualem. Hæc sunt causæ omnium symptomatum quæ consequuntur morbum. Adest præterea obstructio: quæ ubi sit, ex tumore & dolore apparet. Quare & Galenus & Auicenna testantur, quod ubi dolor, ibi est ægritudo. Sed unde est tensio? Non est ex apostemate (alia enim sequerentur, & multo sauiora symptomatica) sed ex materia stantula: quæ facit tumorem, propterea quod statuitur: non propter suam multitudinem, si enim esset tanta materia non statiuosa, propter multitudinem, comprimeret diaphragma & suffocaret: deinde perseveraret tensio, nec ita facile resolveretur à quocunque extrinsecus applicato. Hic dolor facile remittit, ergo non est ex abundantia materiæ, sed propter uentositates, ob quas intumesceat: thineque est quod comprimitur & impeditur in dilatatione, ideo adest difficultas anhelitus, sed non durat, quia status cito discutitur. Hic tumor est morbus in com-



positione, quia facit intumescere locum, ut non faciat operationes debitas, & est ea tensio ex praesentia materiae. Hae igitur sunt duae aegritudines, & puto utranque habere separatas causas, nec una remota alteram remoueri. Sed quia adest & retentio mensruorum, uidendum est an una etiam ea sit ex his causis. Cum considero praecedentia & temperaturam huius, puto hanc diminutionem mensruorum potius esse ex crassitudine mensruorum & sanguinis, quam ex obstructionibus matricis. Est enim sanguinem habet humidior em ratione aetatis & sexus, & quia in ocio uixit & delicijs, & albi sit etiam coloris (sicut solent esse foeminae quae non exercentur ut uiri) & ob has causas facile aliquem decipere possit, ut uideatur frigidior quam sit, habet tamen uenas magnas, & arteriarum motum fortem & magnum, & frater ipsius, qui ex eodem semine est, est calidus & adustus, ideo credo eam generare multam bilem & sanguinem adustum. Deinde est in decimo octauo anno, qui in puella citius crescente & senescere est ipse flos aetatis, & eadem quae uiginti octo annorum aetas, quia tunc maxime uiget sanguis. Accessit aegritudo fratris, quem amabat plurimum. Habuit uigilias, curas, & accidentia animi, quae adurunt sanguinem, ita ut inde homines etiam melancholici fiant, quia sanguis adurit. Est igitur sanguis crassior, & multiplicata excrementa pituitosa, quae fuerunt causae febris, quae ipsa etiam sanguinem magis adurit, ideo rebellis educationi, ut non possit libere exire per meatus angustiores. Exiuerunt quidem menstrua, sed diminuta: ideo causa non in obstructione erat uteri, sed sanguinis potius crassitie. Et cum sint tres causae diminutionis mensruorum, debitas uirtutis excernentis, obstructiones uisum & sanguinis crassitiae, ego hic tertiam esse credo. Hae de essentia & causis horum morborum. Quod autem ad mores attinet, febris nulla habet signa malignitatis: habet sua accidentia, quae pendunt a putredine, sine deliquijs & egestionibus putridis, & urinis mutatis & seruantibus malignitatem: sed habet ordinarios affectus cognitos, ideo ordinariam crediderim, & non malorum morum. De tempore febris. Non uideo quidem signa coctionis, non tamen arbitror nos adhuc esse in principio morbi: non enim ita perfecta coctionis signa expectanda sunt in aegris sicut in sanis. Non igitur dicendum, adhuc esse in principio: sit enim aliqua coctio, non quidem qualis in sanis, sed qualis in aegris: & hanc ob causam in augmento esse crediderim, non in statu tamen, ubi coctio sit perfectior. Prognosticon. Nisi aliud superueniat, quia in itinere multa possunt contingere, ut dicit Hipp. in febribus acutis non esse certa signa prognostica: & addit rationem Galenus, quia facile mutari possunt uel ad melius, uel ad peius: tamen prout talis est, non est lethalis. Nam quod dicit Hippocrates, febres non infermittentes, quae tertia die exacerbantur, periculose: uerum est, quia facile in deterius incidunt si negligantur: sed propterea non sunt lethales per se, sed ad optimum finem deducunt si medicus non desinuat, & aeger obediat: quae cum ambo hic sint conuenientissima, facile sanabitur. Cura. Videmus naturam morbi & principium affectuum pendere a materia putrescente: materia igitur euacuanda, & putredo remouenda. Materia crassa est, mixta ex pituita & bile, & maxima parte intra uenas, quia non sunt uise periodij: ea igitur remouenda. Sed Hippocrates non tantum praecipit, si talia purgentur qualia oportet, confert, & leuiter ferunt, &c. sed alibi etiam: Quocumque natura uergit, eo maxime ducere oportet. Quarendum igitur, quomodo, & per quem locum: quia quid sit uacuandum, facile uidemus, pituita scilicet & bilis. Sed ex quo loco: ubi putrescit, in uenis, propterea quod perspiratio prohibetur, & calor naturalis opprimitur a multitudine materiae: ergo euacuanda. 4. sanis, tuenda. Si putrescit materia intra uenas non alioquin a sanguine, mitte sanguinem copiosissimum: si non multum aliena, mitte, sed parcius: si omnino aliena, abstinere. Hae sunt uerba Gal. Hic humor non est admodum alienus, quia pituita mixta cum bile sapit caliditatem, & omnino tardi motus est: nec rebellis est calori, quia inflammatur. Est ergo permixta sanguini, & putrescit, quia prohibetur euentatio, & facit obstructiones: Venae igitur sunt euacuandae, & querendum ut transpiret corpus, & uacuetur materia, quod neque melius neque citius fieri potest quam

quàm per misionem sanguinis, ideo eam in febribus laudo semper, quia uel antecedentem uel proximam causam tollit: siue humor sit extra, & tunc antecedentem tollit: siue intra uenas, & tunc proximam. Mittendus igitur est sanguis, idè statim antequam morbus ad statum perueniat: neq; resistendum, quia periculum est ne æger moriatur. Vidi omnes sic curatos, & credo nihil præstantius nisi ut mittatur sanguis. Nec à saphena educerem: si enim sint obstructions, non exibat sanguis, cum præferam materia sit crassior. Ideo à basilica mitterem, quæ ad educendum sanguinem crassior rem est aptissima. Refrigerabit hepar, ut generet sanguinem magis æqualem, non tam crassum, qui postea sponte euacuabitur natura insurgente, sublato hoc modico impedimento. Si igitur cras non erit summe debilis propter maximū paroxysmum, aut uigilias huius noctis, ut magis indigeat alimentis & restitutione quàm misionis sanguinis, omnino fieri phlebotomiam à uena basilica: suadeo quantum sufficit, quàm præfens Medicus iudicabit: si sanguis niger & crassior, permittatur exire: si pulcher, clarus, lucidus, statim obstruatur: ideo enim laudat Galenus misionem sanguinis præ cæteris medicamentis per os exhibitis, quia semper reprimi potest, & uel parum uel multum educi, secundum astantis uoluntatem: quod non ita potest moderari frimæ dicamentis per os exhibitis. Et uideo quotidiana experientia, quod ubi prætermittitur sanguinis missio ubi fieri debebat, morbi fiunt lethales aut longi. Nec ideo timeat quod sit prima phlebotomia: habet ætatem convenientem: aut quod inde futura sit sterilis: istæ sunt aniles fabulæ, & figmenta sine fundamentis. Si tamen sudet copiose, aut per alium egerat, uel per nares sanguinem reddat, uel aliqua fiet uacuatio, uel plurimum laborarit, uel uirgus defessa sit admodum, omitterem. Si nihil horum contigerit, mane summo, clystere exhibito, sub horam postea 17. aperirem uenam. Circa alterationem postea (quia in putridis non solum sanguis mittendus, sed etiam alia facienda, quæ Auicenna duobus uerbis diuine docet, cum inquit: lauare aluum, prouocare urinam: hæc qui facit, curat febres putridas) lauare aluum clysteribus, & est, inquit, magis dilectus usus clysterum, quia fit quotidie sine molestia, quàm prouocare urinas. Syrupus ex capillis Veneris optimus est, aperit obstructions. Syrupus de cichorio Nicolæ ex cetrach, bisantinus oēs sunt optimi, eligatis quos uultis. Postea si uellet tollerare decoctum in hyeme hac, melius esset: acciperem aquam endiuæ & capilli Veneris, quanquam in his non confido multum. Ideo si haberemus herbas bonas, capilli Ven. & cetrach, eas decoquerem in aqua endiuæ & boraginis, & esset eo maior subtilitas, & facilitas prouocandi urinam.

## PRO OBSTRUCTIONE.

Si singulis diebus uel alternis acciperet unam pilulam aloës, uel hieræ simplicis scrup. i. iuaret. Nec metuerem febrem, quia euacuat bilem, & restinguit sitim, refrigerat, & educit materiam facientem obstructions, & calefacientem, et potest dari tota aloë, ut minus calida sit: educit humores. Sed si essent imbibiti intra tunicas uentriculi, melior esset hiera, ut inquit Galenus. Potest igitur exhiberi aliquot diebus, ut uideamus quomodo conferat: si enim non conducit, poterimus alia exhibere: sed credo quod ex his optime habebit.

## RATIO VICTVS.

Nescio an consueuerit uinum lymphatum bibere: si possit, credo utile fore ut abstinere à uino. Galenus tres recenset causas, in quibus sit abstinendum à uino: in epilepsia, in adustionibus, & humoribus crudis. Hic sunt humores crudi &c. Sed darem aquam coctam cum cinnamomo uel pipere, quam Galenus dabat, & forte melius esset: quia enim eius caliditas non transit ad hepar, potest poni uel piper, uel cinnamomū, uel quatuor garyophylla cum modico sacchari. Comedet iuscula, panisalem, & modicum carnis. Si habebit paroxysmos, mutatur ratio uictus, & non ita cibabitur sub noctem, quod eo tempore soleant magis exacerbari symptomata, ut iam etiam accessio manifeste se ostendit.

## De febre continua in grauida muliere.

## Consilium XL

**M**agnifica Domina passa est febrem per mensem, & affligitur lenissimo typo circa horas uespertinas. Exacerbatio non fuit cum frigore sensibili, sed cum calore paulatino, ita ut pateretur circa cor, & haberet anxietates. Postea habuit uigilias, & asfrictionem alui, a qua liberata est. Deinde a cibo stomachicis anxietatibus angebatur, quæ adhuc perseuerant. Post assumptionem pharmaci sitis accessit, & tumor in liene, qui deduxit hanc Dominam ad excessum non quo ad substantiam, quia nondum est hydrops, sed quoad colorem. Postea accedit etiam hoc, quod grauida est, ita ut foetus sit perfectus: excessit enim septimum mensem. Quare eget plurimo alimento. Dubitatur nunquid excesserit nonum mensem, an sit in octauo. Dicit enim, quod post quartum Iulij, non amplius perceperit fluxum menstruorum. Et nunc sumus in prima die Aprilis, secundum menses lunares sumus in nono. Queritur in quo tempore sit febris: Apertissima signa apparent concoctionis post assumptionem benedictarum Medicinarum, ut Mannæ. Perseuerat tamen tumor, sitis & anxietas, non habet typhum, ita ut sit uel cum frigore uel rigore. Igitur putredo est intra uenas, quæ etiam solet habere suas periodos, & credo hanc febrem esse continuam unam, pendentem ex nullo humore absolute, sed ab omnibus complicatis simul. Habet color em tendentem ad fuscedinem, ergo iactancholia abundat. Est item calidissima, & humida, quæ omnia indicant non unum solum, sed plures redundare humores. Multæ etiam feces pituitæ permiscuntur cum excrementis, & habet catarrhum, qui satis indicat abundare pituitam; Bilis etiam Citrina admiscetur excrementis. Deinde sanguis crassus e naribus destillat. Quare dico omnes humores hoc in corpore abundare, & sanguinem trahi in consensum, habet enim maculas rubras. Cum itaq; omnes humores hic conuerterint, habet febrem continuam. Et quia crassi & frigidi humores hic putrescunt, febris est lenta, non cum horribus magnis, nec cum ariditate linguæ. Vigiliæ habent ratione melancholici humoris; Imaginabatur enim multa. Ex maculis posset argui adesse febrem pestilentem. Dico autem has maculas posse contingere sine peste, & pestem quoq; sine maculis. Febris pestilens pendet ex putredine sanguinis massæ, ibi natura excernit has maculas, plus nigras; pro maiori adustione, quandoq; natura obruitur, ut non possit expellere. Vidi ego hominem habentem istas petechias sine febre. Quare credo hic non adesse febrem pestilentem, quia ea nunquam est sine fluxu colliquatui, qui hic non apparet: neq; per mensem cum tot accidentibus uisisset, aut certe nunc Hæctica esset. Fortior uero natura est Manna, facta, expulit. Sinit, quod bonum signum est, secundum Hipp. Habet duritiem in pulsu per duos dies, & tremorem, quare credo aliquam esse lationem in membris nervosis. Patitur tensionem circa hypochondrium sinistrum, qua comprimatur Diaphragma, & difficulter spirat, & sic trahuntur in consensum nervi omnes. Humor etiam melancholicus cum sit terrestris, & mordax, facit ad duritiem. Bibit etiam plus, quam comedit. Hinc potus supernatat, & inde accessit etiam aliqua anxietas.

**DE PROGNOSTICO.** Ratione ægritudinis deberet saluari, & ex excretionibus colligo naturam superare morbum. Sed quia non sentit moueri foetum, aut ille est omnino debilis, aut mortuus. Plurimi quoq; ob magnitudinem splenis, in hydropem incidunt. Trahit enim splen ob uiciniam in consensum hepar. Nam hydrops non fit sine frigidityate hepatis. Dubito itaq; de morte, non ratione morbi, sed foetus. Qui cum ambigatur, an mortuus sit nec ne, metuo ne uires eius deiciantur ex his purgationibus.

**DE CVRA.** Cum uideremus illam indigere alimento ob foetum, ob uentri culi uero imbecillitatem & febrem, non multo uti debeat, uices iterauimus; ut singulis sex ho-

sex horis comederet vitellos ouorum, ius pulli, & similia. Mel rosaceum cum Citro, & Scordio dedi. Nolui dare astringentia, ne dici possit foetum iam mortuum à me occisum. Concessi uero unum aquosum. Natura hic manauit, non tamen expellit, quia non sufficit. Quare nos mouebimus. Cum tamen uirtus non sit fortis, nec partus, non auderem addere uim maiorem, quam Mannam, ne sequatur fama Medicorum mala, quia & ipsi & foetui mors horaria imminet. Praesagium hoc res ipsa confirmauit, sic quidem haec mulier non ita post multos dies obiit.

## De febre putrida cum praefocatione matricis

## Consilium XII.



Vdai cuiusdam uxor laborabat dolore uentriculi, cum praefocatione matricis & febre: superioribus etiam diebus laborarat febris: quare medicus qui tunc fuerat uocatus, primum leniuit uentrem, deinde basilicam incidit: & quia non attenderat ad principalem causam febris in hac muliere, quae pendebat ex matrice, interim illa in febre incidit, & malum est auctum: sed quomodo, post dicitur. Febris inuasit cum suis symptomatibus, nam in syncopen incidit, & dormire nequiuit, prope delirauit, melancholica. Vocatus ad eam, corporis dispositionem primo considerauit, & ceteras deinde causas aegritudinis diligenter inquisiuit. Ipsa autem quia admodum formosa, calidae & humidae est temperaturae. Totius naturae sequitur pars: quare & matrix calida & humida, quae propterea etiam libentius uapores generat, qui deinde euaporant, & sursum feruntur, & uentriculum perturbant, caput replent, unde insomnia, & melancholica deliramenta: ad haec cum accederet mala dieta, illa aucta sunt, corpusque debilitatum est magis: neque menstrua, uti par erat, purgata, unde & febris haec causata est. Lex Moysi prohibet, ne à purgationibus menstruum ante cum uiro coeant, quam sese frigida abluerint. Necdum purgata satis, in frigidam insilierat, quam lotionem obstructio est sequuta, atque hanc febris, qua nunc laborat. Accessit etiam strangulatio matricis: nam lotionem sequuta est etiam intemperatura matricis: generati in ea propter intemperaturam uapores: denique fortiter clausa est matrix, ut etiam purgationes sisterentur, quae deinde doloris uentriculi causa: & ipsa febris inde facta est auctior. Sed quoniam necesse erat hanc suppresionem menstruum, & matricis praefocationem solui, propter maiora pericula, quae timeo, & praesertim syncopen, dedi illi Mithridati 2. cum saccharo rosato, ut Mithridatum calefaceret matricem, & materiam uaporum exiccaret, denique uias aperiret, atque ut saccharum rosatum confortaret uentriculum. Sed dicat aliquis, augetur febris: concedo, sed maius ex matricis praefocatione periculum impendit: necesse est igitur hanc primum omnium curare: febre curabo paulo post facilius syrupo rosato, & de cichorea, causis etiam sublati, & soluti obstructionibus, & reducta caliditate ad temperiem. Ad hanc praeterea dosim Mithridati cum rosato, adhibui etiam frictiones pedum, ut prouocarentur iterum menstrua, & res pulchre successit. Ne uero spe nostra frustraremur, iussi lauare pedes in decocto bethonicae, salutaris &c. Item, ut ex herbis illis fumum acciperet: praeterea dedi decoctum radicis foeniculi, petroselinii, & anisi, & coeperunt iterum fluere menstrua. Nam nisi res diuissent menstrua his medijs, cucurbitulam etiam saphenae applicuissem, ut ad inferiora sanguinem menstruum propter communicantiam uenae ad matricem retraherem, quanquam frictio ipsa ad haec prouocanda satis sit efficax. Atque inde facile est affirmare, quantum nocuerat prior Medicus, qui basilicam incidi curauerat. Incisio enim basilicae menstrua sursum attraxit, unde omnis mali labes. Nunc autem cum fluant, ne quid accidat quod sistat menstrua, diligenter cauebimus, imò quoad poterimus naturam eius adiuuabimus ad expulsionem. Hac autem nos certe nihil dormiuisse se conqueritur: neque mirum, frictio namque, quia corpus

corpus calefecit, febrē adauxit, & fluentibus menſtruis omnia mouentur in corpore, unde inquietudo: poſtremo uapores caput calefecerunt. Quare ad conciliandum ſomnum, iuſi ut nares oleo uiolaceo inungerentur, & tempora: hoc ſi nihil profecerimus, perueniam ad unguentum populeonis. Sed roget quis, cur nihil exhibeam per os, quod ſomnum conciliet? Reſpondeo, quia omnia conciliantia ſomnum, frigida eſſe & humida neceſſe eſt, & frigida morbi materiam groſſiorem reddunt, & expulſioni inepiorem, quare nihil exhibeo.

Pro puero, qui à ſcabie curatus, febrē ex uiſcerum obſtructione laborabat.  
Conſilium XIII.

**Q**uidam puer cum ſumpſiſſet pillulas, primo unam de Aloe ſimplici, & aliquot etiam alias ex Aloe, & Rhabbarbo, ſatis commodè ab ijs purgatus eſt, donec materia, quæ in uentriculo & inteſtinis continebatur, euacuaretur. Ea remota, cum niſilominus quarto quoq; die unam ſumeret, aluum niſil leniorem ſenſit, quia febris etiam ſuperuenit, quæ cum leui rigore inuadebat, quotidie perdurante calore ad tres etiam horas. Vocatus eſt Montanus, uidens primo colorem totius faciei & corporis album, uentriculi debilitatem eſſe ſtatim aiebat. Quod color corporis, ut & Galenus teſtatur, dominium in corpore humorum abundantium oſtenderet, niſi in interioribus ſeſe continerent huſus mores, quod raro fit, ut ait Galenus. Dicebat igitur uentriculum debilitatum, ac plurimum pituitæ in eo corpore generari, quod etiam pulſus teſtaretur, qui debilis erat oppreſſa uirtute ex nimia ui pituitæ. Tangens deinde uentrem circa regionem uentriculi, & in utroq; latere, maxime uero in dextro, tenſiones percepit, ita ut cum in dextro commodius tangeret, gurgitationem quandam manifeſte ſentiret. Urinæ crudæ erant, & in fundo aduſſionis ſigna oſtendebant. Montanus, ut obſtructiones eas aperiret, ex quibus febris orta erat, primum ordinauit hos ſyrupos:

℞ Rhabbarbi electi 3. l.  
Spicæ grana 6.

Minutim incidantur, & inuoluantur panno lineo ſubtili, deinde in ℥ 1. infundantur aquæ Endiuæ, & hæc infuſio diuidatur in partes tres, pro tribus ſyrupis, ſemper in ſingulis ſyrupis faciendo expreſſionem dicti Rhabbarbi in linteo, quæ non remouebitur ab ea aqua niſi in fine. Sumantur autem hi ſyrupi hoc modo:

℞ Terriam partem huius aquæ, deinde  
℞ Syrup. de Abſinthio  
Syrup. aceto: ſimpl.

De duabus radicibus ana 3. s.

Miſce pro uno & ſic pro alijs duobus. Item  
℞ Olei de ſpica, ab aromatarijs ſumpti, ceræ q. s. fiat linimentum pro  
unctione oppilationis in parte dextra. Item

℞ Olei de Capparibus 3 l.  
Bdellij  
Ammoniacy ana 3 2.  
Agarici electi 3 1.  
Aceti Scyllitici 3 1. s.  
Hyſſopi humidæ  
Olei Amygdalarum amararū ana 3 1.

Cum modico ceræ fiat ſecundum artem linimentum pro ſplene. Item

℞ Olei de Abſinthio 3 1.  
Maſtichini 3 2.  
Ladani electi & pinguis 3 1.

Misce, & fiat linimentum pro stomacho. Vñs erat his unctionibus & syropus etiam acceperat tres, sicut ordinati erant, ea febris mitigabatur quidem, sed quoniam obstructions non tollebantur, neq; febris penitus auferabatur: symptomata tamen omnia mitiora erant, ita ut ad sanitatem uergere uideretur. Montanus uidens urinas non malas, & febre mitiorem, obstructions etiam in dextra parte apertas, sed in sinistra non item, ubi etiam durities quædam tactui apparebat, uoluit cum sumere alii quot diebus sequentia:

℞. Duas heminas brodij de pullo semicocti, in quo decoquantur Cera  
trach

Capilli Veneris

ana ʒ 1.

Decoctione facta fiat expressio fortis, & in decocto infundantur oxymellis Scyllitici, Geleniabin ana ʒ 1. exhibeatur mane hora syrupi calide. Iterum

℞. Trochiscorum de Absinthio, de Capparibus ana ʒ. 1. s. Cum melle rosato fiant pillulæ 9. ex quibus unamumat singulis diebus immediate ante syrupum.

De febre orta ex obstructione, in puero Veneto.

Consilium XIII.



Obilem hunc puerum febre affici ex obstructione, non modo ratio, sed sensus etiam indicat, obstructione inquam membrorum naturalium. Curari ergo non poterit febris, nisi remota obstructione. Quantum igitur ad uictus rationem attinet, mihi uideretur quod attenuans cibus & potus esset adhibendus. Ergo uinum album, pauciferum, subtile, quale hucusq; rectissime oblatum est, maxime conuenire existimo. Carnes hordeorum, & pulporum, cum quibus coquatur anisum, uel foeniculum leuiter contusum, panno lineo inuolutum. A granis omnibus abstinere, præterquam ab hordeo optime bis cocto in iure, quo essem contentus, addito petroselino, uel betonica, uel foeniculo. Et quoniam audio paroxysmum circa uesperas inuadere, laudo parcissime coenare, & in horis magis quietis: hoc enim in febre tollenda plurimum conferre arbitror. Prouiderem, ut singulis diebus beneficium alui haberet, nihil enim efficacius ad febre ex obstructione tollendam, quam lenire aluum, & prouocare urinam. Et cum audiam hunc puerum contineri non posse, quin se plurimum puerili more exerceat, omnino hos incongruos motus coercendos iudico, & intra ædes proprias, quantum fieri potest, puerum continendum. Quantum uero ad medicamenta attinet, cum apertio sit in hac curatione ferè principalis intentio, & quod uere aperit est amarum, ideo amarorum usum in hoc puero maxime laudarem. Si ergo persuaderi potest, ut de absinthio syrupum maneumat cum iure pulli, in quo petroselinum, foeniculum, & alia huiusmodi diuretica decocta fuerint, summopere laudo. Sed inter reliqua, quod semper certa fide à me longo experimento probatum est, laudo ut singulis diebusumat infusionem rhabbarbari in aqua endiuiz: nunquam enim uidi febre ex obstructione hoc remedio non esse sublatam, si modo pertinaciter quispiam in eius usu perseverauerit: quandoq; enim crassissimos humores impactos, & obstructions, quæ ob caloris imbecillitatem facile tolli non poterant, ex rhabbarbari assumptione curatas uidi. Consueui igitur accipere libram aquæ endiuiz, in quam drachmam rhabbarbari infundo in panno lineo inuolutam: deinde singulis diebus uncias quatuor illius infusionis, facta aliqua expressione, accipi iubeo circa auroram: & est huiusmodi dosis puerorum: neq; desisto ab hac potione, priusquam uideo omnino & febre & obstructions esse sublatas: auferuntur enim proculdubio, si reliqua omnia recte stant, & curationi consentiant. Quantum uero attinet ad ea, quæ exterius applicantur, stomacho quidem oleum de absinthio confectum cum puluere masticis applicarem. Lienis uero linimentum hoc modo confectum:

℞. Bdellij

Ammoniacy ana 3. 2.

Dissoluantur in acetoscallitico. Deinde

℞. Olei amygdalarum amararum

Adipis anseris ana 3. 1.

Ponantur omnia simul, & fiat linimentum pro splene. Hepati recte applicari potest linimentum ab Excellentissimo Doctore applicatum, unguentum rosatum Mesue cum sandalino permixtum. Hæc satis esse arbitror pro hac febre tollenda, si modo puer recte pareat, & assidentes non delinquant.

De febre continua ex putredine ac magnis uiscerum  
obstructionibus orta.

## Consilium XV.



Um accessimus hunc, protestati de longa ægitudine, multa diximus, ac et si ex Hippocratis sententia 1. Progn. præterita ducunt Medicum in cognitionem posteriorum, tamen de præteritis nunc nulla fiet mentio. Circa præsens deprehendi febrem, & illam si non continuam, & sine typo (ut semper fit) saltem una hora magis quam altera intensiorem. Præter febrim habet tensionem hypochondriorum, & miram eorum gracilitatem, licet totum corpus sit gracile, magis tamen abdomen, quæ ultima pars esse debet, quæ tabes scit. Habet etiam intrinsecus obstructionem uenarum, per quas deferitur cibus ex uentriculo ad hepar. His ita se habentibus quæro, utrum hi morbi ita complicantur, ut unus sit causa alterius, num febris fuerit illa, quæ fecerit opilationes, an contra. Fuit sanatus, & patitur recidiuâ, uidetur igitur febrim fuisse opilationis causam. Calor non mordax, paroxysmi non longi, nō sitis magna, credo, quòd pendeat febris ab humoribus crassis permixtis, non solū cum melancholia, sed cū diuersis humoribus. Quando tales crassi humores commixti uidentur, adesi imbecillitas concoctricis uisceris, & omnia membra naturalia sunt affecta, quia non nutriuntur. Ventriculus enim non conficit suum nutrimentum, hinc etiam non uoluptatem accipit, non pinguescit, & hinc humores crudi, ténues. Concoctio enim fit ingrossando: inconcoctio autem relinquit humores ténues, qui faciunt tensiones, & extinguunt calorem naturalem, hinc obstructio, quia hi humores ob moram crassescunt, & obstruunt. Inde causam tensionis, gracilitatis, & obstructionis esse puto, nempe ab imbecillitate coctionis: humores obstructi putrescunt, & ingrossantur, & febris fit, quæ facile assimilatur hecicæ, habet enim paroxysmos occultos, & facile etiam mutatur in hecicam. Estq; ægrotudo difficilis & periculosa. Galenus enim dicit Tertianam notham non carere periculo, quanto magis hæc: Ideo ne ipsa sequatur tabes, oportet seipsum opportuna faciente præstare &c. Metuo enim, ne contabescat, & moriatur: quia cum ægrotudo est cum imbecillitate membrorum naturalium, calor innatus est debilis, & medicamenta parum iuant: quia ad actum non deducuntur à calore. Vellem aperire obstructions cum potionibus, syrupis, & decoctis, pro ratione uentriculi & hepatis. Primo facerem decoctionem in iure, cum quo Cichorium & Chamædrys decoquerentur. Est decoctio admiranda in his, in quibus est obstructio. Darem syrupum acetosum, qui corroborat affectum locum. Adderem etiam ablinthium, & mel rosatum pro corroboratio ne stomachi. Ventriculum quoq; fomentare ex decoctione Chamæmeli, & Cidosiis. Acciperem enim quæ corroborant, & si habent rationem cibi, maxime præstant. Et facerem formam emplastri, uel cerati, & sic optime ac continue fomentarem. Darem confectionem Diarrhodon Abbatis mane, & sero, per aliquot dies, & per interualla exhiberem euacuantia mediocriter. Et quoniam causa febris est oppilatio, &

latio, & humores crassi, ideo illos attenuarem, & magis attenderem ad causam, quam ad febrim. Darem uina nutrientia. Non comedat in tempore exacerbationis. Ex dactylis, Cidonijs, Chamæmelo facerem emplastrum, nam in tabe uentris, multum ualet.

℞. Syrupi Acetosi Diarhodon

Iulepi uiolati ana 3 1.

Decocti Chamædryos

Cichorii cum aqua Absinthij 3 3. Misce.

Pro Cornelio Sithardo æstate recedenti in Quartanam,  
qua per hunc laborauerat.

### Consilium XVI.



Edisse eam propterea dicebat Montanus, quod humor melancholicus uere non esset, ac exquisitè purgatus, iuxta illud Hippoc. Quæ relinquantur in morbis, reciduas facere consueuerunt. Et improbabat eam curam di rationem in febris, quæ per applicationem emplastrorum fieret, ut uiolentam & contra methodi rationem constitutam, quod causam non tolleret. Non tamen uoluit eum in æstate medicamentis uti alijs, quam pillulis Hieræ picæ Gal. propter debilitatem uentriculi. Eas in mense ter aut quater ut fumeret, iussit, tempore etiam calidissimo, & interim æstatis diebus, si quam sentiret gravitatem, ut uomeret, cum præsertim id facile posset. Vti quoque balneis aquæ dulcis uoluit, subinde repide, ita tamen, ut ipse non excitaret sudorem nimis diu immorando. & si sudor contingeret, ut eum diligenter abstergeret. Victus diligenter rationem habere quoque iussit, & a fructibus abstinere, & cibis melancholicis. Semper etiam antè prandium & coenam iuris exaurire scutellam. His peractis ad altissimum omnibus modis annitendum, si eousque durabit, ut abigatur febris, idque faciendum euacuatione materiæ, post præparationem. Primo autem pituitam exquisitè educendam, & deinceps humorem melancholicum. Rediit uir opt. liber à quartana in Germaniam, & Norinbergensis Reipub. laudatissimæ Medicus factus, postea Phili extinctus est.

### De febre Quartana.

### Consilium XVII.



IN febrim quidam inciderat Quartanam, homo biliosus & iracundus, & exercitio in caloribus, ac malo regimine usus. Acceperat Calsiam ante dies aliquot. Nunc utatur bona diæta. Vesperti exhibeantur clystere, mane postea secetur uena, bibat deinde syropos.

℞. Syrup. de Absinthio 3 1.

Oxymellis Scyllitici 3 2.

Decocti capilli Veneris

Et Ceterach in aqua Absinthij destillata 3 4.

Misce pro uno, & sic pro alijs. Purgatio sequitur, quam tamen uesperti præcedat clystere:

℞. Syrup. ros. solutiuu 3 4.

Confect. Hamech 3 4.

Cum aqua Fomiterræ, fiat potio danda in aurora cum custodia. Bido sequenti semper mane bibat brodium pulli, in quo decoctum sit hordeum, & expressum, cui imponatur saccharum. Postea singulis diebus bibat brodium, in quo decoctus sit Cichorii, Boraginis, Petroselinij, & Ceterach. M. 1. Et immediate ante id, sumat unum ex Trochiscis sequentibus:



℞. Polypodij recentis

Glycyrrhizæ rasæ

Rad. Capp.

Cartami

Anisi

ana 3 8.

Succi Absinthij

Aloes opt.

Rhabarbari electi

ana 3 1.

Puluerizentur omnia per se, deinde misceantur, & cum melle rosaceo fiant Trochisci pondere 3 l. sumat unum singulis vicibus. His cum diu usus esset, nec aliud proficeret, quàm quòd ex duplici quartana, quam ex regimine malo sub initium contraxerat, simplicem tantum sentiret, Montanus præterea hæc ordinauit:

℞. Myrrhæ

Croci

Aloes electæ

ana 3 2.

Cum melle rosato fiant pillulæ.

Item: ℞. Syrup. Pomorum dulcium

3 4.

Aquæ rosar.

3 3.

Musci

Ambrae

ana 6. 3.

Sacchari fini

3 14.

Misce, fiat electuarium.

Item: ℞. Diachylon, cum gummis

3 4.

Extendatur in corio pro emplastro splenis. Hæc cum tertia die iterasset, sanatus est.

Pro Gallo quodam laborante quartana triplici.

### Consilium XVIII.



Escio adhuc quo morbo laboret, quare factam ut docet Auicenna, subtilabo regimen, donec morbus appareat. Primo rationem uicibus præscribam. Sumpsit heri electuarij lenitiui drachmas duodecim, cum saccharo in boli forma. In fine accessionum habuit magnam sitim: quare laudo talem potionem:

℞. Syrupi acetosi multæ acetositate 3 3.

Vini granatorum 1.

Aquæ Boraginis 1.

Misce, & utatur pro sit, & bibat cyathum unum in fine paroxysmi dum sitit. Pro syrupo, quia obstructions habet, ut serè semper uidebitis in febricitantibus, cum occurretis post uigesimalium diem ægritudinis, hypochondria tangentes, percipietis tensionem, semper habet obstructions, quæ aperiendæ sunt, alias nunquam curabitis febrem. Sed nolo in principio progredi cum amaris, & per se aperiensibus.

℞. Oxymellis simp. 1.

Mellis rosati 8.

Aquæ cichoreæ 3.

Misce, & detur mane pro syrupo. Iste Gallus habet quartanam quotidianam, quod sæpe contingit. Exemplum habetis apud Galenum de Eudemo, primo Prognost. etiam de differ. feb. Sed circa febres putridas multa essent dicenda, quæ oportet supponere: nihil enim dicam ex observationibus, sed principijs, sicut fieri debet: quod cum hic non possumus, ubi supponendo sine arte loquimur, in solidis fundamentis docendum. Quatuor sunt humores qui putrescunt: bilis putrescens tertianas facit, pituita amphimerinas. Sed an sanguis putrescat, & quomodo

ex eo fiat febris, dicemus in scholis. Nunc tres humores sumamus. Melancholicus humor putrefactus, facit quartanam. Cum talibus occurritis, quomodo debetis agnoscere? Non sunt expectandi dies paroxysmorum: hoc ridet Galenus 2. de Crisibus: possunt enim decipi, cum variant pro ratione adfectionis humorum. Si ex paroxysmis hanc vultis iudicare, erit quotidiana. Optimum igitur erit febres cognoscere à proprijs signis, differentijs, & accidentibus: quorum signa trademus. Humor melancholicus est crassus, sæculentus, frigidus, mordax sua aciditate, & potius astringens, exasperat ac si melsilum comederetis, sicut acida, austera, acerbæ, quæ Arabes pontica dicunt: ergo à natura rei, cum humor ille ab interioribus ad exteriora mouebitur, facit frigus magnum, quia humor in se frigidus tangit musculos: & est humor naturæ inimicus, calori oppositus, ideo natura prostrernitur, & fit maxima contractio caloris, etiam frigus magnum, quod est signum quartanæ. Differt enim à frigore bielis: nam ipsa quoque frigus facit, & motum concussionis: sed quartanæ frigus maius est, ac si quis aëri valde frigidus occurrat, dicunt se tantum frigus sentire, ac si quis nudus versetur in niue: frigus uero à bile est, ac si acu mordicaretur.

Quotidianæ etiam frigus ab alijs facile distinguitur: est enim rigor eius tanquam cum somno, & hoc est primum signum pathognomonicum. Pulsus deinde ob humorum frigidum inæqualis est magis quam in quartana & tertiana: & ratio est, quandoquidem qui quotidianam patitur, habet singulis diebus paroxysmum: & quia pituita multa est, quæ multitudine sua extinguit calorem, supra modum aggrauat naturam, & fit pulsus inæqualis, sicut de baiulo exemplum dat Galenus. In quartana licet melancholia sit pauca quantitate, nec tam abunde in corpore quam pituita in quotidiana, tamen aggrauat grauitate propria, & ita ratione ponderis fit pulsus inæqualis.

In Tertiana magis augetur necessitas euentandi, ideo maior est pulsus, & uelocior quam in quartana aut quotidiana: & quia humor leuis est ualde, non ita aggrauatur natura, & ideo pulsus non est ita inæqualis. Habet igitur pulsus in quartana se mediocriter inter tertianam & quotidianam, in æqualitate & uelocitate, & magnitudine. Est præterea rarior, ob materiam scilicet humoris terrestris, & propter duritiem seu siccitatem instrumenti, quæ etiam ad paruitatem facit. Est & aliud signum discernendi ipsas, quia accessio febris, principium paroxysmi & augmentum longiora sunt quam in reliquis, quia est tardæ putrefactionis, nec habet statum nec declinationem, ut quotidiana. Patitur igitur quartanam, ergo ex humore melancholico putrescente. Sed hic noster ægrotus quotidie patitur, quia natura aggrauatur multa materia, raro siquidem sola & simplex contingit. Raro uidebitis quotidianam uel quartanam puram, quia semper aliquid pituitæ admiscetur melancholiæ. Frequentius uero exquisitas tertianas uidere contingit: hæc aliquando minorem frigiditatem, & propter pituitam à mixtam quandoque maiorem habet: & uidetur unus dies quasi quartanæ deditus esse, reliquis duabus mouetur alij humores. Habet autem febrem propter obstructionem uiscerum: non habet quidem duritiem tympaniticam, sed tensionem, quia febrem habet quæ calorem naturalem mutauit in igneum, ideo facit coctiones deteriores. Est ergo alendus uictu tenui, quia dum manet febris, manent cruditates, & sic fiunt tensiones. Oportet autem has obstructions etiam curare, quia habent rationem causæ, sine qua non potest curari febris. Ideo dedi syropos aperientes, & tam apparet coctio, aliqua ex parte, quæ quamuis sit laudabilis, nondum tamen est status, donec exactissime signa appareant. Morbus est materialis: ergo stante coctione in urina, euacuare oportet, cum appareant signa coctionis. Humor melancholicus est: quod erit igitur instrumentum? Mihi semper familiare, quo utor, est confectio hamech aurea, quam confecit Mesue magna arte: ideo extollo Arabes, quia habebant methodum de compositione medicamentorum. Sed nescio qui sit, alij à Græcis ad Arabes, alij ab Arabibus ad Græcos confugiunt, & ita hæc atque illuc uagantur,

gantur, quod fit, quia feruntur sine ratione. Qui ratione procedunt, hæc non faciunt, quia utriusque errare potuerunt, & Arabes & Græci: aliquando boni sunt, aliquando malitiosi quia non discernimus, & nos erramus, & alios errare facimus: ita oportet unum onera portare alterius. Sed ad ægrum nostrum. Constant vires in hoc, & est iuuenis, & locus temperatus, ideo totam dosim dabimus. Integra autem dosis pro viribus est 3. 4. Et hic habet obstructions, in quibus difficilior educuntur humores, & tensa hypochondria: sed non nimium obstructi sunt meatus, ita ut materia educi non possit, alioqui non darem:

℞. Confectionis hamechi

3. 4.

Trochiscorum alhandal

G. 5.

Misce, fiat bolus cum saccharo. Habet quartanam principaliter, quia habet accessiones de quarto in quantum vehementes, postea alios duos dies mitiores. Hodie magnum habuit paroxysmum, sudavit, & est refrigeratus, & sudor etiam lintamina fecit frigida, ideo augetur putredo. Oportet ergo adhuc aperire obstructions, & concoquere materiam. Quomodo concoquenda materia melancholica? an cum incidentibus? Auicenna acetum proponit dubitando, sed non soluit; at humor melancholicus maiori indiget præparatione. Quomodo concoquantur humores? Humores semper concoquantur calore moderato. Reducendus ergo calor ad temperiem; si acutus est, faciatis benigniorem; si acris, retundetis eum cum frigidis; si obtusus, & minorem habet calorem, reducatis eum ad temperiem: nam omnis coctio fit à calore temperato. Finis coctionis est separare bonum à malo, utile apponere membris, inutile excernere: ea sunt propria opera naturæ, quæ per calorem temperatum semper tentat coctiones in humoribus: quia omnes humores habent aliquid boni, quod separat, ingratum uero expellit. Quomodo præparantur humores? Hic alijs instrumentis opus est: non enim hic est coctio, sed quædam ad coctionem præparatio. Cum crassus est humor, incidimus: si viscosus, abstergimus: cum qualitas aliqua peccat, præparamus cum contrarijs. Nos ergo naturam imitabimur. Volumus præparare humores, & concoquere: duo ergo facienda, quæ iubet fieri, ubi peccant humores, Galenus lib. 4. de tuenda sanitate, & primo therapeut. Primo admovent quæ iuuant coctionem, fouet uentriculum & hypochondria, dat diatrienpipereon, postea præparat humores, & vias aperit. Ita hic quoque humor melancholicus peccans, frigidus est, crassusque. Primo ergo cum linimentis uentriculum & hypochondria fouenda, ubi sunt principales coctiones: & præcipue lateris sinistri rationem habeatis, ubi splen concoquit; ex hoc habetis coctionem humorum. Ego in febribus putridis post purgationem utor oleo Chamæmelino uel Anethino, cum uino Aromatico, qua uiscione pori aperiuntur, & adiuantur coctiones. In principio uero quietos humores relinquo, donec euacuentur, & phlebotomiam facio. Si non bonum est fouere uentriculum uel hypochondria, ut circa partes principales bonæ fiant coctiones, euacuamus humores: Fiant ergo frictiones cum linimento, ut pori aperiantur (est enim constipatio hic) & ut crudi humores concoquantur. Post coctionem curamus præparationem. Quia sunt crassi, debent ergo incidi. Si esset pituita, facilis ratio foret, quia humida est: humor melancholicus crassus est & siccus, & ea quæ incidunt, exsiccant etiam: oportet ergo querere incidens, quod unâ humectet. Quare nunquam præparabitis humorem melancholicum, cum simpliciter incidentibus, nisi alternatim exhibeatis, ut per tres dies humectetis, per duos incidatis. Post testis igitur uti sequenti: ℞. liquiritiam, passulas, sem. altheæ, camomillam, poma dulcia, decoquantur in brodio pulli, est delectabile, & humectat. Vel rapas dulces decoquo ad ultimum, postea decolari facio, & substantia raparum abiecta, in prandio & cœna exhibeo loco ferculi. Sic potest humectari humor melancholicus. Quinto die postquam ita humectastis, potestis hoc exhibere, uel miscere etiam humectantibus.

℞. Syrupi de pomis	3	1.
Oxymellis simp.		
Mellis rosati	ana	5.
Decoctionis infra scriptæ		4. Misce.
℞. Liquiritiæ rasæ		1.
Polypodij		5.
Pastularum		2.
Boraginis	M	1.

Decoquantur in ℥ 3. aque cisternæ ad consumptionem tertiæ partis, & diligenter ipsa decoctio pro 6. syrupis. Pro linimentis

℞. Olei anethini		
Chamæmelini	ana	3 2.

Misce, & fricetur leniter totum corpus, & illinatur mane & uesperti per horam ante cibum.

℞. Olei de absinthio		2.
Chamæmelini		1.
Ceræ		2.

Misce, fiat linimentum pro toto stomacho, uentre & hypochondrijs, applicandum in fine paroxyfmi.

Pro quodam iuvene, qui quartanam patiebatur, & magnam splenis duritiem,

## Consilium XIX.

℞. Fol. senæ	Epithymi	
Polypodij	ana	3 2.
Myrobalanorum chebulorum		3 1.
Aloës optimæ		3 1.
Corticis rad. Cappari		3 1.
Myrrhæ		3 1.
Croci		3 1.

Puluerizentur omnia per se, deinde misceantur, ac cum syrupo de Epithymo fiat magdaleon, de quo fiant pilulæ: pro singula uice tres, sumat 3. ante cenam semel in septimana: Ordinata uictus ratione utatur, & si uult, potest iungere locum lientis oleo de capparibus: sunt enim obstructions, ut ex totius corporis colore apparet. Hic adueniente uere, quia his usus non erat, & inordinate uixerat, in febrem incidit. Montanus casus 3. 10. cum 3. 2. specierum hieræ exhibuit: pro syrupis postea serum lactis caprini, cum succis fumi terræ, boraginis, cichorii ana 3 1. Post secundum syrupum puri sanguinem misit: ultimo medicinam dedit ex confectiōe hamech, & syrupo rosato solutiuo. Pro aperiendis deinde obstructionibus syrupum ex succo chamædryos & agrimoniz, cum infusione corticis mediani fraxini 3 5. Cetrach 3. 6. Infundantur in sero lactis, & modico aceti bibat mane. ex sero lactis caprini ad cyathum unum. Chamædryn & agrimoniam addidit, quia ex malo regimine in obstructionem alterius lateris inciderat.

Pro splene ordinauit hoc unguentum:

℞. Bdellij		
Ammoniæ	ana	3 4.
Dissolue in aceto squillitico: deinde adde		
Olei amygdalarum amararum		
Axungie porcine	ana	3 2.

Agarici optimi puluerizati	3	l.
Corticum rad. Capparum	3	l. s.
Corticum ellebori nigri	3	2.

Cum modico cœra fiat linimentum, pro splene. Si pinguis pauca sunt, dupli-  
centur.

Pro quodam uiro laborante Quartana multis mensibus,  
cum tussi, & splenis duritie,

### Consilium XX.

**P**ro syrupo iussit accipi duas scutellas brodij e pullo, aut carne uiruli se-  
micocti, aut si non esset brodium, aquæ puræ, & in ea decoqui glycyrrhi-  
zæ partem, foliorum Boraginis, Bethonicæ, passularum ana  $\mathfrak{m} \cdot \mathfrak{l} \cdot$  eaq; ad  
consumptionem medietatis; & manē exhibeantur pro syrupo. Ad du-  
ritiem splenis iussit inungi eam partem oleo de Capparibus. Voluit ui-  
rum bibere album & tenue, quod concessit, & ut a crassioribus cibis abstineret, ad-  
monuit.

### Ratio diætæ, in quartana præscripta.

Circa rationem uictus, primo est eligendum uinum album, clarum, transparent,  
neq; multum potens, non tamen acidum, uel astringens, sed bene maturum, & potius  
subdulce, quod tamen moderate bibet, abstinendo prorsus ab omni potu post pran-  
dium, & coenam. Sed bis tantum in die comedat, & tunc bibet, quantum sat est, neq;  
alijs utatur carnibus, quam pullorum, uiruli, & animum paruarum pinguium, & perdis-  
cum. Et euitet porcinas, tam salças, quam recentes, bubulas, agninas. Euitet pisces cu-  
iuscunq; generis, sed præcipue salitos. Euitet olera cuiuscunq; generis præter Boras-  
ginem, & Lactucam, quæ tamen decoquantur. Abstineat a leguminibus, a caseo, tam  
recenti quam ueteri, & a quocunq; lactificiniorum genere. A fructibus caueat, nisi post  
prandium forte, aut coenam pyrum, aut pomum optime assatum cum saccharo tome-  
derit. Euitet omnia cruda, qualia præcipue sunt acetaria, & tandem effugiet omnium  
rerum satietatem, & semper a cibo aliqua famis uestigia retineat. Viter quoq; som-  
num meridianum. Mane surgat satis tempestiue, corpusq; moderate exerceat ante  
esum, idq; quotidie curabit. Utatur frequenter quemadmodum illi est præscriptum  
p. Aloes in pillulam redactæ, hora una ante coenam. Sit læto & commodo animo, &  
cum iucundis amicis uersetur, & omnes molestias animi depellat.

Pro Quartanario purgatio.

Florum boraginis, buglossæ, ana	3	ijj.
Radicum ellebori nigri	3	5.
Polypodij	3	5.
Fol. fenæ	3	5.
Epithymi	3	5.
Radicum boraginis	3	5.
Buglossæ	3	5.
Cappillorum Veneris	ana	3. ijj.

Bulliant in sufficienti quantitate aquæ ad consumptionem tertie partis, colen-  
tur & exprimantur, colaturæ postea addantur;

R. Succi fumi terræ

Boraginis, buglossæ	ana	1.	6.
Succi pomorum		4.	
Zucchari albi		15.	

Fiat syrnpus, sumat per quinque dies.

## De Hebræo quartanario &amp; Hydropico.

## Consilium XXI.



Asus referente Tomitano huiusmodi est: Affertur patiens 40. annorum Hebræus, qui ante multos dies laborauit febris continua, non hic, sed in urbe quadam Curatite, eam habuit per 20. dies continuos, & terminata est 21. sed non perfecte reliquit eum: & cum postea per mare reuerteretur, incidit in aliam continuam, à qua liberatus Venetijs, ita utin quartanam mutaretur. Venit huc iam ante mensem, ego accersitus reperi quartanam simpl. sine accidentibus. Tempore paroxysmi frigidus erat quidam sensus non punctionis, sed iniectionis aquæ frigidæ, nec magnum erat frigus, in calore habebat quandam inquietudinem, sed non magna erat, nec plus quam horas duas durabat. Hora accessiois interdum anticipabat, interdum postponibat, sed paruo intervallo. Apparebat durities maxime in parte sinistra. Propter obstructions ortas ex malo uiscus regimine in itinere, & reliquis febris non bene curatis. Dedi primo quæ inciderent homines crassos & appetirent. Post euacuauit cum infuso Agarici cum confect. Hamech & Syrup. rosato solutiuo. Postea regionem stomachi unxi oleo masticino pro confortando uentriculo. Dedi etiam confectionem diacimini cum Arom. rosato, sed minori quantitate. Ita cessauit tandem, & per 15. dies melius habere uidebatur, postea subsecuta sunt alia symptomata. Tussis magna, cum qua primum nihil aut parum admodum, & ualde inconcoctum expuebat, postea minori quadam difficultate & magis cocta expuit: sed tandem suppressa tussis, successit ingens dolor uentriculi per biduum, qui redeunte tussis mitigabatur. Adhuc hodie illo dolore vexatur, qui est sensus pungitiui, sed quoniam tussis adest etiam, utrunq; mitius uidetur. Adest magnus tumor splenis, & febris continua, licet & quartana uideatur habere suas accessiones. Adest inflatio testiculorum & tumor in cruribus: appetitus totaliter cecidit, ita ut nec sitiat nec famescat. Montanus: Clarissimi D. & scholaris doctoris. In hoc uero quem habemus curandum, est malus habitus totius corporis, præcipue membrorum naturalium, inflatio pedum, testiculorum, febris continua, quæ à die ueneris præterita durat huc usq; & fortasse nunquam fuit immunis à febre, à 5. Iulij, qua coepit laborare huc usq;. Habet igitur febrim, malum habitum, tumorem omnium membrorum naturalium, patitur obstructions, adest tussis cum sputo crasso & uiscido. Ad hos morbos sequuntur symptomata. Querendæ sunt omnium istarum dispositionum, siue morbi siue symptomata sunt, causæ & natura. Causas dico coniunctas & proximas ac præcedentes, seu procatacticas. Primum uidebimus utrum fuerint intrinsecæ uel extrinsecæ causæ huius morbi, Ad hoc faciet, ut uideamus cuiusnam temperaturæ sit, quia sæpe temperaturæ sunt causæ dispositionis morborum. Præcedunt enim, & habitum faciunt ad accipiendos morbos facilius & difficilius, ut in ploribus. Videndum igitur cuius temperaturæ fuerit, & uidebimus an aliqua fuerit intrinseca causa morbi, an fuerint extrinsecæ ualidissimæ. Temperaturæ cognoscentur ex his, quæ apparent extrinsecus, colore & habitu corporis, & actionibus & excrementis. Non discurram tamen per omnes actiones, & præcipue animales, cum non nouerim, nec de constantia animi nec alijs, cum nihil eiusmodi cognitum habeam. Ego ad ea quæ perpetua sunt accedam, quæ permanent etiam si acquiratur malus habitus, & inuestigabo naturam hepatis potissimum, à qua omnia dependent uel bona uel mala. Dicam ingenue quod sentio, uideo pilos adustos, uenas pro proportionem huius corporis satis amplas, calorem uergentem ad atrum, hæc omnia & præcipue amplitudo uenarum & pilorum color, perpetuo permanent, etiam cum mutatur temperatura à calido ad frigidum. Hæc omnia adustionem significant, quæ non fieri potest, nisi à magno hepatis calore, generante sanguinem adustum, & licet nunc amplimodo uenarum

non facile apparet, quia totum corpus repletum est pituita, diligentius tamen consideranti satis patet, & ita non possum dicere nisi hepar fuisse calidum & siccum. Hepar calido existente difficilimum est cor esse frigidum, cum calor hepatis foueatur, & actuetur a calore cordis, qui actualis, & a quo reliquorum membrorum calor in potentia, actiuatur & habituatur. Cum autem a forma procedat actus, talis erit actus, qualis est calor cordis, & ita non possum uidere, quod ista aduersionis signa, & calor hepatis possint stare cum frigiditate cordis. Fuit igitur hepar calidum & siccum, (licet temporis successu postea & alijs causis accedentibus sit factum frigidum, & sicut dicunt maleficiatum, ita ut nullum membrum se naturaliter habeat) cor etiam siccum & calidum, & ita in corpore potius augebatur sanguis crassior, calidus & siccus quam pituita. Postea contigit, quod usus sit plurimum cibis crassis, & antea mihi accidentia plurima habuit. Qui uero calidi & sicci sunt hepatis, gracilioris sunt abdominis, non abundant pinguedine, nec omentum habent ita munitum, ut tenere ac fouere possit calorem innatum uentriculo secundum Galenum; uel calorem quem in se habet iuxta Aristotelem, de uentriculo uel uicinis membris. Est enim in pinguedine causa caloris secundum Aristotelem & Galenum, & ita non poterit omentum uel calefacere secundum Aristotelem, uel fouere calorem uentriculo innatum, secundum Gal. atq; adeo redundat plurima pituita propter uentriculi imbecillitatem. Nec pugnat quod aliquis sit adustus, & generet multam pituitam. Imò semper sic solet contingere, quod cum aliquis sit adustus generet multum pituita, & qui abundant humore melancholico, sunt etiam maxime pituitosi, & ideo semper cum purgatur melancholicus humor, adijcitur aliquid euacuans pituitam. Causa igitur huius rei est, calidum hepar generans sanguinem crassum & adustum: frigidus uentriculus generans plurimum pituita, & hæc erat temperies, quæ est causa disposita ad hunc uel illum morbum. Incidit tandem ex aliqua causa in febrim continuam, in qua a medico curatus sine phlebotomia, quæ in febribus continuis est admodum necessaria, nec euacuatus est ut debebat, uisa est ei terminari 21. die, sed non est terminata, sed facta permutatio, ut Hipp. 3. aphor. Ipse eam cessasse dicit, cum sit immutata ad aliam naturam. Habebat continuam quæ pendebat a materia crassiori, non enim aderant accidentia, quæ testarentur super acrimonia humoris: & natura est apta ad generandam pituita & melancholiam, & in habentibus symbolum fit facilis mutatio. Ideo ex mala ratione uictus, & non recta curatione (Auicenn. 1. 4. de febribus quotidianis quando transit 14. &c.) redditus uentriculus se ipso imbecillior, concoctio etiam in membris deterior, & mala dispositio membrorum, ut cum non nutriantur sequatur tumor membrorum. Erat autem corpus naturaliter aptum ad obstructions, hepar calidius calore igitur uentriculus frigidus, & febris calorem igneum auget, & naturalem minuit. Ideo fit assatio inæqualiter in chylo crudo, non æqualis concoctio sicut in elixatione, ita ex naturali temperie, uictus mala ratione, secutæ sunt obstructions, ad quas putridæ sequuntur febres subito, quare obstructionibus factis, non potest uiuere spiritus & calor naturalis. Ideo ubi est cacoehymia, & accedunt obstructions, humores mali non possunt euentari, sed putrescunt, & ideo semper remansit febris, quam fuisse posito ex pituita quadam subtiliori putrescente in uenis, & credo initio fuisse duas febres complicatas. Sed quia in materia crassiore tenuiores partes facilius concoquuntur, ideo febris quæ a bile erat facilius recessit, remansit illa quæ a pituita tenuiore erat, quæ a Græcis τριπλῆς dicitur, quasi fumus semisepultus in ligno, quod non uult ardesse, & ab Arabibus febres laticæ, quia latere uidentur, & hanc dicit. Auicenna ualde assimilari hecticis, & sequitur ægritudines quæ male curantur. Est igitur ita curatus, ut nunquam integre sit restitutus, sed semper actiones læsas habuerit, ita ut nunquam corpus fere sanum habuerit, ex quo coepit ægrotare. Accessit deinde Venetias, & conuinitas illa plus etiam adulsit sanguinem perseverante calore igneo. Adustus igitur est sanguis, & multiplicatus humor adustus in corpore, ex quo incidit tandem in Quartanam. An modo ex naturali an ex adusto humore? Sæpe contigit aduri bilem

& fieri sicut cinis, sicut fit in ligno, cum adurit ab igne fit carbo, & est ignis ille feruentissimus: sed ubi ulterius adurit fit cinis. Hic non habuit suam accidentia: & quidem febrem factam ex eo humore, testantur omnia quæ de temperatura diximus, semper autem ubi durat febris quartana, fiunt obstructions, & calor hepatis concluditur in angustum. Ideo maior fit, & augetur adustio in quantitate & qualitate etiam, seu putredine: quæ deinde, propterea quod hepar non amplius attrahit, distrahuntur per totum corpus, & facit febrem continuam quidem, sed quæ habeat accessiones etiam quartanas, propter adustionem materiz. His perscuerantibus, & calore naturali, qui in igneum mutatus erat, etiam resoluta, tandem multiplicata materia hepatis, & omnes venæ repletæ sanguine aquoso, quia enim ventriculus non concoquit, ut oportet, nec fit chylus debito modo: hepar attrahit non concocta perfecte, & ipsa inæqualiter conficiens partim adurit, partim non concoquit, ac ita generantur ac multiplicantur duo diuersi humores in corpore, qui postea sparguntur in totum corpus. Vbi autem sanguis aquosus venit ad membra, non assimilatur eis, quia non possunt concoquere, & ideo fit dispositio leucophlegmatia uel anasarca, uel malus habitus, in quo corpus redditur serpo albus, & loco sanguinis generatur pituita. Talis enim color est corporis, quale est dominium humoris. Est ergo pituitæ dominium in hoc, & corpus accedit ad malum habitum, qui tandem in anasarca desinet. Hæc omnia subsecuta sunt ad priora, obstructions & adustiones, aucta mala dispositio ventriculi, multiplicatus humor pituitosus & adustus, successit quartana, & tandem leucophlegmatia, ut iam accedat ad anasarcam, ac per totum corpus ubi premitis, percipietis tumorem, maxime tamen in pedibus, quia ob grauitatem materiz tendunt deorsum magis illi humores, ut notat Galenus. Incipit igitur iam Anasarca, atque utinam easola esset, & esset pituita illa in uenis, & non haberet fomentum à membris. Videmus tumorem insolitum & insignem, & hepar ipsum male dispositum, contingit multiplicari pituitam, & ventriculum repleri. Vnde propter euaporationes ad caput fit profundioris somni: inde destillantes ad pectus, excitant tussim, qui est motus pulmonis ad excernendum materiam lædentem. Cum igitur destillat materia ad pulmonem, necessarium est succedere tussim, non expuebat uel ex parte uirtutis, & instrumentorum, uel ex parte materiz, quæ cum nimis crassa est, non potest à spiritu illo collecta & coadunata in pulmone, ac subito erumpente propelli, si uero nimis tenuis materia, effluit spiritus, & dimittit materiam, si media, expellit, quia crassiuscula est ut non cedat, & tum non tam crassa est, ut propelli nequeat. Primo igitur non expulsa est, quia tenuior, donec concoqueretur. Sunt autem duæ uix amplæ, per quas descendit catarrhus, oesophagus & aspera arteria, nunc ad hanc nunc ad illam fluit, & non est mirum, si in uentriculo percipiat flatus, quia pituita à cerebro descendens, semper flatuosa est. Si igitur facit moram in uentriculo, & huc illuc agitata quærit exitum, flatus facit, qui propter leuitatem sursum ascendunt, & faciunt dolorem pungitium, non ratione materiz, non enim acris est, sed loci, qui sensibilis etiam est admodum: sicut fit etiam in dolore colico, quia materia crassior distendit tunicas. Quandoque cessat tussis & augetur dolor: aliquando tussis augetur, & dolor minuitur, prout materia tendit, uel per hanc uel per illam uiam, & cum diuiditur materia ad utrumque locum, dolor est moderatus. Hæc licet omnia ad se inuicem consequuntur, necessario tamen ex his nondum curatio habetur. Quid igitur dicendum, quid affert intentione curandi? Habemus morbum in intemperie & obstructione, quæ est morbus in compositione. Intemperies est calidus, & siccus, & frigidus, & humidus, lippus qui est maximus à contrario ad contrarium temperamentum. Ergo maximus remedijs opus habet, & difficilis erit curatio. Obstructions magnæ in omnibus membris naturalibus, hepate, liene &c. ad quas sequitur febris tanquam accedens. Auct. 1. 4. Sed hic credo esse abscessum in utroque membro, & credo quod tangi possent, si possemus remouere flatum & tumorem, & est maximus casus uirtutis, quæ nunquam potest



potest esse ualida, ubi est dominium pituitæ, ut multis locis Galenus docet: cum igitur referus sit secundum omnia membra naturalia, erit ualde debilis calor. Habemus igitur intemperiem frigidam & humidam, obstructions ad quas tumor, febris, & reliqua accidentia sequuntur, sicut umbra corpus. Curandus igitur morbus, & curantur symptomata. Non igitur est curandum neq; de catarrho, neq; de somno profundo, neq; de anasarca, neq; de febre, neq; de casu uirtutis, nisi quatenus in uniuersali, sicut & Auicenna præcipit, quando catarrhus cum febre, ne cures de febre, sed de catarrho cura morbum ad quem febris sequitur. Obstructio igitur curanda, curata optime obstructione, hepar debet calefieri & reduci ad temperiem naturalem. Vnde debet inchoare medicus: Donec erunt obstructions non poterimus tollere intemperiem hepatis, non tollemus obstructionem, nisi euacuemus materiam obstruentem. Scitis autem Aphorif. si talia purgentur &c. Qualia oportet purgari peccatis tuita, Ergo et præcipue purganda est, & aquositas una educetur. Qui autem uult euacuare pituitam, debet habere curam caloris innati, & uirtutis cuius minister medicus est. Videmus imbecillum uirtutem, pituita uero non nisi ualidis euacuari potest, quæ nocent uentriculo & membris naturalibus, est enim crassa & rebellis. Sed debemus respicere uirtutem quæ debilis. Sed & hepar & uentriculus imbecillis, & amobus nihil magis nocet, quam multitudo medicamentorum, relaxant enim ea, ut fiant sentina omnium excrementorum totius corporis. Habemus igitur quid sit agendum, sed quod ad modum operationis est difficultas. Quid agendum? Primo euacuandum, & postea corrigenda membra naturalia. Quia autem materia rebellis, & propter substantiam propriam, & ratione obstructionum, ego inciperem ab ijs quæ aperunt, calefaciunt, exsiccant & confortant. Iam enim his omnibus indigemus, instrumenta sunt omnia amara cum astrictione, absinthium quocunque modo datum, Marrubium uel Prassium, Aloe, Chamedrys, Capilli Veneris. Nec opus est ut fugiat amara, si uult curari. Amara enim sunt quæ curabunt; dato lenitio aliquo exhiberem syrups hoc modo factos;

℞. Syrupi de Absinthio

De prasio

Oxymellis simplicis ana ʒ 3.

Postea fiat decoctum ex Chamedri, Capill. Veneris, Agrimonia & Cetrach, quod diligenter expressum referuarem, & ita uterer. Diuiderem illas ʒ 9. syrupi in quatuor partes, & pro singulis partibus adderem huius decocti q. s. pro uno syrupo, quia autem adest maxima obstructio, non uellem esse contentus his, sed uellem exhibere singulis diebus ante assumptionem Syrupi Trochiscum unum, ita paratum;

℞. Aloës

Rhabbari

Succi absinthij

Liquiritiæ

ana ʒ 2.

Et fiant Trochisci, de quibus singulis diebus exhiberem ʒ 1. in forma pill. Immediatè ante assumptionem syrupi. Corroborabit uentriculum, aperiet obstructions, confortabit hepar: facta apertione, coctione, & præparatione, iuxta præceptum: Corpora quæ purgare uoles, oportet fluida facere. Postea ad purgationem accederem, & facerem euacuationem cum euacuantibus pituitam, primo: & postea si apparerent signa Melancholiæ, etiam eam euacuarem. Acciperem primo confect. hamech, postea corpore euacuato accederem ad confectiones magnas, & singulis septimanis darem ʒ 1. Mithridatici. Sed circa confortationem membrorum naturalium præcipue sollicitus essem, idq; tentarem tali remedio: Acciperem Cironia, & decoquerem, & per setaceum transmitterem, similiter & carnes Dactylorum & simul commiscerem cum mica panis assati, & infusi in uino aromatico, maluatico. Hæc omnia coniungendo simul, & appono pulueres Caryophyllorum & macis, & postea in panis

nis lineis tenuissimis, applico omnibus membris naturalibus, & in hoc multum confido: est enim præstantissimum & efficacissimum in efficiendis & confortandis membris naturalibus. Victus deinde sit attenuans, vinum album pati non potest, rubrum bibat, non ualde nigrum, & tenue. Carnes sint facili coctionis, & pauci nutrimenti, aues montanæ, pulli iuniores assi uel elixi, & semper aliquid aspergat Cinamomi ad sua ferula: semper anisum comedat ante cibum. Maneat in lecto, & sibi cum pannis lineis foueatur calor naturalis. Fiat item linimentum ex oleo anethino, & oleo de spica, quo inungatur totum corpus, pro fortificando & fouendo calore naturali membrorum.

## De febre putrida in hecticam mutata.

## Consilium XXII.

**P**armacopola putrida febre laborauerat prope menses duos, postea ad hecticam uenit, putrida non recte curata. Hæc quia requirit humectationem totius corporis, & caloris præternaturalis restrictionem: uoluit oleo amygdalarum dulcium inungi corpus, quo nihil est præsentius, & antea Montanus in Doctore Basso fuerat expertus. Longo tempore cum eo non fuit Frisimelica: hodie ad eum uisendum adiit. Pulsus erat minutus, durus: in urina sedimentum ex aduisione nigricans. Minutus autem pulsus dicitur, non uehemens: quod euenit, aut propterea quod uirtus est imbecilla, dissoluitur enim calor ob humidum nutrimentale exiccatum, quod calori naturali semper est adiunctum, haud secus ac siccitas semper comitatur præternaturalem: aut propter instrumentum, id est, arteriam, cuius tunica exaruerit nimio calore, ac propterea motui minus sunt idoneæ. Minutus itaque pulsus est, quia neque uehemens, neque frequens: & durior, propter siccitatem totius. Ita pulsus argumento est bonum uirum peruenisse ad febrem hecticam. Huc accedit quoque consumptio totius corporis. Quid igitur amplius faciendum? Sedulo cauendum uenit, ne qua ratione febris augeatur, & denique in marasmodum, seu tabidam hecticam (uersatur enim adhuc in prima specie hecticæ) incidat, pereatque. Quibus autem medijs id fiet? Infrigidantibus ratione febris, & humectantibus, propter corporis siccitatem. Humectabimus autem substantiæ corpus delapsam in tabem, cibo, & rebus alijs externis. Quia uero ptisana substantia sua multum humectat, non fuerit inutilis: sed quia parum aut nihil nutrit per se, operæ precium fuerit decoqui eam cum iure pulli & carniū. Vtile quoque foret auxilium syrupus uiolaceus. Contra, uiola tantum qualitate infrigidat, ergo inutilis est. Respondeo, sola quidem uiola qualitate humectat, at syrupus propter saccharum & decoctionem humectat substantiæ. Cur non uteris decocto & carniū testudinis, quod alij faciunt? Ab his in præsens abstinendum duco, propterea quod uentriculus sit imbecillis, & corpus obstructionibus non uacet. Sed utatur decoctis capillorum Veneris, endiuivæ, & aliarum herbarum: postremo inungatur foris oleo Amygdalino dulci, &c.

De quodam laborante febre putrida quotidiana,  
hectica & hydropo.

## Consilium XXIII.

**A**usa primitiua sumitur ab eo, quod noctu multum uersatus est in aëre frigido, unde tussim habuit uehementissimam catarrho, & inde in febre cum splenis tumore incidit. Symptomata talia sunt: Quotidie febricitat circa horam decimam nonam, frigus durat usque ad uigessimam primam, calor non transit mediam horam, postea melius habet, ut sibi uidetur.

quia non percipit quæ nos: symptomata non habet adeo horrenda, non habet dolorem capitis magnum, nec sitis, egerit etiam, ita ut uideatur potius simplex febris. Vt na ad subnigredinem tendit, rubra tamen, in qua etiam uidi subnigram nubeculam. Pulsus durus, ut arcus tensus, & propter duritiem adesse frequentia longe maior quam uelocitas, & quasi tactui resistit: uidendumq; an hæc durities sit ratione materie, an uero ex parte uirtutis. Adest & alia ægritudo, quæ genere differt à priori, tumor in toto uentre, & tensio cum sonitu, ut in tympanite, & difficultas anhelitus, ut fere suffocatur. Regula itaq; sit uobis: Semper prima statim uisitatione uidendum est, quæ operationes sint læsæ. Illæ enim indicant morbum, & sunt signa quæ non fallunt. Operationes animales, hæc non sunt læsæ, recte intelligit, memoratur, discurret, omnes interiores sunt sanæ, ergo eas non considerat Medicus: nec exteriores læsæ sunt, bene uidet, audit, odorat, sentit, appetit, mouetur secundum totum corpus, & exercet omnes operationes animales, ut sanus. Vitales læsæ sunt, quod colligitur ex pulsu non naturali. Sunt enim tres causæ pulsuum: Primo necessitas caloris euentandi, qui prout maior uel minor fuerit, uariatur pulsus. Secundo, efficiens causa est uirtus mouens. Tercio, corpus motum, uidelicet instrumentum, in quo requiritur, ut sit apta arteria, non nimis dura, nec mollis, sed ut sit moderata inter duo extrema, quia si peccat in alterutro, impeditur. Hic primo est durities in arteria, & est pulsus frequens, & uelox, qui indicat auctam esse necessitatem euentandi caloris. Est paruus, quia uirtus tanta non est, ut possit dilatare arterias, & quia debilis est, ut una dilatatione euentationi satisfacere non possit, ideo id pluribus uicibus supplet. Ex his colligitur: in corde esse calorem non naturalem, qui augeat necessitatem euentationis: nec causam efficientem seu uirtutem recte se habere, & instrumentum seu arteriam etiam seipsa esse duriores. Operationes naturales expresse & notabiliter læsæ, ut supra in hydropse ostendimus. Et manifestum est hic initium hydropis, seu tympanitis, ut apparet ex tumore uentris. Arguimus etiam duritiem esse in splene & hepate, quia nihil facilius, ut Galenus etiam considerauit, ubi tam diu durauit obstructio, cuius ratione distributio alimentum non fit per uenas, nec potest confici alimentum, sed fit cruda aquositas, quæ distillat & transit sub forma uaporum inter peritonæum, & intestina, ubi adhuc magis densata à frigiditate, fit ascites, quia habet formam eius, & sic concoctrix uirtus in uentriculo & hepate læsa est. Ubicunq; autem est actio læsa, ita ut sit diminuta, uel abba, de necessitate id fit per frigiditatem: quando uero corrupta est, per caliditatem. Hic actio diminuta, ergo frigiditas. Et quia cum toto corpore communicat, ergo in principio est, in hepate, in quo fit sanguis. Illud frigidius redditum est per affluxum materie, unde fit tympanites. Est ergo morbus primum in intemperie, per affluxum materie, & deinde etiam per essentiam. Postea est etiam in compositione, quia obstructio est in meatu. Est & alia ægritudo: calor præternaturalis in corde, qui cum diffunditur per corpus, facit febrem: sicut Galenus in libro de inæquali intemperie, & de constitutione artis ait, duas inæqualitates, id est, frigiditatem & caliditatem in eodem membro non inconueniens esse, & hoc sæpe fit, ubi primo materia refrigerans occupat membrum, postea caliditate ex corde fluente, per eius affluxum induciunt calor. Est igitur curatio, quia calor ille rectificat, subtiliat, digerit & curat, ut etiam Hippoc. testatur: febris spasmo superueniens melior, quia febris resoluit materiam, & tollit spasmus. Ita hic etiam sunt duo morbi, febris propter calorem præternaturalem, quem indicant etiam exeuntia, urinae enim rubrae sunt propter adustionem, & hypostasis adusta est, quod significat assari substantiam sanguinis. Altera ægritudo est hydrops, qui est principaliter, & fundamentaliter à temperatura hepatis, & est tympanites. De febris uidendum cuius speciei. Audiuistis quod inuadat eum frigus, oportet igitur adesse materiam, quæ mota facit frigus, quia frigus in febris pendet à materia. Videndum igitur à quo humore pendeat, quod ex operationibus scilicet per suos effectus cognoscitur. Est igitur febris materialis, quia frigus apparet, quod inducit fortis motus materie à uenis ad partes exteriores, & quando ea materia, siue calida sit, siue

fit, siue frigida, pertransit musculos, semper fit frigus, propter quod calor retrahitur ad centrum, ut succurrat cordi, & ita fit frigus propter contractionem caloris, & quia muscoli mordicantur, ut Galenus copiose declarat. Habemus igitur febrem putridam pendentem ab humore, unde nascitur generalis indicatio, quod sit euacuandus. Sed nescimus adhuc, qualem humorem debeamus euacuare. Oportet igitur distinguere, si enim distinctæ erunt diuisiones, distinctæ etiam erunt indicationes curandi. Hic scimus esse materiam, sed nescimus, quæ sit, & ubi sit: ergo non scimus quomodo sit euacuanda. Quare uidendum est. Dicit se habere frigus leue, quoad intensiorem, sed diu durans, per tres scilicet horas, etiam non est concussio nec tremor, sed simplex frigus, non habet sitim nec dolorem capitis, famem tantum habet. Calor præterea non multum mordax, frequentia quidem in pulsu, sed non ita insignis. Hi sunt affectus consequentes læsas operationes, ex quibus colligitur materiam segnem esse, & non acutam. Nunc igitur consideremus naturam humorum. Bilis in corpore est humor mobilissimus, quia calidus & subtilis, ex propria natura mobilis, mordax. Nullum enim membrum tolerat, ubi hic peccat, omnia sunt in motu. Pituita tarda ad motum, crassa, viscosa, frigida, sine mordacitate adhæret, & impingitur, & motus segnes facit: ubi peccat, longos morbos affert. Sanguis medio modo se habet, nec ita tenuis, ut bilis, nec ita crassus, ut pituita, quoad caliditatem, moderate mouetur, nec putrescit nisi intra uenas. Melancholia est segnis, quia crassa & frigida, estq; mordax, non ratione caliditatis, ut piper, sed ratione aciditatis. Videte meam methodum, & Gal. de simp. medic. facultatibus. Nunc ad propositum. Causa magna frigiditatis est, uel subtilitas materię, uel multitudo. Hic est frigus segne, igitur non est materia calida, & tamen est multa materia, quia diu durat frigus. Nec morbus maturatur, quia semper febricitat: Finis unius paroxysmi est initium alterius. Ergo multa materia, & semper eadem hora affligitur. Indicat igitur humorem pituitosum putrescentem, qui facit quotidianas inuasiones. Et ideo quia materia pituitosa, in morbo non est calor acutus, nec sitim habet, nec dolorem capitis, multum tamen comedit, propter uentriculi frigiditatem, quia fames est calidi & siccī appetitus, ideo à frigiditate sit moderata, quæ non sit tanta, ut stupefaciat uentriculum. Pulsus uero inæqualis est, propter materię aggravationem. Calor etiam magis suffocatur à materia frigida, & humida, quàm à biliosa, & ideo pulsus sit inæqualis. Est ergo humor pituita. Materiam enim frigidam esse apparet ex omnibus signis. Sed quod non sit melancholia, patet primo, quia non est mordacitas, secundo frigus non adeo intensum ut in quartanis, Tertio non est accessio de quarto in quartum. Ergo est pituita. Sed an sit simplex humor pituitosus. Respondeo, raro inuenietis unum humorem putrescere, cui non sint admixtæ partes alterius, imò ferè semper commiscetur bilis, & pituita. Nam pituitæ viscositas facile amplectitur bilem, & sic una transit, ita ut ferè nunquam sit bilis, ubi non reperiatur quoq; pituita. Raro tertianam exquisitam inuenietis, quoniam semper sit aliquid crassi humoris admixtum. Raro etiam quotidianas habebitis, ubi non sit aliquid admixtum bilis. Et hic quoq; urinae tinctæ significant bilem, cum pituita putrescere. Est ergo primo febris putrida, pendens à pituita cum portione bilis admixtæ, & dicitur amphimeris na, quia singulis diebus inuadit. Quia autem humor putrescit, uel intra uenas, uel extra uenas, & ex hoc diuersæ oriuntur indicationes, aliter enim operamur, cum intra uenas est putrefactio, aliter cum extra, quid de hoc nostro casu dicemus? Hic putrescit extra uenas, & illud inde scio, quia est cum frigore paroxysmus. Dixit autem Galenus proprium febrium continuarum non horrere, sed hæc incipit cum frigore, ergo extra uenas putrescit. Sunt enim hic obstructions, quæ faciunt hepatis & uentriculi frigiditatem, quia non distribuitur cibus, nisi parum, si enim nihil distribueretur, non uiuere posset. Duo hæc mala proueniunt ex obstructione, refrigeratur hepar & uentriculus: unde multiplicatur pituita, & prohibetur euentatio, unde fit putredo. Quid igitur agendum? Debemus euacuare humores existentes in uentriculo. Sed non potest fieri exquisita euacuatio propter obstructionem, & priusquam euacuemus, corpora fluia

da reddenda sunt secundum Hippocratem. Fiunt autem fluida, quando aperiantur uia, per quas humor transire debet. Ergo si uolumus euacuare, oportet obstructions ante aperire cum his, quæ habent uiam aperiendi. Habemus duo instrumenta aperiendi: quædam per se aperiunt, ut omnia amara, & hæc est apertio in profundo, quædam per accidens, ut primo abstergentia, quæ abstergunt paulatim in superficie tantum, & leniter aperiunt de parte in partem, talibus utimur cum longum est iter. Secundo incidentia, quæ aliquando efficacius agunt, quam abstergentia, quia penetrando subtiliant materiam. Nos in nostro casu indigemus paulatim aperiensibus obstructions. Non igitur utemur aperiensibus per se, quia nimium aperiunt, & periculum esset ne cruditates præcipitent ad uenas. Propterea non oportet subito aperire initio, alias scirrhum in hepate faceritis. Nec detis in principio syrupum de Abinthio, ut multi faciunt. Ego syrupum talem ordinavi:

℞. Oxymellis simpl.

Mellis rosati

Aquæ Cuscute

1. 5.

2.

3.

Misce, fiat syrupus. Oxymel incidit, & aperit, sed quia erodit intestina, adieci & correctionem mel rosatum, quod etiam corroborat uentriculum, adieci aquam Cuscute propter penetrationem. Eamque indicationem à membro sumpsi. Est membrum longinquum, in quo obstructio aperienda, ideo dedi quæ iurant apertionem, & sunt subtilium partium. Est autem Cuscuta efficacissima in penetrando & incidendo, nec tamen facit apertionem per se, ut amara.

De eodem ægrotante.

Consilium XXIII.



Vnt signorum capita, à quibus indicationes sumimus, cum essentiam morbi querimus. Operationes læsæ animales, uitales, & naturales. Secundo affectus consequentes, ut calor, habitus corporis. Tertio, excrementa, sputum &c. Vidimus in nostro ægro, quæ operationes sint læsæ, nempe uitales & naturales, unde inuenimus duas ægritudines oppositas, uel omnino uel ex parte, frigiditatem hepatis & uentriculi, per affluxum primo, & existimo etiam nunc essentialiter. Quia enim longo tempore durauit, uerisimile est (non dico certum) quod ex longa illa perseverantia sit facta impressio, & intemperies per essentiam. Sunt autem duæ intemperies contrariæ in hoc corpore, ambæ per affluxum, nec mirum uideri debet. Duæ enim temperaturæ contrariæ cum materia in eodem membro esse possunt, quia habent fundamenta diuersa. Quod Galenus etiam de inæquali intemperie docet fieri quotidie. Sed non potest fieri, ut duæ contrariæ temperaturæ sine materia sint in uno membro, ut in una parte digiti non potest esse caliditas & frigiditas. Et tales ægritudines periculose sunt, ut cum medicinæ contrariæ miscentur, ut in Philonio Piper Opium si superet, occidet, si opium item. Eius autem refrigeratio periculosior est, quam caliditas Piperis. Est igitur in hoc febricitans primo febris calida, & sicca per affluxum à materia pituitosa, putrefacta in toto corpore extra uenas. Et est febris continua, cum frigore tamen, ita ut unus paroxysmus inueniat alium. Est secundo obstructio, ex qua fit tympanites. Febris hodie eadem incipit 19. hora. Venter uidetur auctus, maxime ad partes superiores, unde habet grauem anhelitum, quia diaphragma etiam oblidetur ab illa materia, nec tantum haurit aëris, ut tria aut quatuor uerba cōmode eloqui possit. Excrementa non ostendunt nobis, quæ tamen debetis considerare quotidie, quia ex his non minus, quam urinis iudicamus. Urinæ non indicant alios affectus quam eos, qui sunt in uenis, uel uasis urinaris, id est, meatibus, qui deueniunt à uenis ad renes, & à renibus ad uesicam. Hic nihil habemus, quod ostendat in eo uasa urinaria læsa esse. Sed uolumus scire, quæ

coctiones in uenis, quis color, & qui humores: hæc possumus ex urinis iudicare, omnia non. Porro in urinis quinque considerantur. Primo, color proprius urinae est tenens ad paleam hordei, subcitrinus, ac luteus, ac si aliquis parum Croci cum magna quantitate aquae miscet. Hic habet colorem discedentem a uero colore urinae, tendit enim ad citrinitatem intensam. Aureus color indicat multum caliditatis in uenis. Secundo, supereminetia, uidelicet in superficie, supernatantes quaedam maculae quasi olei, arguunt quod calor colliquantur uel in renibus, uel in uenis, tamen non credo in renibus potius, quam partibus alijs. Tertio, substantia est crassa, ob humores crudos, & propter multitudinem pituitae, & crassos crudosque humores in uenis, quia hepatis frigidum & humidum. Necessesse est urinam crassam esse, quia excrementa sunt pituitosa. Quarto liquor, in hoc adest aliquando subobscuritas, & paucitatem caloris & spiritus significat, aliquando fiant magis obscurae & subiugales, ut asinorum, sicut in peccatis silentijs, quae significant mortificationem spirituum, & fugiunt Medici sicut diabolus, & recte faciunt. Hic autem obscuritas significat imbecillitatem spirituum, & quod sint spiritus crassi, & turbulenti. Est enim luciditas a spiritu. Vnde fit, quod, quae lucidae sunt, dum eiciuntur, postea non ita, cum a spiritu relinquuntur, & ad ignem etiam reuocantur. Quinto subsidentia, hic crassa est, ut farina, quia, ut 2. Progn. dicitur, colligationem carniū significat, ob multitudinem caloris. Omnia ista mala sunt, & est malus hic casus. Nam tumor uentris se contrahit ad pectus, ut non loqui possit, ideo decreui euacuare uentriculum hoc modo:

℞. Specierum Hierae simpl. 3. 2. Syrupi de Absinthio parum, cum saccharo inuoluatur in hostia non sacrata, ad formam boli. Video enim hic tumorem augeri, ergo non oportet syropos exhibere, sed uidere, ut calor euentetur: quia prohibitio euentationis in respiratione, quae fit propter membra turgentia & repleta, auget calorem, & febrem, & impedit calorem naturalem.

## De eodem ægrotante,

## Consilium XXV.



Uita symptomata, imò morbi erant in hoc puero, nunc omnia uidentur remissiora. Nam febris est remissa, quae antea esse semper inuasit 19. nunc potius percipit frigus aeris, & non frigiditatem intrinsecam. Est laetus, & bene sperat. Pulsus etiam in frequentia, & celeritate remissus, quia non adest eadem necessitas euentandi. Sicut uos, dum sani estis, non est opus, ut utamini ultimis uiribus, nisi quando quis impellitur ui, ut defendat se, ita quoque fit de uirtute. Ante cum esset maior necessitas, ut calor igneus euentaretur, frequentior erat pulsus, eoque magis, quia simul etiam erat durus, id enim magis facit resistentiam. Sed saepe imponit hominibus pulsus durus, cum non sit uehemens. Est igitur considerandum corpus arteriae, an durum, & plenum. Vehemens pulsus proprie dicitur, ubi uirtus uehementer impellit cum tono, & uigore. Porro natura non utitur summo conamine, nisi cum est opus. Urina etiam remissior est, in colore & in superficie, non apparet pinguedo illa, seu oleum, seu oleaginosae guttae. Substantia etiam mutata indicat non esse tantum calorem liquefacientem, est adhuc crassa quidem, sed lucidior, quod signum est magis uigere calorem naturalem. Subsidentia magna est, sed illud propter duo potest contingere, uel propter materiam colliquefactam, torrefactam, & excoctam exeuntem, uel propter syropos dilatantes, & incidentes, cum medicamento ex Hiera, quae multum aperit. Fieri igitur potest, ut illis obstructionibus apertis, materia nunc exeat per urinas, quod uerisimile est, quia uenter detumuit, quod ostendit materiam aliquam esse euacuata. Si igitur bene se gereret, spes esset curationis. Quia uero euacuatio illa ex Hiera & melle rosato bene eduxit, ita ut uenter

uenter detumuerit, & febris cessarit, nunc laudarem usum rerum per se aperiensium, ut syrupum de Absinthio, qui multum aperit, item syrupum de Eupatorio. Sed cum nostri Aromatarii non bene conficiant, & quia optimum est in apertione addere aliquid acre, ut fortior fiat penetratio, ideo adderem oxymel, quod est frigidum, & incisiuum, quia multis numeris acetum plus refrigerat, quam calefaciat mel, ut Galenus 4 de simpl. medic. docet. Quare sic procedendum:

℞. Syrup. de Absinthio

Oxymellis simpl.

ana 3 1.

Aquæ Cichorii

3 3.

Misce, detur mane loco syrupi. Quia tantum penetrare uolumus, quantum aperire, tantum refrigerare quantum calefacere. Addere potestis alias etiam subtiliores aquas, ut Pulegij, Cuscutæ, Calamenti, quæ omnes sunt frigidae, licet extrahantur ex herbis calidioribus, ita uidetis me non dedisse primum quod per se aperiret, quæ omnia fundantur in materia terrestri crassa, calida, & adusta, quæ propter illud terrestre diu hærent in loco, & quia omnia etiâ sunt calida, admodum aperiunt, & penetrant ualde, qualia sunt omnia amara. Acræ uero ut Pulegium, Calamentum, Piper, ipsa etiam calida sunt, sed non per se aperiunt, sed per aliud, eo scilicet quia incidunt & attenuant. Quod si acra (ut Piper) cum amaris misceantur, ea uehementissimè aperiunt. Acre enim, uel acutum (ut uocant) propter subtilitatem transiit uenas, incidit & penetrat, amarum uero propter terrestritatem adhæret, & permanere facit, ac concoquit. Inde patet, quod Sauina efficacissima est in aperiendis mensuris, ita ut etiam abortum faciat, quia adhæret, & omnes tres illas conditiones habet: est amara, cuius ratione aperit & concoquit, est acris, cuius ratione subtilis est, transiit uenas & incidit, est terrestribus substantiæ, & ideo figitur. Si primo per se aperiuntibus processissem, periculum fuisset, ne cum uellem aperire, maior fieret obstructio, dum materia cruda & incocta regurgitaret ad uenas. Quidam in mulieribus patientibus obstructiones mensurorum propter sanguinem crassiorem, ut non possit transire, sed hæreat in uenis, medicinæ ignari, utuntur calidis incidentibus & attenuantibus, quibus magis incrassant sanguinem, & obstructiones augent, ut postea uix curari possint, sicut uidi in muliere quadam. Ego admiscui amara cum incidentibus, quia hæc penetrant, illa aperiunt, & remanent, quæ enim amara, non bene transeunt, quia uix in primo, & adsumum in secundo calida sunt, ideo non impetuose transeunt, sed semper remanent. Remouenda est nunc quædam dubitatio, quæ mota est à doctissimis scholaribus, quod dixerim, amara per se aperire: acra per aliud, penetrando scilicet, quia dum transeunt, uias faciunt, & dum manent, obstructiones. In Galeno de simplicibus sunt quædam difficultates, propter uersiones incommodas, in capite de abstergentibus & repurgantibus. Abstergere est à prima superficie remouere fordes, & ita Galenus intelligit, ut cum abluimus manus, uel mulieres linthea, cum succo limonum, farina fabæ, fursibus. Repurgantia, quæ *ἀποκαθάρτικα*, ea nos proprie aperiencia nominamus, quæ non superficiem abstergunt, sed penetrant, & infarctum illa uasa liberant, qualia sunt amara omnia, & nitrosa, quæ proprie aperiencia dicuntur. Si uultis repurgantia nominare, per me licet, modo in re non erretis. Amara fundantur in substantia crassa terrestri, non facile penetrant, sed adhærent, & ita sicca sunt, ut non sint nutrimentum animali, quatenus amara. Ex caliditate penetrant, ex siccitate abstergunt, & ex substantia terrestri moram faciunt. Oportet enim hæc tria concurrere, ut adsit mora, ut penetrent, ut exiccent. Tria hæc ordine se habent ad inuicem, abstergunt quæ sicca sunt, & moderate calida, uel si etiam frigida, sunt magis remissa. In aperiendo officio (quæ *ἀνοίγματα* appellant) egemus calefacientibus, sed non multum subtilibus, ut adhæreant, & talia sunt acra, ut cepa, panis porcinus, quæ cum caliditate habent substantiam crassam, & adhærent. Aperire obstructiones & materiam infarctam in uenis uolo, hic requiruntur amara, & tota difficultas

ex uersione orta est, *aperitionem* orificiorum significat, cum ipsi *aperitionem* uenarum transfulerint, *aperitionem* quæ sunt obstructionem aperientia, illi expurgantia uerterunt. Nunc ad nostrum casum reuertar. Videtis obstructionem, ex qua tympanitis, & febris fortasse fixa, quia tanta est perseverantia pulsus duri, ut nunquam eum relinquat. Sed est talis hectica, quæ non transcendit primum genus, & est facilis curatu, ac in 6, uel 9. diebus potius uelim eam curare, quam tertianam. Hodie adhuc habuit frigus, & quia multæ sunt in liene obstructiones, timeo ne in quartanâ transeat, & eius rei à constitutione anni indicatio non est leuis, quia hoc anno multæ quartanæ. Non tamen mutabimus, quæ ei ordinauimus, quia quæ secundum rationem à principio sunt bene instituta, ab ijs non oportet recedere, secundum Aphorismi doctrinam.

## De eodem ægrotante,

## Consilium XXVI.



Utum refert uidere motus, & alterationes ægritudinis, quæ sunt quotidie, & uariæ sunt, ut sæpe æger sagaci cura indigeat. Si animaduertitis in hoc puero, multæ motiones erant. Habuit obstructiones, urinas nigras, etiam subsidentiam nigram. Adhispitis medicamentis, primo febris remisit, ut biduo non sentiret febrem putridam. Postea iterum frigus percepit, cui successit calor, & motus iste quartanarius, quid fieri debeat successus ostendit. Expectabimus, si forte esset futura febris quartana. Urinæ magnum indicium habent in febribus, ideo diligenter considerandæ. Quas uidimus præteritis diebus, diuersæ erant. Hodie (ut dixi) est subnigra, habet quoque subnigrum sedimentum, & colliquationem etiam in superficie. Eius ratio est, quia heri paroxysmum habuit, humor melancholicus computruit, & sic urinam subnigram, & sedimentum tale fecit. Ego nihil agam, nisi quæ antea egi, aperiam obstructiones in uenis, & incisdam, cum syrupo de Ablinthio, oxymelle, quo adhuc utatur per duos aut tres dies. Die Iouis 14. Decembris accedit typus. Expectabimus ergo, donec aliquid exquiritur appareat, & interea bona diæta procedemus. Vnum tamen faciendum est, quia habet tensionem & duritiem in uentre, & tamen iam detumuit, quantum ad tympaniam, queri posset, ubi illa tensio quam tangimus: quia obstructiones in hepate non facile tanguntur, quomodo obseruandæ: Si consideretis formam tensionis, tunc scietis, ubi sit, quia in superficie uentris sunt primum musculi longitudinales, transuersi, obliqui sursum, & obliqui deorsum, ex illorum forma scietis tensionem, Hic tensio circa utraq; hypochondria in profundo, quia quanto magis comprimitis, tanto magis apparet. Erit igitur optimum aliquid uentri resoluens applicare, quod exterius resoluat materiam in musculis, & ab domine. Quid igitur applicandum? Si à materia indicationem sumimus, nihil dabimus quam resoluentia, ut Cuminum, Anisum, Foeniculum, Calamentum, Pulegium, semina Dauci, Petroselinum, Ameos, Cinamomum, quæ calida sunt in tertio gradu, & subtilis substantiæ. Si uero à flatu indicationem sumimus, dabimus calida & sicca in tertio gradu, quia ea remouent flatum. Si à natura membri, quomodo agendum? quia talia exterius applicantur in regione uentriculi, & hepatis, oportet eorum naturam & operationes considerare. Sunt autem hæc duo membra nobilia, quæ seruiunt toti corpori, & habent nobiles actiones. Venter concoquit, hepar distribuit, propterea egent calore innato, & robore, ne fiant laxa. Ideo quæ ijs adhibentur, debent habere aliquid astringentis, & esse moderate calida. Quoniam ubi excedit caliditas, impeditur concoctio, & ubi frigus, adhuc multo magis: quia coctio fit à calore moderato cum humiditate mixto, ut Gal. 7. Meth. docet. Vbi sunt febres, caute ne detis multum cibi, quia calor febrium non facit concoctionem, nec calor innatus potest concoquere. A membris itaque indicatione sumpta, potius



mediocriter calida & humida dabimus, ut refranemus calorem igneum, & addemus astringentia, ut addatur tonus membris, & confirmetur. Est hæc perpetua regula in resolutione, quod ista calida in tertio, si nihil illis misceatur, quod subtile est, resoluant magis. Crassum uero remanet, & assatur magis. Miscenda igitur humida cum siccis, & ut habeatis formam, sic facite:

℞. Cumini

Feniculi

Anisi ana 3 2.

Ista sunt resolutientia calida in 3. gradu.

Nitri 3 1.

Rosarum rubearum

Mirtill.

Abinthij ana 3 iij.

Pro corroboratione uentriculi, & ad refranandum calorem.

Myrob. Chebulorum 3 1.

Ista corroborant uentriculum stipticitate.

Myrrhæ

Bdellij ana 3 2.

Hæc mollunt.

Oesypi humidæ 3 1.

Ne reliqua nimis exsiccent, & crassum remaneat.

Puluerizanda puluerizentur, & dissoluenda dissoluantur, deinde cum modico ceræ fiat linimentum, uel unguentum molle. Sed si hæc faceremus, multum transiret temporis, quare accipiamus compositum, quod habet hoc totum, ut potestis legere in Antidotario.

℞. Cerati Oesypi descriptione Philagrii 3 2. Illinatur in petia, & ponatur supra totum uentrem. Sed quia ista descriptio plus habet de mollitio, quam constrictio, potestis accipere Oesypi Cerati 3 1. emplastr. Diaphani, 3 s. Ipse tamen Montanus puero exhibuit postea sequentia.

℞. Oesypi cerati Philagrii 3 1.

Aloes

Succi Abinthij ana 3 1.

Cum oleo Abinthij fiat unguentum.

## De eodem ægrotante.

### Consilium XVII.



Vmpta occasione ab hoc puero, hac uespera dicemus quædam utilia. Inuasit eum quartana, & nunc apparent pustulæ in toto corpore. Consideremus id symptoma, quod successit feбри quotidianæ, & nunc quartanæ. Sed & illud uideamus, sit ne motus ille criticus: est autem criticus motus, quando natura factis concoctionibus pellit materiam ab una parte ad aliam, uel exterius per euacuationem, quando educitur, uel per præcipitationem, quando subito materia ex uno membro nobili ad ignobile præcipitatur. Symptomaticus motus, id est, accidentalis, est ubi natura non operatur, sed uiolenter de parte ad partem expellit, uel ob multitudinem materiæ, uel propter acuitatem, uel aliam malam qualitatem, atq; expellit quocunq; modo, ueluti homo molestans onere non expectat terminum, sed proijcit onus, siue in lulum siue in ignem non curat, sic natura quoq; nec tempore, nec loco, nec ordine seruato emittit ea, quæ ab illa non possunt regulari. Videamus iam an hic motus symptomaticus ex multitudine mate-

riæ proveniat, an sit criticus, an vero medio modo se habeat: Est enim quidam motus medius, qui nec violentus est, nec per omnia secundum naturam agit, sed partim ad propositum, partim non, ut cum balulus portans onus magnum, non projicit statim in lumen, sed sustinet, & expectat occasionem deponendi commodam, tamen ad debitum locum deportare nequit. Vter igitur sit motus ex his tribus? Non fuit vere criticus motus, quia talis fit in die critica, & post concoctionem. Natura enim quando regulariter agit, non agit per vias permutationis (ut illi loquuntur) non euacuat, nisi concoctionis etiam signa sint. Diem criticum in hoc puero ignoramus, quia aliquot mensibus iam laborat. Coctionis signa apparent nulla, subsidientia in urina proprium locum non habet; debet enim esse in fundo, hic autem ubique diuisa est, non habet etiam formam pyramidalem, nec colorem debitum, quia non alba, nec substantia iusta, cum deberet esse aequalis, levis, sibi similis, hæc sibi dissimilis est, in alia parte tenuis, in alia vero crassa, denique non multum lucida. Non apparet coctio, ergo natura non operatur regulariter. Nec fuit motus symptomaticus simplex, qui fit quando natura, nec tempus, nec locum servat excretionis, sed contra rationem quandoque ad caput præcipitat, ut ex pleuritide phrenesin efficiens, & deponit quocunque modo potest aggravata. Hic enim per locum convenientem, id est, cutim expellit, quia cutis est ignobilis, & ad recipiendum excrementa facta: ergo iste motus nec pure symptomaticus est, nec criticus. Etsi enim locus observatus sit, tamen minime convenit. Sed dicet aliquis, quare non expellit natura potius per urinam, secessum, vel sudorem? Respondeo, in longis morbis, ubi materia crassa est plerumque per viam permutationis (ut illi loquuntur) fit crisis, & magis quando tempus frigidum, & virtus debilis respectu humorum. In calido autem semper duo sunt, meatus ampli & lati, & materia magis subtilis, quod non fit in hyeme, ideo facilius expellitur ob facilitatem exundi, & meatus amplos. Hic virtus affecta est, & tempus frigidum, corpus gracile, crassi & adulti humores, quia videntur pustulæ, quales sunt morbi Gallici, ita ut videatur nunc eum morbum esse passus. Causa igitur efficiens est debilitas virtutis, materia vero crassa partim pituitosa, partim melancholica & rebellis. Natura non audet ad intestina mittere, nam ea eroderet, nec per vomitum ejicere: est enim lethale, nec per sudorem excernere, quia materia nimis crassa est: ergo pustulæ factæ sunt, & ista est causa permutationis, quod notetis, nam utilia in his colloquiis dicemus. Visa igitur hac permutatione, quid agendum? Est hic scabies molesta, quam natura partim critice, partim symptomatice expellit, nec locum magis tutum habere potuit. Si igitur materia traheretur aliò, esset malum, nec oportet augere malum, nec reprimere etiam, quia interficeretur æger: sed natura agente quiescas, & nihil moveas, sed expectabis. Non igitur oportet hic scabiem curare, si tamen esset nobilis, aut principis filius, facerem ut singulis diebus mutarentur lintheamina, ne haberet eam infectionem ex maculis, hæc enim molestia liberaret, etiam haberem spongiam in decoctione Chamæmeli, & Aneti in aqua calida actur, & foverem spongia, ubi est pruritus & leuem deterfionem facerem, ut aliquid exhalaret, & tamen non impediretur natura, & refrigerarem hepar, & aperirem obstructions recta ratione præscripta. Accipiat adhuc tres syropos, donec quinq; sumpserit, & postea rursus euacuabimus eum, quia à natura adiuuatur. Si darem pharmacum, non darem quod è longinquo traheret, quia facerem motum contrarium naturæ, & fortasse moreretur. Quid igitur euacuandum? Materiam antecedentem scabiem, concoquerem & educerem cum lenientibus videlicet Cassia simpliciter, Hiera, electuario lenitivo, Diacatholicone. Vbi tamen modicum Senæ, Epithymi, Rhabarbari, Polypodij esset, de quo Nicolaus dicit, quòd ante, & post cibum dari potest, & hoc ego sumerem, quia à primis venis tantum educerem, & mitigarem aliquo modo pruritum.

## De eodem ægrotante.

## Consilium XXVIII.



Citis puerum nostrum habere duas febres, alteram cum rigore, alteram in habitu, quod cognosco, quia arteria calidior, quam reliquum corpus, etiam ex duritie & frequentia pulsus, quæ non est naturalis huic corpori. Quod ut uideatis, querendum est ex signis collectis, ut docet Galenus, quæ fuerit naturalis dispositio huius corporis, antequam ægrotauit. Habebat capillos crassos, crispos & nigros, quod ostendit caliditatem cerebri uel hepatis, uel utriusque. Dico autem distinctiue, contra Modernos, quia caliditatem certo significant adesse capilli crispi cum nigredine, sed Moderni credunt, eos infallibiliter indicare cerebrum calidum, & citant locum ex 2. artis parue Gal. Quicunque habent calidum cerebrum, capillos habent nigros & crispos (quod uerum est, ut Galenus dicit) ergo qui habent capillos nigros & crispos, habent calidum cerebrum. Non est uera argumentatio, sed fallacia consequentis; non conuertitur. Qui calido sunt cerebro, habent euaporationes multas & fumosas, ideo nigros capillos ob adustionem, crispos autem, quia cum impetu expelluntur. Vt 2. de temp. dicitur, & uerum est, sed non tamen est necessarium, ut qui crispos capillos habeat, sit cerebri calidi. Non enim hoc solum facit capillos tales, sed etiam alia faciunt capillos nigros & crispos, existente cerebro frigido. Vt si quis hepatis calidum & uenas amplas habeat, & abundet multis uaporibus adustis, qui ad caput tendunt, & inde ad cutim euaporant, quod si ibi meatus reperiunt idoneos, fiunt etiam crispi. Non igitur sitis præcipites in iudicando, de temperatura caloris alicuius membri ex talibus signis, sed alia quoque considerate, & præcipue operationes, quæ immediate à membris procedunt. Si uultis uidere temperaturam cerebri, uidete operationes intrinsecas cerebri proprias, si bene imaginatur, memoratur &c. & ex illis temperaturam talem dicetis. Si fortiter imaginatur & retinet, habet cerebrum siccum, si statim diffluet cogitatio, humidum, & tales sunt mali Mathematici. Discursus requirit moderatam humiditatem, memoria siccitatem, imaginatiua uero respondet memoriæ, bonus intellectus requirit moderatam frigiditatem cerebri, quæ contemperationem facit spiritus uitalis uenientis à corde. Quicquid liidi & sicci sunt cerebri, sunt mali uiri, ut testatur Galenus & Aristoteles. In discursu præcipites, perpetuo agitantur, & in uindicta sæui. Qui cito irascuntur, & multum, hi habent caliditatem cordis, qui admodum raro, & miserantur, frigiditatem. Qui post iram statim redeunt ad se, habent cor calidum, cerebrum frigidum, quia etsi in corde spiritus agitentur, tamen non ad uentriculos cerebri deueniunt, frigiditate enim extinguuntur calor, & motus spirituum, & temperaturatur. Si autem motus ille spiritus inuenit cerebrum calidum, magis agitantur, & feruescunt, & ad uindictam tales sunt proueniunt, & sanguine nunquam satiantur. Puer noster multarum operationum, plurimum cogitat, & loquitur, habet uenas amplas. Quare arbitror naturalem eius temperaturam fuisse calidam & siccam. Quam ideo dixi necessario considerandam, ut sciatis & temperaturam præsentem, & quantitatem lapsus. Non est multum lapsus à temperatura; tales enim facile incidunt in febres, sed febris, quæ in habitu est, non facile cognoscitur à Medicis. Quid igitur agendum? Ista febricula in habitu non pendet à materia, sed tantum refrigeratione & humectatione indiget. Quantum ad eam febrem attinet, indicatione ab ea sumpta, egemus humectantibus & refrigerantibus. Sed quia non est simplex egritudo (quod diligentissime semper considerandum est) sed cōmixta cum alijs, uidendum an id reliqui morbi fieri patiantur. Hic habet annexam scabiem, à qua iuuamentum percipit. Fuit enim leuatus aliquantum à motu semicrisico, qui adhuc durat. Si iam refrigeretis, & humectetis, quod requirit febris hectica, frigidum constipabit, & calor em debiliorem reddet, à quo motus ille fit, qui nullo pacto impedendus est. Quare non est obtundendus calor innatus, abstinendum ergo à frigidis.

Sed est

Sed estne utendum calidis, ut natura iuuetur ad expulsiōem in hoc motu? Non, sed est permittendum naturæ, donec cessent symptomata, ut & Auicenna præcipit, cum natura mouet, tum nihil mouebis, sed permitte naturæ. Quando illa cessabit, & symptomata cessabunt, ac sola erit febris, tum poteritis cum alijs procedere. Interim amaris aperiemus obstructions, & astringentibus, ut moram faciant, & addemus ijs quædam, quæ uiam faciunt, ut penetrent, ut syrupum de Absinthio, in quo uis aperiendi in primo, Oxy-mel quod refrigerat in primo, & addemus aquam Cuscutæ, quæ aperit, & non impedit motum naturæ. Omnes enim aquæ destillatæ etiam ex herbis calidis sunt frigida, id quod ostendi uobis antea.

De febris putrida continua, cum catarrho & leni quodam  
spūto sanguinis, ac suspiciōe hæcticæ.

Consilium XXIX.

**N**obilissima hæc matrona cum esset prægnans, incidit in febrem ardentem. Multis consilijs liberata à febre, perdebilis, & decolorata permanens. Est enixa postea, & purgata menstruis, non tamen copiosis, sicut antea. Hoc anno mense Octobri incidit in febrem, quæ ipsam detinuit quindecim dies inordinate, nec adhibuit consilium Medicorum: sed breui per se est remota febris. His diebus aliò profecta, non bono utens aëre in agro Clodiano, & Vicentino, pisces ac alia comedit, & ita rursus in febrem incidit. Hinc à Medico sanata, incisa uena, & concocta materia, post septem dies iterum febris eam inuasit, & sensit caliditatem in capite, qui dolor capitis remotus per catapotia est, catarrhus autem remansit: eiecit sanguinem, tussis maxima infestauit eam, habuit duritiam in liene. Exhibita illi Cassia &c. Ipsa nunc quoque febricitat, & tumorem in sinistro latere habet, & reliqua superiora symptomata. Est biliosa, & calida ac sicca temperatura, quod apparet ex signis, fuit semper emaciata, & coloris subcitrini non adeo albi, pili capitis nigri, estque calidi iecoris & cordis. Habet pulsus magnos. Nunc rubedo in facie, & uenæ tumentes significant calorem capitis. Oblectatur cibis crassioribus. Cum solita sit expurgari per nares, hoc nunc cessauit. Habuit tristitiam ex morte filij. Agit 24. annum. Sumus in temperata constitutione aëris. Quod ad res præter naturales, Habemus febrem, quæ inuadit cum rigore, igitur est putrida, quia rigor signum putredinis. Putridæ nam sit adiuncta hæctica maxime dubitatur, sed cum dicat se non sentire caliditatem, licet maxime febricitet, & sumpto cibo intendatur moribus, item Galenus de inæquali intemperie dicat, febrem diuturnam sequi Hæcticam: igitur hic habemus febrem putridam & Hæcticam, latus in regione iecoris non poterat tangi, uereor igitur adesse inflammationem. Habemus hic obstructionem lienis à materia melancholica, quod ex uictu & consuetudine euenit. In causa etiā febris fuit aliqua obstructio, hinc inflammatio. Simul etiā abundat bilis, quod ex flaua urina apparet, cui mixtum aliquid pituitæ, quæ generatur in capite, & propter imbecillitatem uentriculi. Sed nulla appetitus adest destructio, non uigilia, non grauiā symptomata. Causa doloris capitis est intemperies calida, sentit enim notabilem caliditatem in capite, hinc catarrhus, qui semper adest capite affecto, in ore sentit corrosionem, circa gingiuas, & hoc fit propter intemperiem calidam. Qualitas catarrbi est insipida, & simul expuit sanguinem, qui cum tussi educitur. Igitur à pectore prouenit, uel à pulmone, uel à uenis existentibus in pectore. Sanguis est in pauca quantitate, & floridus. Quare prouenit à uenis pulmonis per resudationem: nec enim ruptas uenas arbitror. Ultimo adest imbecillitas uentriculi, eaque ex frigidityte, quia sentit sputum acidum. Ratione febris putridæ euacuanda materia, quæ prius concoqui debet, deinde membra alteranda, postea

postea infrigidare & humectare totum corpus ratione hecticæ, item *frigefacere* caput, calefacere uenterculum oportet. Febris hectica non longe est progressa, metuedum tamen propter tot obstructions. Afringentibus utimur ad fluores, ad sputa, sed his in casu hoc non utendum, ratione obstructionis. Primo hic est humor biliosus cum admixtione melancholici & pituitosi, euacuanda itaq; prius concocta materia. Igitur syrupi qui infrigidant, qui habent partes tenuiores ad aperiendam obstructionem, qui etiam humectant ut syrupus de Farfara, item syrupus uiolearum ratione pectoris, conducit. Dedimus etiam de oxymelle parum ratione fluxus. Non incidenda uena interna brachij ratione hecticæ. Concocta iam materia euacuanda est Cassia, & Rhubarbaro. Et ad euacuandam melancholiam, accipite si uultis Electuarium de psyllio, sed parum. Euacuationes postea & syropos, reiterarem. Oportet febris putrida relicta, ut insistamus hecticæ. Inunctiones & balnea infrigidant, & humectant, igitur inungenda circa pectus, ex oleo uiolaceo, oleo Amygdalarum dulcium cum cera, idq; fiat tepide, confert enim ad tussim. Cibaria sint succus Psitanæ, carnes pullorum & ascula, hæc enim humectant & frigefaciunt. Vinum permixtum aqua humectat, igitur parum uini addendum aquæ. Balnea fiunt omnibus uisceribus bene affectis, quare hic ijs non utendum. Quoad catarrhum qui uenit ex materia calida, caput euacuandum & alterandum, prius euacuato corpore, de quo supra, prouocetur materia ad nares rebus non uehementibus. Utamur inunctionibus narium cum oleis frigidis, & humectantibus, & stimulantibus materiam ad nares. Deinde frigidis caput inungatur, utatur lambituius & saccharo Candit. Electuario de pulmone uulpis, & syrupis, de quibus supra. Trahunt enim materiam a pulmone, & hoc ratione sputi. Venterculus fouendus calefacientibus, uidelicet oleo Mastichino. Calidum caput generat catarrhum frigidum, quia calor attrahit materiam ex inferioribus copiosam, quam non ualet concoquere, crudam ergo & frigidam emittit. Sumpto cibo sentit calorem in facie, & toto corpore, quod est signum hecticæ febris. Incidenda uena sapheena, ut diuertatur electio ista sanguinis, ut simul etiam purgentur menstrua, quæ non eodem modo, quo antea purgari solebant, procedunt, sed nunc suppressa sunt. Si adesset metus de eius salute, hecticam febrem aliquousq; progressam esse dicerem. Diarrhodon solidum sumptum a cœna ingrossaret catarrhum. Fricarem quoq; cura & coxas, ut diuertantur flatus matricis ad inferiora, ne ita ascenderent. Item, curarem singulis diebus ut haberet sedes, uel naturales, uel per medicamenta. Vinum aliquo modo ei conuenit, propter tumores, ne ægra per aquam ducatur ad hydropem, propter febrem autem uino non utendum. Misceat itaq; uinum aqua, cui modicum Fœniculi & Cinamomi sit mixtum, & uinum sit lucidum non crassum. Hæc dixit Doctor quidam alius.

### Hæc uero Montanus in eodem casu:

Habemus hic nobilissimam matronam, quæ uexatur plurimis dispositionibus præter naturam, quæ omnes quidem uerendæ sunt. Repetam breuiter causas, & ex earum dispositione curam inueniamus. Vexatur primum febris, quæ uidetur continuæ; præterea descendit catarrhus ad pectus, & ad quædam membra alia, ad scapulas, ad oculos, in quibus dolorem sentit, præcipue tamen ad pectus fluit. Hic catarrhus præterquam quod habet guttulas sanguinis interdum, apparet etiam cum putredine non uulgarî, quod est notandum: præterea habet obstructionem in membris naturalibus, præsertim in lienis regione, ut & tactu percipiatur, sicut ipsa dicit, nos autem eam nondum attigimus. Habet & obstructions circa cotyledonas & uenas uteri, & menstruum non quidem omnimodam suppressionem, aliquam tamen diminutionem patitur. Hæ dispositiones omnes magnæ sunt, ergo & causas habent magnas; non enim sunt affectus magni, nisi a causis magnis: & quia causæ deducunt nos ad rationem curandi, illæ primum sunt inquirendæ: & quia causæ partim sunt extrinsecæ, partim intrinsecæ, utraq; querendæ; omnes enim concurrunt in hac nobilissima matrona

matrona. Intrinsecæ causæ dispositiue sunt, quæ corpus ad tales ægitudines aptum & dispositū faciunt. Neq; enim quodlibet patitur à quolibet, ut in primo & 2. dict de generat. Aristot. sed in habentibus symbolum facilis fit transitus. Videndum igitur an corpus præparatum sit ad has dispositiones, an uero non: hoc autem sciemus ex temperatura naturali, & constructione totius corporis. Totum igitur corpus primo raræ texturæ, & rari habitus est, caro mollis, & quæ facile cedit tactui, & semper masculenta fuit & gracilis: fuit ergo corpus rarioris habitus. Præterea audio fuisse summi ingenij, quod arguit subtilitatem sanguinis & spirituum, ut Gal. in lib. Quod animi mores &c. ex Arist. confirmat. Ideo & Aristoteles, molles carne, aptos mente dixit. Quia igitur est talis habitus, qui facile resoluitur, & patitur à quibuscunq; causis extrinsecis, habuit causas intrinsecas dispositiuas ad hoc, ut facile incidere in varias dispositiones præter naturam. Præterea temperaturam, licet reuera non possumus dicere talem uel talem, propter diuersitatem membrorum, quæ facit ut totum corpus non possit dici simpliciter calidum & siccum, hepar tamen calidum & siccum habet, sed ea caliditas non ita insignis est, ut sanguinem gigneret crassiores, consistente præsertim sanitate: quia promptitudo ingenij & morum non patitur illam crassitudinem sanguinis, quæ fit à caliditate ignea, ut fit in leonibus & canibus (reperiuntur enim omnia temperamenta animalium etiam inter homines) ea non conuenit illis moribus mitioribus, qui sequuntur temperiem, ut Physicus & medicus probat. Credo igitur esse quidem calidum & siccum hepar & cor calidum, sed non uehementer, unde generat sanguinem calidiorem quidem, sed subtilem, non crassum: ideo facile alteratur, sicut omnes substantiæ tenuiores paratæ sunt ad mutationes. Audio enim magnanimam & constantem, sed eadem ratione ut de hepate diximus: non excedit ualde, quia facile placatur. Hæc duo membra totum quidem corpus calidius reddunt, sed propterea non potest dici calidæ & sicce temperaturæ, quia membra inæqualia. Cerebrum semper paratum fuit ad defluxiones: semper solita est pati defluxum ad partes intrinsecas. An modo id sit ratione frigiditatis in capite non concoquentis alimentum proprium, an uero ratione caliditatis attrahentis plurimam materiam, ignoramus: non enim noui eam hæcenus, sed nunc primum uidi: sed quæcunq; causa sit, certum est eam abundasse excrementis in capite, & laborasse catarrho. Venter naturaliter frigidus, multiplicat humores crudos, quia ferè omnes, qui sunt calidioris naturæ, & raræ texturæ, habent uentriculum frigidum: sunt enim graciles, & non habent omentum infarctum pinguedine solita, quæ secundum Aristotelem facit caliditatem positiuæ, secundum uero medicos priuatiue, quia non permittit diffilari caliditatem innatam uentriculi, & tutatur eam à frigore, & reliquis nocuentis extrinsecis. Hæc nobilissima Domina priuata est utraq; utilitate, imò habet uentriculum imbecilliores, unde plurima pituita & cruditates generantur, & excrementa in mulieribus ad uterum deueniunt, qui receptaculum est omnium excrementorum: qui cum sit inembranofus, & per se frigidus, sanguis tenuior non potuit eum calefacere, ut concoqueret ea, sed aucta est frigiditas ab excrementis extinguentibus calorem naturalem. Habetis modo causas intrinsecas dispositiuas, totum uero corpus facile alterabile ab extrinsecis, quia rarus habitus, & sanguis subtilis, & inæqualitas membrorum, hepatis, uentriculi, & caput perpetuo defullans. Si modo uult, addam etiam ex parentibus, qui laborarunt catarrho, & phthisici mortui sunt. Videbitis hos morbos ortos esse à semine, & hæreditarios à natiuitate. Corpus igitur tale ita præparatum, incidit in causas extrinsecas sex, quæ alterant corpus, ut aer, cibus, potus, & reliquæ: omnes enim exceſſerunt. Aer diuersus & pessimus: fuit in festis Clodianis in aere crassissimo & pessimo, ubi etiam circa cibum & potum commisit errores. Vescébatur piscibus plausiuis, qui pessimi in quocunq; præcipue tamen in tali corpore, quod facile alteratur. Vsa est pasulibus & leguminibus, & cibo sine electione, crasso, qui his corporibus maxime nocet, imò facile deducit in sæuas dispositiones. Ac cum ita peccasset in cibo, potu & aere, accesserunt etiam accidentia sæua, dolores

dolores scilicet, quos habuit ex morbo filiae. Hæc omnia maxime prosterunt hominem, & exterminant ab ea essentia in qua est maxime. Si quando spiritus etiam sunt tenuiores, qui facile resolvuntur, hæc accidentia facilius & plus lædunt, & quo plus ea dissimulavit, & exterius dolorem monstrare noluit, eo magis interius afflicta est. Hinc sunt secutæ deterrimæ dispositiones, cumq; tot morbis conflictata fuit, quibus forte corpus etiam non ita debile superari poterat. Item multiplicati humores in corpore, ex mala ratione uictus, aëre crassiore, impediēte diffilationem corporis, & corpus refertum est humoribus ob causas intrinsecas & extrinsecas. Crudi sunt, ob uentriculum male concoquentem cibos crassos. Adusti uero sunt ob accidentia animi, quæ cibaria, quæ generant humorem melancholicum, corrumpunt; & retentio mensurorum, non omnimoda suppressio, sed diminuta excretio, facit multiplicari humores diuersorum generum in corpore. Ex his igitur habemus causas intrinsecas efficiētes, & dispositiuas etiam, unā cum extrinsecis occurrentibus. His præsuppositis contingit primum catarrhus molestissimus: neq; id mirum: quia generatæ sunt multæ superfluitates, pituitosæ primo, deinde biliosæ, hepar calidum, sanguis subtilis, corpus uaporabile. Galenus libro 3. de locis affectis inquit: Qui sanguinem subtilem & hepar calidum habent, repletionibus capitis subiecti sunt. Et hic ex uentriculo quoq; uapores crudi ascendunt: hinc catarrhus, qui non simplex est, sed fit ex materiâ plurimorum humorum, qui nec frigidi absolute sunt, nec calidi, quia mixti ex cruda & biliosa, & etiam adusta materia, & descendit à capite, quod etiam ex se subiectum est destillationi: & quia propter multitudinem descendit ad uarias partes, uarios etiam affectus mouet: sed maxima pars ad pectus & pulmones descendit, quæ excernitur per tussim. Est autem materia quæ ejicitur, quo ad substantiam crassa & uiscosa, partim non putrefacta & alba, partim uero flaua, non qualis esse solet ex aduersionibus, sed qualis est cum materia exsistit putrida. Non autem habet saporem aliquem, quia pituita superat. Si uel biliosa superaret, uel æqualiter mixta esset, appareret amaritudo, uel fædeditio (si credimus Auicennæ, qui ex mixtione bilis cum pituita, fædeditinem oris dicit, quod nunc non determino) Superat igitur pituita, quia nullus sapor: sed quia talis catarrhus putrescit in pulmonibus, & interdum admixtum habet aliquid sanguinis, dubitatur, & merito quidem, excernatur ne ille sanguis ex uena rupta uel crosa, an resudet per panniculos, uel ex capite desiliat per nares, uel quoquo modo. Solet & aliud contingere: cum per tussim continuo uolenter erumpit & reijcitur materia, orificia uenarum illarum capillarum facile aperiuntur, ex quibus prodit sanguis, non cum magno periculo, quia tenues sunt uenæ, facile aperiuntur & clauduntur, imò cessat statim post paucas guttulas. Ego hic crediderim ex capite, quia sanguis niger est & crassus, non admixtus sputo, sed separatus, ut sit suspicio quod ueniat à capite. Hæc tamen ramulos paruos & tiuacioris caloris sputo permixtos uidimus, & posset uenire ex illis uenis capillaribus abrasis ex uolentia motus. Vel hoc erit uel illud, in alteram incidit suspicio. Venam ruptam, uel factam corrosionem non credo, nec resudari: quanquam hoc facilius fieri possit, propter panniculorum raritatem: nam illa fieri solent in maiori quantitate: non tamen contendo, cum nihil habeamus nisi coniecturas: potest esse ex tribus his unum, quod iam non determino, & hæcenus nihil refert, sed in futuro referre potest, quia sanguis per os reiectus, est malus, undecumq; ueniat. Hæc de catarrho, unde generetur, & ubi, & quod per essentiam in capite facile intelligitur, quia semper fuit subiecti destillationibus, sed fouetur etiam ab alijs membris inferioribus. Nunc ad obstructions quæ sunt in liene & matrice, & ut ego credo, in hepate. Hæc sunt immediate ab humoribus multiplicatis in corpore, propter rationem uictus, crassus & biliosis, & ita miscella est, prædominante tamen pituita, quæ uenas obstruit, sed magis circa lienem, quia ille attrahit crassiores humores, & non est tam nobilis, ut sic possit resistere sua caliditate obstructionibus, sicut hepar. Sunt & obstructions circa uterum & cotyledonas: sanguis enim menstruus excernitur quidem, sed in pauca quantitate: non est perfecta obstructio, ex parte effluunt

menstrua, sed non ut solebant. Credo igitur obstructions etiam circa uterum, & in mēstrualis ad secur, sed maiores circa lienem, & per uenas in toto corpore, humores crassos & mixtos sanguini, ut non possit euentari calor, quia urinae sunt crassiores, quae sunt colamentum sanguinis, & attestantur dispositionibus quae sunt in uenis: urinae crassescunt, rubrae, plene omni genere humorum; ergo & uenae repletae, & excrementa eodem modo uaria sunt: citrina, ergo bilis redundat: & crassissima sunt, ergo pituita; & ita totum corpus repletum est materia diuersa. Non igitur mirum est adesse febrem illam uniuersalem, cum tot sint causae, quarum singulae solae possent facere febrem: est principio febris putrida, propter prohibitam euentationem; & cum sint in corpore iuuenili, natura fortis expulit materiam ad exteriora. Ideo frigus insigne sentit cum intensione, ut indigeat plurimis operimentis: & heri praecipue sensit. Quae eius rei causa sit, petetis ex Galeno de rigore, & 3. de causis symptomatum: nunc non est tempus illa repetere. Incipit igitur à frigore, & quidem extensiuo, quia mittitur foras à uirtute. Materia enim crassa est, non facile putrescens, & ideo calor non statim sequitur. Quod autem perdurat, ita ut unus paroxysmus inueniat alium, fit quia materia multa non potest ita resoluti statim. Nec propterea continua est, quia cum rigore: nam proprium continuarum est non rigere. Et putrescit extra uenas, quod ex eodem patet, quia incipit cum rigore. Habetis naturam & locum febris huius putridae, an modo cum hac putrida sit etiam alia occulta in membris solidis fixa, ut hectica? Ut ingenue fatear, non possum certum aliquid asserere: his enim uidi eam, inueni pulsum inaequalem, qualis est febris putrida. Sed si per coniecturas est agendum, corpus gracile est, & aptissimum, ut inflammentur membra solida: habuit febres praecedentes, putridas tam longo tempore; deinde hic morbus haereditarius ei uidetur à parentibus: calescit item magis post prandium, quod est signum quidem peripetuae hecticae: sed non soli conuenit, alioqui concluderet necessario. Nunc non possumus certificari, sed suspicionem facit, quia à cibo incalescit. Est & alia coniectura: non sentit calorem, quod signum est febrem iam esse in habitu: sed id etiam signum non est pathognomonicum solum, quia in alijs etiam morbis est commune, ut in febribus laticis, ut uocat Auicē. In quibus etiam non percipitur caliditas, & ideo hectici maxime similes sunt, & laticae uocantur: has ob causas non possum certo concludere, adesse hecticam, licet magna sit coniectura. Sed quicquid sit, agamus omnia sic, ut non laedatur hectica, si quae est reliqua dispositionum, puto nullam praeteritam. Diximus de omnibus, praeterquam de uentriculo, qui imbecillitas naturaliter: sed ea imbecillitas aucta magis, quia in longis aegritudinibus semper redditur imbecillior, praesertim ubi pituita dominatur, ut Auerrois testatur. Nihil tam efficax ad debilitandum uentriculum, quam febres quae à pituita pendent, & habet aequales paroxysmos, non sibi inuicem de tertio in tertium correspondentes, sed magis accedit ad quotidianas, quod signum est magnam copiam pituitae putrescere, licet bilis etiam in maxima quantitate accedat.

**DE PROGNOSTICO.** Ex quo patitur has aegritudines propter dispositiones in membris principalibus, non tantum ob multitudinem materiae, sed etiam dispositiones membrorum, difficilis erit curatio, maxime cum transire uideatur ad id, ad quod naturaliter est disposita iure haereditario: habet sputa putrefacta, cum suspitione hecticae; & constitutio anni, quae morbos indicat, ut ex Hippocrate iam audiuistis, indicat morbum longum: omnibus igitur modis aegritudo longa est futura.

**CVRATIO.** Habemus membra naturalia affecta, quae fuerunt causae dispositionis aegritudinis, sed in has non incidit, nisi propter causas alterantes, igitur res tota redigitur eò, quod humores in magna copia generati, in corpore sint causae dispositionum. Primum igitur corpus mundandum ab omnibus excrementis, non enim potest aliter agi. Iam corpus redundat omni genere excrementorum, & à natura etiam euacuatur per omnes uias, quia undique multa euacuatur: sed quia omnes euacuationes particulares praecedere debet uniuersalis, ideo ab ea incipiendum erit nobis, quae



fit uel per pharmacum, uel per missionem sanguinis. Missionem sanguinis, si remoueantur impedimenta, nihil magis necessarium. Si urinae crassae, phlebotometur, dicit Auicenna. Hic urinae crassae & rubrae, & humores plurimi permixti sunt, ideo credere oportet necessariam esse missionem sanguinis. Et reuera, et si habemus suspitionem hecticae, tamen haec ægritudo certa est, cuius euacuatio non dimitti debet propter dispositionem incertam. Et quid esset incommodi, stante etiam hectica, si euacuaremus sanguinem malum, & refranaremus calorem facientem hecticam? Mitterem igitur sanguinem, sed non à saphena, quia non credo quòd propterea fluant menses per uterum. Omnes uenae obstructae sunt, & repletae, ideo non fluere si aperiretur saphena, hanc ob causam abstinere; oportet enim prius uias aperire, antequam fiat diuersio. Ego attenderem ad causam causarum, & mitterem à basilica, ut proxime ab hepate euacuarem, & si sanguis crassus, qui multa euacuatione opus esse ostenderet, neque una uice possem tantum extrahere quantum uellem, & uirtutis ratione etiam liceret, iterarem uices, quia utilissimū est, & maxime laudatur à Galeno & Auicenna; ideo repeterem eam, & credo quanto citius, tanto melius. Dicebat quidam massam uenam ante duos menses, & obiciebat suspitionē hecticae. Montanus uoluit replicari, quia etiam putrida habet rationem causae, ea remouenda, & postea facilius hectica curabitur, quia non est eo gradu de quo sit curandū. Est in principio, non accessit adhuc ad ipsum gluten membrorum; lenirem igitur aluū, & mitterem sanguinē, postea per me dicamenta euacuarem, & procederem sicut solet procedi in morbis pendentibus à materia crassa, uiscosa & frigida: & quia curatur in hyeme, non possumus cum fortioribus, quia humor crassus est, & sumus in hyeme, ideo paulatim concoquerē & euacuarem, & iterarē: darem syrupos, postea florem calsiae, & euacuaret bilem. Ab usu horū non discederem, sed frequentissime iterarē. Licet enim dicantur non transire uenas mesaraicas, nisi dentur in magna quantitate, id est, intensiue & extensiue, tamen per crebriorem iterationē etiam medicinae benedictae euacuant omnes humores contentos in toto corpore. His euacuationibus iteratis, euacuabimus materiā, roborabimus uentriculū, aperiemus obstructions, & consulemus uentriculo, cui confert usus hierae, teste Gal. prouocabimus urinam etiam, quod euacuabit humores contentos in uenis. Ideo singulis septimanis exhiberem hieram cum calsia. Diebus intermedijs quibus non utetur calsia, sumet syrupum ita confectum;

℞. Syrupi de farsara

De betonica

ana

3

1.

Decocti capil. Ven. Et cetrach

3

4.

Misce, confert ad obstructions lienis, pe. floris & hepatis: & ita hos syrupos acciperem, quòd respiciant omnia membra affecta, & acciperem capillos Veneris & cetrach in magna quantitate ad decoctum. Circa caput proposita sunt electuaria quae laudantur à modernis: sed dicam id quod sentio. Ego maxime abhorreo ab eis, ubi imbecillitas uentriculi suspecta. Vidi homines saepe, dum in illis uolumus catarrhum curare, ex frequentj & nimio usu electuariarum incidere in hydropem: dum enim illa frequenter sumunt, die nocteque impeditur coctio, ut nunquam recte fiat: augetur catarrhus, quia propter inconcoctiones multiplicatur materia, nec ipsorum electuariarum uis ad pulmonem, sed ad stomachum peruenit. Vellem igitur horum loco semper teneat aliquid sub lingua in ore, cuius uis dum attrahitur aër, etiam paulatim attrahitur, & descendit sensim per asperam arteriam: & licet parum descendat una uice, tamen si fiat continue per uiginti quatuor horas, facit magnum effectum. Ad hoc bonae essent pilulae Bechiae, Zucharum rosatum & uiolaceum, & si quid hoc modo per oesophagum descenderet, tamen quia tardius id fieret, per poros tamen alios quae eius portio transiret ad arteriam. Quod ad curas particulares attinet, quae post uniuersalem euacuationem ad roborandum caput & uentriculū, itemque ad leniendū pectus faciendae sunt, si uellem proponere nunc, uideretur ineptum. Quae sunt proposita circa pectus leniendū, laudo, quia sit maior preparatio musculorū, qui mouentur

continue. Ideo oleum amygdalarum dulcium, chamæmeli, uiolarum laudo, sed ita componantur, ne superent frigida, sed sint moderata omnia. Inungatur uenter oleo mastichino, licet oleo de capparibus, & similibus. De uino, dicerem necessarium esse ut demus in ægritudine longa, & uentriculo imbecillor: sit autem album, paucissimum, non flatuosum, etiam cum aqua factum. Montanum etiam laudo uinū cum aqua mistum: quia uina quæ in planis crescunt, sunt crassa, flatuosa, & maligniora. Notandum, quæ in febribus continuis nunquam dandam, in tertiana: ea tamen die exhibet Gale. quæ sine paroxysmo estratio est, quia facile alterantur, & ideo facile putrescunt, adeo etiam, ut in sano corpore, si uenter sit paulo calidior, statim uertantur in bilem.

De febre putrida cum catarrho coniuncta, in senē.

### Consilium XXX.



Vdini Clariss. Doctor, te ita exacte determinare hunc casum, ut profecto ingenue fatear, non necessarium esse me accedere ad hanc ægritudinem, sed posteaquam accessi, ut loco meo satisfaciam, ne frustra uocatus esse uidear, aliqua sum dicturus in tuorum uerborum confirmationem. Prius igitur statui naturam morbi, & subiecti considerare. Subiectum in ultimo est senio constitutum, & senectus ipsa pessimus est morbus, & longe deterior, quam ullus alius etiam infestus morbus. Aetas hæc decrepita est, & quamuis corpus satis calidum, & robustum ad alios senes collatum, absolute tamen ualde imbecillum est, & ad dispositionem præter naturam inclinatum. Est enim passus leuem paralytin, leuem apoplexiam, & quamuis tamen leuem admodum, aut nullam penitus existimarim, tamen isti morbi, quantum prosternant uires capitis, & cordis, uidemus quotidie, etiam si iuuenis fuerit, nunquam redit ad eundem statum, si uero senex, nunquam euadet: Admonemur igitur, quod hæc ægritudo tanto sit periculosior, quanto ultimæ senectuti est uicinior. In præsentiarum duo patitur, destillationem à capite ad diuersas partes, per fauces, & bronchos, ad pectus, quæ catarrhus dicitur, sic quoque ad alias partes, ad crus, infra genu ad talum usque, ubi patitur nunc cedema, & perseverat in ijs nunc quatuor menses. Adest & alia dispositio, uidelicet ipsa febris, & non est mensis, à quo coepit affligere, & interea nihil uidetur remisisse, una tamen die magis affligitur, quam altera. Quantum ad febrim, consideremus excrementa, quæ naturam febris indicant. Urinæ enim potissimum ostendunt putridam febrim, quando actu putrescit humor, cum sint crassiusculæ, & rubæ, talesque perseverent. Non est dubium, quin semper duos attestentur humores, sanguinem, & cholera rubeam, quæ tales sunt urinæ. Cum autem non uideamus abundare sanguinem, non est uerisimile, quod sanguis sit causa huius febris, neque etiam accidisse uidetur propter multam pituitam, quæ abundat multis diebus. Restat igitur, quod sit ratio humoris biliosi, nam egestionem quoque biliofa sunt. Sed cum non sit cum rigore, & motus febris lentus, neque dolor capitis, neque sitis: erit ei admixta pituita, & erit cholera, quæ dicitur maioris famæ. Et in corpore senum maxime generatur pituita in magna copia, sunt enim illi frigidi, & siccī naturaliter, & talibus naturale (ut & Galenus testatur) est generare humores crudos. Sunt enim contraria coctioni omnia. Est itaque febris, & cholera uitellina mixta cum plurima pituita crassa, quæ abundat in hoc corpore, ubi putrescit huiusmodi materia. Bilis generatur in hepate, sed quomodo? Ex regimine, & rebus dulcibus, quibus usus est sapius, multæ obstructions factæ sunt in uenis Mesaraicis. Quando sanguis non potuit libere exire, & transire ulterius, necessarium fuit ut generaretur bilis, quæ excernitur postea per porum fellis, à uirtute expulsa, ad intestina, & urinas, ut apparet ex excrementis. Neque etiam potest euentari pituitosus humor, qui per totum corpus sparsus est, propter obstructions, ideo febris hæc

est ex his duobus humoribus, propter multitudinem materię, subito excurrentis ad loca sensibilia, cum propter obstructions in hepate non possit libere euentari. Circa catarrhum aliter est hic dicendum. Senes cum habent sibi ingentem catarrhum, qui illis pręter naturam est, perpetuo ea laborant ægitudine, iuxta Aphorismum: Bronchi & catarrhi in sensibus difficulter resoluntur. Non enim potest concoquere cerebrum vapores crassiores, a crassis humoribus ascendentes, qui abundant in corpore senum, ob imperfectionem concoctionum. Sed ad hoc, ut eleuentur vapores, requiritur caliditas quędam. Cum uero fuerit in ætatibus præcedentibus calidę temperaturę, & maxime in iuuentute, ut apparet facile ex habitu ipsius, soliti sunt huiusmodi vapores ascendere, nec desinit illa euaporatio ob frigiditatem hanc. Quare talem catarrhum non possumus tollere, sed concoquere aliquo modo licet, ne cito interficiat.

**PRÆSAGIUM.** Cum hæc duo ita se habeant in hoc corpore, consideratione acurata hic opus est. Catarrhus quidem nunquam auferetur, febris cum aliqua difficultate tollitur. Cum enim Medicus sit tanquam minister naturę, non ita facile curabimus, quia natura impotens est, ita igitur sumus in re ualde ambigua.

**CVRA.** Primo uidendum, cui debeamus occurrere, febrine an uero catarrho. Dico principaliter febrem curandam, non tamen neglecto catarrho. Est enim directe contra naturam senis, neq; omnino pender a catarrho, nisi quatenus facit obstructions, quibus apertis non properea curabimus febrem. Febris igitur curetur, quę pender ab humoribus putridis. Habet obstructions, aperiantur igitur, attenuanda materia, & educantur humores illi crassi. Indicatio uero semper a uirtute sumenda est, a qua tanquam a potentissimo rege operandi uenĩa petitur, ea enim ostendit, quid præcipue agere debeamus. Si talia, qualia oportet purgari, purgentur, conducit secundum Aphorismum. Etiam si Manna non euacuat, qualia purgari oportet, tamen omnino a benedictis incipere debemus, & materiam educere, quę est magis obediens euacuationi. Estq; hæc minoratio necessaria. Curabimus namq; febrem, & non negligemus catarrhum. Euacuabimus enim feces, educendo humores tenues, ac aperit etiam, ac abstergit, ita ut crises faciat (quod mihi accidit) ita ut intra sex dies æger euaserit. Et ante cenam exhibeatur, estq; hoc minoratiuum Romę omnino in uia. Detur uidelicet Eleghuarij lenitiui, uel Mannę 3. 1. 5. Si altera die recte se habuerit, non uelim dare neq; syrupum, neq; brodium, nolo enim ut abluat medicinam. Tertia die demus syrupum incidentem, ut oxymel simplex, a quo nunquam uellem discedere, quod est inciliium, non dulce, ut hoc faciunt tempore: deinde mel rosatum exhiberem. Sunt enim membra senum ualde sicca, eritq; ei optimum. Postea fiat decoctio Cichorii in aqua capillorum Veneris, quia est magna penuria aquę Endiuie uel Farfarę seu Tussilagenis dictę, quę ad tussim est opt. Sed quia est senex & frigidus, adhibetur aqua capillorum Veneris, uel cum prædictis aquis sem. Anisofrũ, ut in tribus ℥. aquarum sint 3. 4. Anisi, & decoquantur ad casum tertię partis. Medicina uero sit Rhabarbarum, & reliquę medicinę benedictę, syrupus rosatus. Linimenta pro pectore profunt, e quibus unum est optimum, anserinus nempe adeps, qui penetrat maxime (non anatis adeps: in quo decepti sunt antiqui, qui posuit anatem pro anserine) cum modico Croci, & Amygdalarum amararum, concoquit humores crassos ut facilius educantur. Masticatoria non dare m, sed caput purgia per nares, qua ratione prouocaretur catarrhus. Si tamen uelletis exhibere masticatoria, sint ea radix capparis, uel Mastix, quę corroborat uentriculum. Liquiritia quoq; efficacissima: sed scopus meus, ut nunquam ascendamus ad medicamenta altiora. In ratione uictus non est uisum dandum, licet enim sit album, & minime acidum, paucissimi coloris, & subtile, tamen iuscula ex hordeo cocta, & lacte Amygdalarum, & oua forbilia sunt meliora. Non enim respiciam hanc febrem. Sit deniq; hoc ipsum regimen senum. Vterer crebris frictionibus. Pro ulcere uero cerussa, uel puluis ex carie lignorum uitium. Pro tumore in cruribus accipiat aqua salsa, in qua decoquantur germina ebulorũ, & fiant fomentationes, non tamen insideat.

## De hectica febre cum putrida &amp; catarrho coniuncta.

## Consilium XXXI.



Larissimi Doctores quoniam totum fundamentum praeſagij & curan-  
 di pendet à natura morbi recte cogniti, nos, quia uocati ſumus, ea de  
 cauſa, ut praeſagium demus, & ut curemus, ideo ego ut poſſim colligere  
 naturam harum diſpoſitionum praternaturalium, exponam omnia, quae  
 uidi, & audiui. Quatuor ſunt conſideranda, a deſt catarrhus, qui deſcendens  
 à capite, facit difficultatem anhelitus inſignem, quaſi dyſpnoeam, item eſt catarrhus  
 falſus, & ita, ut quaſi ſal habeat in pectore, & in ore, quantum ad ſubſtantiam, eſt di-  
 uerſus, craſſus, ſubtilis, aqueus, putridus &c. Habet febrem, qua iam ante ſex meſes  
 incepit laborare, nec habet debitos paroxyſmos ſuos, ſed ut incepit, ita continuo  
 ſtat. Et quia ita continua eſt, affert omnia mala, magnam uidelicet exiccationem cor-  
 poris. Ideo ipſa iſta puella carnoſa, nunc accedit ad conſtitutionem hecticae, & membra  
 ſolida diſſoluantur: obſeruanda igitur ſunt febris accidentia, inſignis macies, pulſus par-  
 uus, frequens, & non uehemens, eſt durus, & debilis, haec habet pulſus. Vrina rubra,  
 craſſa, & non tenuis, cum his ſignis eſt febris. Ter uidi, & tetigi uentrem, & hypo-  
 chondria, habet in lateribus obſtructiones, & uentriculi abdomen deberet eſſe appli-  
 catum bene, ſed eſt tenſio in uentre, nec habet cauitatem, etiamſi ſit emaciata, ſed tu-  
 met. Quarto habet deſluxum alui, eſtq; nouum accidens. Tales autem ſunt ſeces, ege-  
 runt in hora, & quantitate præter naturam, & innatant in liquore, quaſi naturalia  
 dura, habentq; colorem non mellis, ſed tendunt ad ferrugineum colorem, quod ma-  
 niſeſtæ aduſtionis ſignum eſt, horæ (ut dixi) mutatae, & quantitas, etiam ſunt ſub for-  
 mæ ſecis, & non ſunt multi humores, non bilis, nec alius humor, ſed ſigna ſunt aduſti-  
 onis, quia apparent ferrugineae. Haec quatuor cum ſuis ſymptomatibus, quae indicant  
 congeriem ſuorum morborum, uidelicet febrem, catarrhum, obſtructiones, & fluxum,  
 uidenda, & qualis curatio eſſe poſſit. Catarrhus poteſt dici ſymptoma, ſicut & fluxus,  
 & licet ſymptomata ad ſe trahant curam, tamen habent duas ægritudines, febrem in  
 complexione, & obſtructiones in compoſitione, quas ſequuntur. Videamus primo  
 ægritudines, quibus cognitæ, & ſymptomata cognoscimus, & ijs curatis curabuntur  
 quoq; ſymptomata. Sed quia habet obſtructiones & febrem, quaeritur utrum prius  
 obſtructiones, an uero febris aggredienda? Audio eam eſſe monacham, ieiuauit  
 multum, cum ſecundum Hippoc. 2. de recta uictus ratione, ieiumum ſit peſſimum,  
 ſolita hora non comedit, unde fuerunt cruditates multiplicatae, & ſunt maiores, ſi ci-  
 bus craſſius exhibetur. Ieiunantes uero in duobus peccant, capiunt cibum ieiuo uen-  
 tre, & capiunt malum cibum. Cum haec ieiuaret, potuit ſibi accereſcere obſtructiones  
 & febrem, & potuit febris curari, ſed obſtructio manſit, & poſtea incidit in febrem  
 meſe Martio, nam manſerant radices illius febris, id eſt, obſtructiones: obſtructio  
 autem erat offenſio naturalium membrorum, & dolor lateris fortassis erat inflatio he-  
 patis ex obſtructionibus. Nam ubi obſtructio in hepate ſit, grauedo, dolor pectoris,  
 & tuſſes ſunt. Quare morbi ſui ſunt ab obſtructionibus naturalium membrorum. Fe-  
 bris permanens fecit colliquationem humidæ naturalis, & conſumpſit carnem, & eſt  
 ſecunda ſpecies hecticae, ubi enim abſumitur humidum naturale, ſit prima ſpecies, ſi  
 caro, ſecunda ſpecies, ſi ſolidæ partes, & humidum in eis radicale, ſit tertia. Sed quo-  
 niam non uideo in ea humidum naturale, & carnem, igitur febris eſt in carne, quam  
 abſumpſit. Et hoc à ſubiecto dico, & colligo à pulſu, nam pulſus etiam eſt hecticus, ut  
 cum deſcribit Galenus. Nondum eſt in gluten hæc febris, nam adhuc florēt cutis, &  
 adhuc eſt in membris ſolidis humiditas, ſunt urinae craſſae cum ſedimine: In hecticis  
 ſunt tenues & clarae. Hic uero etiam craſſae, quia in uenis eſt putredo, ex qua ſunt urinae  
 craſſiores, nam urina (ut conſtat) ſerum ſanguinis eſt. Eſt & hic inæqualitas in  
 pulſu,

pulvis, isq; pulvis est putridarum, non autem hecicarum. Igitur est febris putrida, & humores putrescunt in uenis. Est ergo hæc febris hectica, cum putrida coniuncta, & ideo putrescunt humores in uenis. Et signum est ex urina, quod crassus humor putrescit, estq; pituitosus: sed quia cogitabunda, colligitur humores melancholicos quoq; collectos, item in urina signa pituitæ. Hi uero humores faciunt febres typhodes, uel laticas, quæ sunt affines hecticæ. Habet catarrhum & fluxum alui, scimus autem quæties calor in hepate est, consequitur ut in toto etiam ambitu uenarum sit, inde multi uapores caput petunt. Et 3. de locis affect. dicitur, quod qui hepar calidum habent, sunt subiecti repletioni capitis. Hæc puella, cum habeat hepar calidum, multæ materię uel uapores condensati, uersi sunt in catarrhum calidum. Atq; ita est catarrhus falsus (ut ipsa dicit) quasi haberet scutellam salis in pectore. Apparet pituita in ea ex calore & uisciditate. Nam Auicenna dicit, ubi febris transit quatuordecim dies, uentrisculus sit debilis, & concoctiones malæ. Hæc passa febrim est multis mensibus, ita ut pinguedo absumpta sit ex abdomine, & musculis, unde cruditates & obstructions. Est uero catarrhus, cum descendit tenuis, sed in pulmone calefactus, sit uiscidus, & putrescit, quia est in loco calido, ac decipit Medicos, qui arbitrantur esse pus. Habemus rationes omnes catarrhi, quare sit falsus, & habeat partes subtiles, crassas, & putrefactas. Difficultas anhelitus inde est, quia colligitur in bronchijs pulmonis, & impedit spiritus, fluxio uero alui succedit propter tria, longitudinem morbi, quia sunt debilitata membra naturalia, & non sit concoctio bona, secundo catarrhus descendit in uentriculum, ut percipit, & est falsus, qui excitat materias fecum, antequam tempus sit, ut exeant; item est obstructio, & chylus non distribuitur, quare feces non sunt bene coctæ, sed exeunt cum liquore, quia non bene distribuitur materia per uenas, sed irritatur à catarrho. Et hic fluxus non fit ratione colliquationis, ut dicit Gal. 10. Therapeut. quod in colliquatiuis accidit: nam colliquatio in hecticis ita fit, quia sensim fit colliquatio, sed in febribus pestilentialibus fit fluxus colliquatiuis propter nimiam putredinem, & quia fit torrefactio.

**PROGNOSTICVM.** Dico quod hæc ægritudo sit periculosa, quia febris consumpsit humidum nutrimentale, & carnes. Ac febris perseverat, ergo & partes solidas absumet, & erit tabida perfecte. Vix tolles hanc febrim, nam opus est tollere obstructions, idq; calidis faciendum esset, antequam autem id facies, tabesceat. Præterea catarrhus augeat febrim, putrescit, & putrefacit pulmonem, nam puella est tenera, & non facile spirat. Vnde ægritudo est difficilis, & uereor, ne sit incurabilis. Medici autem ne desperent, & prædicent hæc suis amicis, ut inueniant curam, & ne illis imputetur postea, si quid aduersi acciderit.

**CVRA.** Hippocrates dicit, exquisitis morbis remedia exquisita debent proportionari. Galen. autem 5. Meth. inquit: Qui in catarrho incipit à leuioribus, facit longum. Ego uolo experiri fortius, deuenire ad obstructions, & non negligere febrim. Obstructions enim sunt origo malorum. Accipiat igitur Trochiscos aperientes, qui licet calidi & sicci sunt, corrigantur, ut de Absinthio, ut de Rhabarbato 3. 1. uel 3. 1. Confortant, & obstructions ac fluxum tollent. Sed quia exiccant, accipiat iusculum in quo Tussilago & Endiuia decoquantur, & accipiat amplam scutellam. Vnum dicam, ponerem in illo iure 3. 2. oxymellis cum saccharo facti. Nam incidit, & aperit obstructions.

3. 3. 1. s. Oxymellis facti cum saccharo bono, & aceto. Et uentriculum confortare, Galenus 7. Therap. docet exiccatum uentriculum humectare, non igitur uteretur exiccantibus, sed addentibus tonum uentriculo. Accipe uinum dulce, permixtum aquæ 1b. 1. uel 2. Olei Amygdalarum dulcium 3. 4. Butyri recentis, uel medullæ cruris uimili: Misce & impone dactylos. Bulliant ad consumptionem uini, exime dactylos, cortices, & eorum carnem tantum relinque & contunde, & pone aliquid pulueris Mastiches, & Caryophyllorum parum, & inungatur locus totius uentris. Pectus inunge ex adipe anseris, oleo Amygdalarum dulcium, & parum Croci, pulvis in ca-

pice sit ex rosas, Myrtis, & astringentibus (in primo, & secundo de composit. medicament.) etiam Sandali refrigerabunt & exsiccabunt. Porro ut sit diuersio, fiat frictio membrorum omnium oleo Amygdalorum dulcium. Electuaria accipiat ante prandium & post. Saccharum rosatum optimum in catarrho, & febre, singulis horis accipere potest: uictus sit bonus. Vinum sit pauciferum, nec acidum, quia augetet tussim. Electuaria seorsim lambenda, ne relaxent nimis uentriculum.

## De febris continua cum uarijs symptomatibus & periculo pestilentiae.

### Consilium XXXII.

**P**rimum uidendum, an febris consequatur dolorem, qui est in pectore, & sit accidens, an uero morbus per se. Videtur habere difficultatem anhelitus, dolorem in latere perseverantem, febrim continuam, et si de tertio in tertium inualescat. Hæc possent ostendere, quod sit pleuritis, quæ consequatur febris. Ego tamen sentio nullo pacto esse pleuritidem, sed dolorem esse accidens, & dependere ab alia causa. Ratio, quia pleuritis est in membrana succingente costas, & ea in sene est crassa, uidelicet iam sexagenario. Humor etiam est crassus, pleuritis autem ab humore bilioso, & tenui. Si ergo esset pleuritis, nullo modo quiesceret. Deinde qui laborant pleuritidi, non possunt anhelare, etiam si cogantur, atque etiam semper tussire uolunt, ob dolorem tamen non possunt. In hoc Reuerendo patre nihil horum, ergo non est pleuritis. Bene uerum est, possunt uariæ collectiones humorum fieri intra corpus, sicut etiam extra, qui tantum inane pondus nidentur, ut oedemata ex pituita & flatibus. Ita & intrinsecus pituita colligitur in musculis inferioribus, & exterioribus. Et cum locus sit sensibilis, & materia flatulenta, facit dolorem grauatiuum, qui proprie est in musculis. Hic igitur locus & materia conueniunt, potest ergo esse apostema in musculis, sed non in membrana. Vel materia est extendens locum, & facit dolorem, quia in loco angustiori. Et ideo à calidis & temperatis iuuatur, ut Chamæmelo. Nam sanatio ostendit, quis sit morbus, ut Hippocrates dicit. Si calida materia morbi fuisset, post applicationem calidorum, magis affluxissent humores, sed quia flatuosa, discussa est. Est igitur collectio humoris flatuosi in musculis interioribus circa hypochondria. Febris igitur non pendet à dolore, quare separanda ea, & per se consideranda. Sed primo uideamus de Catarrho. Catarrhus proprium habet locum in quo generatur, uidelicet caput, ab hoc semper defluit, per uias communes, Oesophagum, & asperam arteriam, uel per uenas, uel per arterias, uel nervos, seu nucham. Hic habet tres uias, per asperam arteriam descendit quia tussit, per Oesophagum, quia reijcit, & habet flatum ad hypochondria: per uenas, quia in urina magna est copia pituitæ, quæ non potest in tanta quantitate continuò generari in uentriculo. Cause sunt manifestæ. Et ipse est in ultimo dimanere, agit enim 63. annum. Ideo magis timeo de anno quàm morbo. Et merito Augustus sacrificauit, quod euaserat hunc annum. Febris est continua, sed de tertio ad tertium exacerbatur, hæc à modernis febris continua proportionata à bile dicitur. Vtrum materia in uenis putrescat, uel aliquid erumpat extra uenas, & inde tertio die fiat exacerbatio, nescio. Hæc ante paroxysmum uehementius laborabat, quàm post accessum nem, unde ego continuam credo. Materia cholericæ est cum multa pituita. Adest enim bilis, ut ex sputo citrino apparet. Urina est crassa, & est maxima putredo intra uenas, nisi à renibus sit hæc crassities. Forte aliqua portio materiæ est extra uenas, quæ exacerbatur de tertio in tertium. Habemus sudorem, est ne criticum signum: Non potest inquam, apparere criticum signum bonum, nisi præcedant antea signa coctionis. Sudor

ergo hic non est bonus, quia urinae magis perturbatae sunt, quam unquam alias. Ergo non est motus naturae, quae est regulata, in omnibus suis actionibus procedit ordinate, & prius praeparat humores, pollice educit. Est igitur hic motus symptomaticus, & malus; quia malum signum peius est, cum sit in die critico. Sed si fieret propter fermentationes, tunc esset minus malum, quam si symptomatice. Status autem, uel augmentum morbi sumitur penes coctionem, & non per accidentia, quae quandoque in ipso statu sunt maxima, quia tunc natura maxime pugnat & oppugnatur.

**DE PROGNOSTICO.** Est senex, & in secundo senio, & Hipp. ait: Febres non intermittentes quodocumque die tertio acerbiores fiunt, periculosae. Deinde est tanta perturbatio urinae, ut sit suspicio de maxima putredine. Ideo recte datum pharmacum Hiera cum Cassia & Manna. Manna educit subtiles humores tantum. Addita autem Hiera, ne illa Cassia status excitaret. Nec debemus ulterius progredi, quia nulla est coctio in uenis. Ideo cras exhiberem syrupum, uel oxymel, in quo pluribus numeris (ut testatur Galenus) refrigerat magis acetum, quam mel calefaciat. Darem igitur sic:

℞. Oxymellis simp.

Syrupi de Betonica ana 3 1.

Decocti Liquiritiae

Capill. Veneris

Cetrach

3 3.

Sed Cetrach si uult, omitti potest. Lambitium cauere, quia eius usus plus nocet, quam prodest, impedit coctiones, & facit cruditates. Galenus dicit, ubi est metus apostematis, dolor capitis, & cruditas magna, abstinendum a uino. Tertio de uictus ratione, ergo abstinendum puto. Sed quia senex, & periculum ne cadat uirtus, darem panatellam cum ouis. Sed semper respicerem ad febrem pestilentialem, de qua hic est periculum. Eius signum certissimum fluxus colliquatiuus, ut Galenus ait. Quanquam quia cum urinae steterunt sunt clariore, est indicium, quod sit perturbatio naturae tentantis coctionem in materia, idque esset bonum signum.

Mors aderat, Cymbamque Charon, remosque parabat,

Asseruit medicina senem, iam aetate trementem;

Restituitque nouas effecto in corpore uires.

**De febre Hectica ex pestilenti facta, & cum putrida coniuncta.**

### Consilium XXXIII.

**I**uuenis sedecim annorum, liberatus a febre pestilente, septem diebus post nunquam uisus est liber a febre, quod ferè semper fieri solet, cum cordis humores putredine affecti fuerint, & remota putredine calor ille non naturalis maneat impressus in corde, & eius substantia, aut in ipsius contentis. Veritus ergo D. Montanus hecticam, iussit nutriti cibis humidioribus, & aliquid uini assumere, sed tenuis substantiae, limpidum, & minime potens, aquae etiam nonnihil admiscere. Contigit autem, cum secederet ad exonerandam aluum, sensit nonnihil frigoris, quod ubi in lectum redijt, cessauit. Subsecutus est calor mordax & acutus per totum corpus, quem tamen aeger dicebat se non sentire, cum manifeste ad tactum appareret, cum pulsus inaequalitate & frequentia. Urina quam reddiderat, substantiae omnino tenuis, colore subpallido, liquore tenui, reliquae uero, quae iam subsederant, erant paulo crassiores. Sedimentum uero erat crassissimum, quale erat quoque, cum febrem pestilentem pateretur. Egestionibus alui inconcoctae, foetore plurimo, cineritiae, minime compactae; Tempore pestis habuerat conti-

num fluxum colliquatum, nonnihil conquerebatur de dolore capitis. Totum corpus ex præcedenti febre imbecille, tensa quoque erant hypochondria. Ex his coniectebat, simul cum Hæctica febrem aliquam putridam. Quare statim obstructioni occurrens, iussit summo mane serum lactis uaccini, in quo tota nocte impossus fuisset manipulus Abinthij, & expressum haurire tepidum. De quantitate uictus rogatus D. Montanus non prescripsit aliam: sed tantum offerri iussit, ne sentiret uentriculum aggrauatum. Secundo die sine febre, sine siti, & uigilijs repertus est. Excreuit biliosa multa crassa, & nonnihil compacta. Urina flaua, ubi paulo longius quæta maneret, statim crassior facta est. Urinam quoque habuit plurimam, per eam enim uiam natura se exonerauerat, cum satis laudabili hypostasi. Conquerebatur descabie, quam ante inuasionem febris pestilentis perperus erat. Sed quia eiusmodi euacuationes materię crassę Montanus saluberrimas esse iudicaret, nihil mutare uoluit, iussit tamen, ut sero lactis uteretur, in quo per totam noctem infusę sint partes Abinthij, & Fumi terę æquales, & colaturam mane biberet tepidam.

## De febre pestilenti in Hæcticam mutata.

## Consilium XXXIII.



Oculus Montanus ad ægrum, inuenit eum prima uisitatione, tota superficie corporis extrinseca calentem admodum, cum pulsu tamen quæto, & satis regulari. Urinę turbidę, ad subiucales tendere uidebantur, sed excrementa alui præcesserant: ita ut nihil tum exhiberet. Tenuem tantum uictum ordinabat, & permisit, ut uinum biberet tenue, & album, propter cruditatem humorum, ut fieret aliqua coctio, cum præsertim nullus adest capitis dolor. Altero die cum urina adhuc esset turbida, Calsiæ dedit 3. 12. ante prandium, quę cum satis operata esset, & tamen urinę ad subiucales adhuc tendere uiderentur, sequenti die sanguinem missurus erat, quod statim à prima uisitatione febrem pestilentialem metueret, sed pulsum tamen satis fortem & æqualem, ipsumque sine febre reperit. Quapropter tunc intermisit sanguinis missionem, quam tamen sequenti die fieri uoluit, quod tum febris iterum adesset, nec urinę à prioribus differret, & quodammodo deliraret. Sanguinis autem missionem tandiu se distulisse aiebat, propter humorum cruditatem, sicut similem ob causam Hippocrates in pleuritide, octauo demum die sanguinem misit, in exemplo Anaxionis. Primo igitur clysterem communem imponi iussit, & postea sanguinem mitti ad 3. 4. ut si necessarium esset, post prandium repeteretur. Sanguis missus est ad 3. 6. Quam ob causam post prandium iteratum non est, sed ordinatus à Montano talis syrupus, qui refrigerando & exiccando prohiberet putredinem, quam metuebat, & peculiari ui occurreret putredini spiritum.

℞. Syrup. de succo Acetosę

De acetositate Citri

Aquę acetosę

Aquę rosatę

Misce pro uno, & sic pro alijs. Hunc ea statim uespera exhiberi uoluit, quod urinas easdem quasi subiucales uideret, & sanguinem quoque corruptum, & deinde singulis diebus bis sumere iussit mane, & ante comam per 2. uel 3. horas. Voluit etiam fieri hoc linimentum.

℞. Vnguenti rosati Mesues recentis

Specierum cordialium temperatarum

Rosarum rubearum

Camphorę

Musci

3

1.

3

2.

3

4.

G.

2.

G.

3.

Misce,



Misce, fiat linimentum pro corde confortando & muniendo. Os etiam crebro liuet ex aqua Acetosa. Postea Montanus Venetias uocatus, discessit, estq; accersitus Frisimelica, qui cum urinas uideret turbidas, & faeces aliquanto liquidiores, cum pulsu non admodum forti, plane ei metuebat, & iam pestilentem febrem, ac de agro actum esse credebat, ac nimis tardam fuisse sanguinis missionem dicebat, non animaduertens naturae alium motum; & ordinauit, tunc saccharum rosatum cum puluere Scordij, peracta septimana laxata est aluus, & natura materiam crassae expulit per secessum. Quod nona die Montanus adueniens cum uidisset, nihil mouendum duxit, donec natura, quod operabatur, compleuisset. Rationes tamen eorum, quae ordinauerat, alteri Doctori indicauit, & in syrups, ut persisteret, hortatus est. Ut si natura officio suo satisfaceret, nihil impediretur, sin minus ab ipsis postea facilius adiutari posset, ne ex materia relicta recidua fieret. Erant enim in ea expulsiōe faeces satis regulatae, colorem & consistentiam mellis praeseferentes. Vrinae etiam crebriores subsistentiam habebant crassiorem, & album colorem, non ita, ut antea rubrum, nec liuorem adeo turbidum. Non tamen satisfaciebat ea crisis Montano, quod aeger minime leuari uideretur. Post aliquot dies remisit febris, relicta tamen aliqua caliditate in membris, quae aliquando magis, aliquando minus infestabat. Alius Doctor hecticam esse dicebat, & balnea ordinabat. Sed ea reprehendit Montanus, quod non haberent locum idoneum, & oclusum, ita ut a balneo ab aere frigido non occuparentur, quod plus ei nocere dicebat, quam balnea iuuare. Nec hecticam adesse, licet id bene uerum esset, quod in tali dispositione facile in eam incidere posset. Voluit itaq; ut loco balnei, quo humectaret membra solida, trungeret musculos dorsi, non tangendo spinam, ne illa nimis refrigeretur, oleo uiolato, uel lacte muliebri, uel etiam infrigidante Galeni, quod sic fieret:

*℞. Olei rosati completi.*

*℞. Cerae albae.*

Misce, & infonde in uas plenum aqua frigidissima, & ablue, idē iterato septies.

### De febre continua pestilenti.

#### Consilium XXXV.

**P**incipium aegritudinis anno aetatis 19. tale fuit. In accessione febris coepit color declinare ad albedinem, lassitudo insignis erat per totum corpus, pulsatio magna circa caput. Medicus, qui eius curam suscepit, dedit cibaria maximi nutrimenti, oua, & uinum, & brodia in magna quantitate. Vidi ego primo imbecillitatem, & deliquia circa cor, febrem insignem, & maculas nigras sparsas per corpus. Dispositiones igitur quas patitur praeter naturam haec sunt: Febris quae uidetur continua, grauitas capitis per petua, conueritur etiam de uirtute motiua, cum surgit ex lecto, non potest pedes sistere, cogitur sedere subito. Videmus maculas per superficiem corporis, excrementa foetidissima colore cineritio. Et urina talis, quales ferē sunt omnes puridarum, paleares cum sedimento albo pituitoso, Sitis maxima, in ore neq; rubedo nec siccitas, sed pallor. In superficie autem signa siccitatis apparent cum aliqua nigredine. Circa noctem praeteritam ex nare dextra effluxit sanguis ualde niger, & crassius, ac satis aquosus, ut in linteis apparet. Omnes haec dispositiones uidentur habere causas ualidissimas. Intrinsecae autem principaliter considerandae, quod extrinsecae in subiecto praedisposito facilius & efficacius agant. Temperaturam naturalem crediderim hunc uenem habere in praedominio caliditatis & siccitatis, secundum principalia membra, nec tantum esse calorem auctum, sed deuenisse ad talem excessum, ut sit adustio in corpore. Pili admodum nigri sunt, generat igitur etiam humores adustos. Membra

reliqua non ita disposita sunt, ut ausim aliquid de ijs affirmare, cum eum ante hoc tem-  
 pus nunquam uiderim. Sed tota habitudo est calida, & longe excedit cum siccitate.  
 Temperatura tali existente sequetur, ut plurima sit uentriculi imbecillitas. Primo es-  
 nim omentum adiuuat calorem uentriculi, ut 6. de usu part. dicit Galen. Sed hoc gra-  
 uis est admodum in talibus, etiam musculi graciles sunt, hepar enim calidum multum  
 attrahit, etiam cibum ante tempus non satis concoctum. Tertio fundus uentriculi  
 non ita se habet, ut quidem debebat, nec satis bene conficit cibum. Quare statuo uen-  
 triculum frigidum. Hæc causa fuit, quæ reddidit corpus plenum humoribus malis. Et  
 accesserunt deinde causæ extrinsecæ, deliquit circa sex res non naturales, in cibo &  
 potu. Statim post cibum usus est immoderatissima Venere, quæ omnes uirtutes des-  
 bilitat. Accessit præterea hic aer ualde nubilus & humidus: ubi aer nebulosus, ibi spi-  
 ritus nebulosi fiunt, ex quibus omnes concoctiones deteriores. Spiritus enim spissis-  
 tudinem contrahunt, unde plurimæ sunt obstructions &c. ut Gal. 1. Epid. 3. Talis  
 constitutio in uere dedit maximam occasionem corpori appposito & parato, ut facile  
 putrefactiones generaret. Non igitur mirum est, si plurimi humores adulti, & pluri-  
 ma pituita ac bilis in uarijs corporis partibus sint generata, ex quibus caput debile  
 redditum incidit in maximam imbecillitatem. Passus est diu pulsationem: pulsatio au-  
 tem, ut 2. de locis affect. dicit Galenus: dolor est non nisi in arterijs inflammatis. Sed  
 non est propterea credendum, caput & arterias esse inflammatas. Nam pulsatio hæc  
 non est proprie talis, sicut eo loco intellexit Galen. neq; talis dolor, sed est motus pul-  
 sationis, quem nescit exprimere. Inflammatio non est causa, quia dicit se iam non sen-  
 tire dolorem. Sed ante pulsationem materia potuit esse in uenis & membranis, nunc  
 uero tantummodo in substantia cerebri, & leuiter communicat panniculis, non ut  
 sentiant solutionem continuæ. Materia potest esse pituitosa, quæ agitata, seu flatuata in  
 hoc sensibili tangit membranas leuiter, seu in cerebro, ut non continuum soluat. Nec  
 mirum fuit, si post pulsationem secuta est imbecillitas uirtutis motiue, orta enim at-  
 testantur suis principijs. Vbi igitur cerebrum affectum, ibi necessario nerui quoq;  
 patiuntur, & adiuuat ad hoc coitus, etiamsi ab hoc factum esse omnino non credam.  
 Post dolorem capitis & imbecillitatem ob nutritionem importunam (nutrire enim  
 corpora impura est maxime ledere) incidit in febrem. Vius est syrupis prouocantibus  
 urinam, ubi autem humores crudi sunt in uenis, augentur talibus syrupis obstru-  
 ctiones, ac putrescunt humores, & male dantur diuretica corpori impuro. Facta igitur  
 febris, & cum medici uerentur aperientibus & prouocantibus urinam, natura ma-  
 gna ui expulit per pustulas in toto corpore dispersas. Febris etiam nunc perseverat,  
 cuius motus est, quod nonnunquam apparet leue frigus uix perceptibile, deinde al-  
 ternis diebus usus est incallescere, non percipit exacerbationem, neq; dum dormit,  
 neq; dum uigilat. Ex his iudicamus causas intrinsecas. Ista febris sine dubio pendet  
 à putredine, quod præsupponitur ex euidentissimis signis. Locus ubi materia pu-  
 trefcit, & facit nos esse sollicitos, est in uenis, & habet motum continuum. Bene ues-  
 rum est, quod aliquando portiuncula materiæ expellatur à natura, unde aliquantulum  
 frigus prouenit. Materia autem quæ in uenis putrescit, cuius rationis est? Credo hic  
 esse maximam putredinem. Signa, putridæ egestionis, ex malitia uaporum habet  
 aphtas in gutture, litis maxima ex fuliginibus petentibus os. Ex maculis quoq; plu-  
 rima putredo apparet. Omnis enim febris, quam pestilentem uocamus, prouenit à  
 putredine, quæ sit ab excessu humiditatis, nec in his pestilentialibus ab occulta qualitate  
 corrumpuntur omnes actiones, nec potui uidere, quod putrescat sanguis in forma  
 sanguinis in febribus pestilentibus, nisi in quibus tota massa sanguinis putrescat, unde  
 multa & grauius accidentia. Hic uero dico febrem ex plurima humiditate putrefacta,  
 pituitosa, putrefacta inquam potius, quam calore aucto. Ideo accidentia segriora,  
 & ægritudo longa, egestionis foetidae. Materia autem putrescens in uenis, unde cas-  
 sor naturalis ualde afficitur, & uno die etiam omnes uirtutes decidunt, urinæ foetens-  
 ses, quæ aliquando in febribus pestilentibus sunt, secundum naturam causa est, ut Auic.

in prima quarti dicit: In febre pestilenti est multitudo obstructionum, & præcipue ubi materia tendit ad cutim, & caput, multitudo materiæ & cruditas in causa est. Hæsternus dies non fuerit Criticus non possumus iudicare. Sed siue critica, siue symptomatologica fuerit expulsio, tolerauit bene, & satis etiam materiæ effluxit, quod notandum est, cum in ætate & iuuenis sit. Cur autem non magis debilis factus, sanguine ex capite fluxo: quia sanguinem pituitosum putrescere diximus, qui habet plurimam aqualitatem & adustionem. Has ob causas putarem diem illum esse criticum.

**PROGNOSTICVM.** Si hic motus fuerit criticus, arbitror hunc iuuenem, si bene se habuerit in alijs rebus, euasurum hanc ægritudinem, nisi hac nocte aliquid sit futurum: uidetur nonnulla coctio in urinis, habet uirtutem uitalem satis constantem. Et si morbus sit longior, & cruditas in uenis multa, quæ non potest rectificari, habet motum tardum, & signa optima.

**CVRA.** Cum maxima sit putredo, cura est prohibere putredinem: obstructiones igitur sunt aperiendæ, remouebimus autem procuracione euacuationis, cum humorum euacuatione. Sed natura mouet, tu nihil moueas, ergo non erit euacuandum. Deinde uerisimile est quoque, quod iam sumus prope statum, circa quem melius est quiescere, & euacuare postea, si natura non suppleuerit, alioquin faceret reciduum. Remedia intrinsecus sumenda in huiusmodi febribus pestilentibus sunt syrupus de acetositate Citri cum saccharo, est enim in eo aciditas simplex, nec habet uim adstringendi, ut uoluit Curtius, est subtilissimæ substantiæ, incidit fortiter ac penetrat. Vnde suppono, quod credo syrupum de acetositate Citri, & de acetosa esse præponendos in his febribus pestilentibus syrupis reliquis omnibus: refrigerant, abstergunt, incidunt, & exsiccant superfluum humiditatem, corroborant maxime. Decoctum fiat ex aqua Melissæ, & Beronicæ, in quo semen Citri decoquatur. Neque enim in Melissa est caliditas cum destillata sit. Hic erit syrupus hoc toto tempore. Præterea frictionibus uteretur factio linimento ex oleo Chamæmelino, & uino ad consumptionem medietatis coctis, uel simplici uino aromatico, in quo decocta sit Matorana & similia, ut etiam extrinsecus aperiantur pori. Ratio uictus erit, ut abstineat omnino hoc tempore a uino. Sumus enim circa statum, & crisin, in quibus diæta tenuis seruanda. Pro potu igitur fiat aqua hotdei cum modico Cinamomi & seminum Citri, & misceat cum syrupo de acetositate citri, utatur pituitosa, & tenuissima diæta.

## De febre pestilenti.

### Consilium XXXVI.



Larissime Doctor, certe ego doleo, quod nos nacti sumus casum tam difficilem, & præter difficultatem casus, tempus etiam ipsius morbi tale. Nam præterquam, quod morbus est malignus & pessimus, sumus in tempore morbi detestabili, scilicet in statu non salubri. Et quanto magis ad statum accedit, tanto est deterior: quod est contrarium in morbis salubribus. Hic uero status omnia detestabilia morbi affert, quæ sunt indicationes mortis, non salutis. Si enim consideremus uirtutem, nusquam sunt illa, quæ dant indicationem salutis in maximo morbo, imò in paruo morbo darent indicationes pessimas. Pulsus in isto est paruus, rarus & debilis, non resistit tactui, non eleuatur, non habet eam uelocitatem, quam debet habere, & ideo tardus est, & frequens, indicans imbecillitatem uirtutis uitalis: postea habet uirtutes animales prostratas, uidetur attonitus, & quasi surdus. Naturales quod sint affectæ, uidetur ex exeuntibus. Urinæ sunt pallescentes, crassæ, non habent colorem naturalem. Videmus fæces pessimas, & fluxum colliquatum cum sanguine, suntque excrementa citrina: qui color significat summam adustionem, propter igneum calorem adactum, Et cum hoc non habet exterius

ius caliditatem, quæ indicet, sed interior febris habet gradum intensæ malignitatis, & consequenter patet, quod non sit uictoriae uestigium ex parte uirtutis. Sumus in pessimo morbo, si numeremus dies, ægritudo facta est chronica, transiit uicesimum diem, & motus iste qui debet esse, fieri non poterit, quia uirtus non tolerat, febris magna est, quæ habet intensam putredinem. Sunt enim gradus putredinis in febris, & accedit ad eam malignitas putredinis, ut faciat uenenum in humanis corporibus, ut 6. de loc. affect. & clarius primo Epidem. indicatur, ubi loquitur de febribus pestilentialibus. Malignitas igitur est propter intensiorem putredinem, quæ ex colliquatione & adustione facum, & perturbatione urinæ significatur: sanguis qui exiit per anum, ideo potuit exire, quia humor adustus mordax fecerit abrasionem, & ita sanguis effluxit, ut in diarrhæis, uel quia hepar ualde imbecillum sit redditum, ut in fluxu hepatico. Habet enim circa hypochondrium dextrum insignem tensionem. De hæmorrhoidibus nihil dicam, quia sanguis ille est cum facibus commixtus. Debeo enim credere Excell. Doctori, qui hoc uidit. Quare alia accidentia considerabo, habet linguam impeditam, & implicatur in sermone. Ita omnia mala signa uideo in isto iuene. Nihilominus cum tanta malignitate febris, in statu morbi, facta protestatione & commiseratione non desistam, quin aliquid dicam, quod possit fieri tentando salutem, quia in flore ætatis est constitutus, licet Hippocrates morituros dicat prognosticis relinquendos. Nolo insistere huic, quia Christiani sumus. Quid igitur erit agendum? Duo nobis offeruntur, ratio uictus & medicamenta. Quod ad rationem uictus attinet, ubi est maxima putredo, & malignitas febris, non debet Medicus instituire tenuem uictum, nam, ut in 17. Aphorismo ait Hipp. ubi corrupti humores, & putridi, nihil perniciosius quam instituire tenuem uictum, quia intereunt. Aciores igitur humores contemperandi humidis acta, & potentia siccis: & cum hæc querenda sunt, tum omnes eius cibi sunt alterandi cum Citro. Iusculis contemperemus humores & ex illis decoctis habemus potentiam exiccandi. Ergo exiccanda materia putredinis, humectandus uero calor naturalis. Ideo uidetur esse optimum, ut exhibeatur ius pulli, & fiat panatella, ita alteretur, & admiscetur aqua rosacea, quia uideo casum hoc maxime poscere. Confortabit cor & spiritus, propter odorem insignem, deinde exiccet, & confortat membra, item astringit, præterea humectat propter humiditatem actualem. Ponerem igitur semper in cibo, præter Acetosam, succum Citri, Limoni, & quam rosaceam. Sed uellem ut ad ulteriorem uiam nutriendi accederemus. Non placet consilium seu desillatum, sed succus expressus carniū, habearnas partes pulli, albas alas & eas contundamus, facta confusione ponerem modicum iuris, & facerem expressione, & rursus exprimerem, donec aliquid exprimi possit, ex quo haberemus omnem uirtutem carnis, & ne laboraret in concoctione, eijceremus omnes fibras. Postea acciperem limones, aquam rosaceam, & ius conficerem ex istis tribus. De potu, quoniam est aliquid bibendum, ex quo uidemus admodum affectum, quia indigemus aperture obstructionum, prouocatione urinæ & sudoris, atq; ex quo uirtus debilis, placeret uinum acidum, & tenue, & album, & semper coquerem in aqua, quæ admisceretur cum uino, Coriandrum & Acetosam. Laudarem saccharum rosarum, quandoq; & placet scordium admixtum. Quantum ad medicamenta, proponitur syrupus ex acetositate citri, & succo Acetosæ, syrupus de Cichorio leuiter aperit, licet alij magis, & ut cor respiciatur, propinetur talis syrupus cum pari portione aquæ rosacæ, & Acetosæ. Et uidi ego quandoq; plurimas ex aqua rosacea utilitates. Exhiberem itaq; uncias duas aquæ rosacæ, & uncias duas Acetosæ, in eius syrupis. Pro corroboratione cordis facerem unguentum ex unguento rosato Mesues, cum speciebus temperatis, & cum puluere rosarum rubearum, & grano Musci. Quantum ad hepar, quoniam uidetur esse affectum, & renes etiam, uellem ut acciperet unguentum rosatum Mesues odoratum, in quo ponerentur tres species Sandalorum, puluerem rosarum, sicut in supradicto.

R. Vnguenti rosati Mesues 3 2. Sandalorum rub. alb. &c. & tantundem rosati.  
Et ita inungerem lumbos, renes, & hepar, ut fieret refrigeratio hepatis, & concauer  
uenae. Circa caput, si aliquid molendum, facerem oxyrhodon cum oleo rosato, com  
pleto in subduplo. Et si apparerent haemorrhoides, essent prouocandae.

## De febre pestilenti.

## Consilium XXXVII.

**D**ebilitas aderat omnium uirium, & maxime uirtutis uitalis, obstructio  
uenarum Mesaraicarum, & pulsus debilis. Montanus dicebat maximam  
esse debere intentionem ad uirtutem prostratam, & ne succumberet ui  
dendum. Exhibita erat Cassia simplex, syrupus etiam datus ex insusio  
ne Rhabarb. cum aqua rosacea. Fortiora noluit admittere, sed iussit dare  
clystere lenitium ex oleo uiolaceo, & saccharo. Sanguinis missionem, quae iam facta  
erat, absque commodo, improbabat. Victum dicebat esse debere contusum pullum.  
Deinde infra scripta decoctione utendum. Accipiat capro crudus & excoriatus, &  
in frustra dissecetur, & postea accipiantur poma citria, & citronia, quae similiter in partes  
dissecta, ita disponantur, ut semper una pars carniū, alia Citri, tertia rursus carniū,  
quarta Citonei pomi ponatur, & ita seriatim, ut totus circulus absoluator. Decoquan  
tur omnia in aqua rosacea, sumaturque decoctum, & destilletur in duplici uase, hoc est,  
in balneo Mariae. Ac deinde parte pinguiori abiecta, tenuior exhibeatur, ut supra scri  
ptum est. Mirum enim remedium est contra pestem, quia & cibus & medicina. Citru  
ualde in hoc utile, & est aureum remedium in febribus pestilentialibus. Accipiat & sy  
rupos:

R. Syrup. de Cichorio cum

Rhabarbaro

3 2. 2.

Aquae Boraginis

Acetosae

3 3.

In quibus Citrum sit impositum, & decoctum. Inungatur pectus tali unguento.

R. Vnguenti rosati confortatiui Mesues

3 1.

Specierum cordialium

3 2.

Sandalorum alborum

3 1.

Rosarum siccarum

3 3.

Misce, fiat linimentum. Non improbo ut bibat uinum dilutum, cum illa aqua, cui  
impositum fuit Citrum.

## De febre pestilenti, cum pustulis in dorso.

## Consilium XXXVIII.

**M**orbus est febris continua, cum pustulis apparentibus in dorso, quae in  
dicant magnam putredinem, & quod incipiat sanguis putrescere, quod  
signum est pestilentis febris. Ergo (ut iubet Auic.) exsiccare, quod fiet  
his, quae faciunt diffilare. Hippocrates dicit imitandam esse naturam, &  
cum natura tentet euacuare putredinem per cutim, ea erit nobis imi  
tanda & adiuvanda. Facerem itaque cutim rariorem, ut facilius fiat euacuatio, & sic  
prohiberetur putredo. Linimentum ab Orisasio propositum, & recitatum ab Aetio  
est olei una pars, aquae duae partes, cum tertia uini, decoquantur ad consumptionem  
aquae. Et hoc aequaliter trahit, cum eo ungerem totum corpus, & simul fricarem  
cum manibus illitis oleo, ita tamen, ne suffocetur calor naturalis. Non accederem  
ad decoctum Petroselinum, quia plurimum facit euaporare, & inducit uigilias in  
febre

febre pestilente. Sed ea quæ exsiccant, sine plurima astrictione in febre pestilenti ius-  
uant. Quare Scordium pulverizatum, & bolum Armenum exhiberem, & adderem  
cornu cerui, uel adustum, uel non, & corallium contritum adijcerem, etiam auri folia,  
& in brodio pulli iuuenis hos pulueres exhiberem, & accipiantur ante prandium 3. 1.  
eodē singulis diebus utatur. Ptisanam darem, & carnem pulli iuuenis, cum eius bro-  
dio, & syrupum acetosum, & ex succo Limonium, & Aurantium pomum cum saccha-  
ro, quod in hoc casu optimum. Darem aquam Limonium cum saccharo. Vterer etiam  
unguento rosato Medues, cum speciebus cordialibus.

## De febre pestilenti, facta ex Tertianâ nothâ,

## Consilium XXXIX.

**D**octor Iosephus Prior collegij S. Antonij Patauij, scholaris 29. anno-  
rum, habitu robusto & musculofo, subnigro, amplissimis uenis, statura me-  
diocri. Vesperti dum cœnaret 22. hora, sensit per uniuersum corpus hor-  
ripilationem. Hora prima noctis cessante horripilatione, inuasit dolor  
acutus & mordax per totum corpus, perseverans ad diei Martis horam  
decimâ, quo die, hora decima sexta rursus eum horripilatio inuasit, & postea calor per-  
seuerans ad diei horam octauam, eo die mane circa duodecimam horam iniecto in-  
anum Clystere, sensit horripilationem eam, sed leuem. Calor subito creuit in immen-  
sum, sequenti die Montanus aduenit, & inuento seruentissimo calore, rogauit quid  
nam hæcenus egisset? Exhibita fuerat à quodam, imprudenti sane, eo die quo secun-  
dus paroxysmus inuaserat Calsia, postquam tum parum excreuit. Id imprudenter fac-  
tum esse dixit Montanus: quia ea dies esset afflictionis, quo natura morbo & mate-  
riæ intenta esse debebat, & non remorari medicamento, ne eius potentia remorata  
non posset morbo satis resistere. Erat post exhibitum lenitium aperta uena die Ve-  
neris, & extractæ 3. 5. sanguinis. Id tempore satis idoneo factum erat, sed quantitas  
nimis exigua extracta ratione ætatis, habitus corporis, & magnitudinis morbi. Quæ-  
re cum urinas rubicundas, crassas & obscuras consideraret, iussit illico ratione diei  
minoris afflictionis habita, ut educerentur sanguinis alię uncie quinque, quod etiâ sine  
aliqua noua incisione est factum, multa sanguinis copia cum seruore erumpente subi-  
to, ubi uena compressa erat. Mane altero die sumere iussit hunc syrupum:

℞. Syrupi acetosi

De succo acetosæ

De acetositæ citri ana 3. s.

Decoctionis infra scriptæ 3. 4. uel 6.

℞. Sem. Citri

Acetosæ 3. 2.

Florum Boraginis 3. iij.

M. 1.

Decoquantur omnia in duabus libris aquæ acetosæ, ad consumptionem tertie  
partis, facta diligenti expressione, seruetur colatura pro quatuor syrupis. Victus ratio  
fuit, ut decoqueret aquam cum hordeo ad crepaturam granorum. Deinde reiecta as-  
qua, aliam sumeret in qua hordeum coqueret, donec in pultis formam fuerit redas-  
trum. De huius hordei colatura, si colari uellet, sumeret scutellam unam loco pran-  
dij, aliam in coena: potus sit aqua hordei. Sexta ab ægritudine die accessimus ad hunc  
& reperimus eum lætum & gloriantem, quia nihil amplius mali sentiret, neque quic-  
quam febris perciperet. Nihilominus omnino prostrata erat uirtus, cum difficultate  
loquebatur, pulsus debilis, frequens: intrinsecus uero ualde ardebat, quod ostendit  
ipsa urina, quæ rubicunda erat & turbata, quod signum manifestissimum est, febrem  
confirmaram esse in corde. Fuit etiam emigræ, id est, fluxus ille colliquationis, coloris

coorum conuallatorum similis, hi neq; febres neq; dolores sentiunt. Quoniam ubi cor infectum, propemodum amentes sunt. Succurrit igitur hoc unguento ad cordis confortationem:

℞. Sem. Citri				
Acetofæ	ana	3	℥. s.	
Rosarum rubearum				
Sandalorum citrinorum	ana	3	℥.	
Camphoræ		)	℥.	
Musci, Ambrae	ana	6.	5.	
Olei rosati optimi maturi boni odoris		3	2.	

Cum modico ceræ albæ fiat linimentum pro corde, renibus, hepate, utrisq; temporibus & sub naribus.

Item ℞. Sem. acetofæ, Citri, Rosarum rub. Sandalorum citrin. ana 3. ℥. 1. Boli Armeni orient. 3. ℥. 1. s. Margarit. 3. ℥. 1. Folia auri puri Numero 4. Puluerizanda puluerizentur, & omnia misceantur, diuidantur in partes pro singulis 3. s. in die. Permanfit in eodem statu, nisi quod non habebat sedes: quare clyster cōmune iniectum; unde materia satis uiscosa & biliosa eiecta est. Die 8. apparuerunt maculae per totum corpus, purpureæ, quæ symptomaticæ expulsæ fuerant, quia uirtus adhuc ualida esset. Quare adiuumentum illi adhibuitur ad abstersionem ex salis nitri 3. 2. Olei cōmunis 3. 2. Aquæ fontis 3. 4. Bulliant omnia usq; ad consumptionē aquæ. Item ad cubiculi suffitum. ℞. Aceti optimi, aquæ rosacæ partes æquales, Sandalorum parum, bulliant omnia simul in cubiculo. Vel salicum & populi folia cum aqua rosacea spargantur per totum cubiculum, neq; ibi permittantur exsicari, sed statim ubi uisorem amiserint abijciantur & remoueantur. Delatus quoq; est de uno cubiculo ad aliud ob aërem pestilentē, quem infecerat expiratione.

## De febre pestilenti cum inflammatione musculorum pectoris.

### Consilium XL.

**V**T à nobis fiat potius aliquid, quàm dicatur, necesse est. Præponam autem necessarium, antequam de remedijs dicam, consideremus essentiam morbi. Videmus primo cum febricitare continue, & habet febris magna symptomata, sed ex multis accidentibus unum uerendum, quod est signum, & causa, nimirū fluxus colliquatiuus, qui Gal. 3. Epid. recte solet esse signū inseparabile pestilentis febris, quia ubi est fluxus colliquans, ibi necessario est febris pestilens, licet eadem etiam possit esse sine fluxu colliquatiuo, sed tamē ubi fluxus ille, ibi febris pestilens. Estq; hic quoq; inclinatio ad delirium, & cataphoram, quæ est inclinatio ad somnum, talis, ut non dormiat; sed maneat tanquam attonitus. Dolor in thoracis partibus perseuerans uno tantum loco, inter tussendum maior. Adest catarrhus uiscidus, & uariorum calorū, interdum liuidus, interdum rubet, quod fortasse potest esse ratione Electuarij. Est tamen aliquid ibi, quod non possum referre ad Electuarium. Aliud accidens est, quod consequitur, urina turbida, crassa, rubra. In pulsu inæqualitas cum imbecillitate maxima, frequens magis est, quàm magnus uel uelox, & quod magis me terret, hoc mane altior uidebatur, nunc minor & depressior ac frequentior. Nec potest esse signum deterius, quàm frequentia pulsus, quæ indicat imbecillitatem. Febris hæc est pessima, quia seua sunt accidentia, sed pessimum, quia ætatis in flore inuenimus, quæ est temperaturæ calidæ & humidæ cum dominio bilis, in ætate tali, & temperatura, in hyeme, ubi non fit tanta resolutio, quæ non etiam est facta ex medicamenti exhibitione, in sexto die adeo imbecillus reddidus est. Verenda hic prostrata uirtus in tam paucis diebus. Videndum enim, quod istorum symptomatum habeat aliquam separatam causam præter febrem. Puto esse inflammationem

inflammationem in musculis pectoris, uel ex intemperie, uel solutione continui: ubi enim dolor, ibi ægritudo. Sed in pectore est dolor, atq; tussis, & ratione doloris inflammatio adest, & læsio in partibus pectoris. Vtrum sit inflammatio ex eo genere, ut possit esse pleuritis: Non, quia non adsunt signa ueræ pleuritidis. Difficultas anhelitus non est talis, qualis in uera pleuritide, neq; dolor est pungitiuus, neq; acris, neq; acutus, neq; enim posset requiescere in utroq; latere, si esset pleuritis. Nam penderet inflammatio, si decumberet in latere sano. Est ergo nocuumtum istud collectio, seu inflammatio materiei, in aliquo musculo thoracis, & circa illas partes non est pleuritis uera. Videndum hic nobis, utrum febris dependeat ab inflammatione, quemadmodum accidit in pleuritide, ubi febris curatur ratione inflammationis, ut docet Hipp. Et secundo de ratione uictus in acutis, ubi non curat febrem, sed inflammationem, cum ijs quæ apponuntur exterius, lenit tussim, & expuitionē prouocat, inflammatione curata cessat febris. Nunquid hic etiam faciendum, ut curemus febrem curata inflammatio ne? Loquor de essentia febris. Collecti sunt in hoc corpore humores multi pituitosi, crudi, cholericis, sanguinei, quia uixit sibi ipsi, omnibus usus est eduljis, exercuit corpus tempore in debito, aggregauit excrementa plurima mucosa, unde præterita ætate laborauit ægritudine diuturna, & hac uix dum sublata, in deteriore incidit, propter uictus intemperantiā: plurimæ materię & crudæ generatæ sunt, unde factæ obstructions in uenis, ex immoderato exercitio cruditates raptæ in primas uenas, mox in totum quoq; ambitū, & ad omnes uenas transfusa materia. Humores uero crudi, transfusi ad internas uenas faciunt febres malignas, quod contingit ex exercitio post cibū, & quod erat longe deterius, post illud exercitium aquæ frigidæ maximam bibit copiam, quod auxit obstructions. Contigit etiam hoc ex aëris frigiditate, cui se exposuit post exercitium, unde meatus intrinseci sunt repente obstructi, frigus penetravit, fecit obstructions meatuum interiorum. Vnde necessario consecuta maximæ obstructions tam exterius, quā interius. Deprauatos humores obstructio secuta est, & ex prohibitione euentationis & transpirationis secutæ putredines. Obstructionem uero & putredinem maximam sequitur febris pestilens. Vnde multam putredinē, ut Galeni uerbis utar, *ὀνίπνευρα σπρίονα*, id est, semina putredinis sequuntur, quæ omnia inficiunt extrinseca. Idem faciunt humores putridi intrinseci, uapores exhalant ad cor, & possunt cor in putrefactio esse, tum quia uapores putridi infestant cor, tum quia humores cordis putrescunt. Hinc concidit uirtus, quia in uentriculo cordis putredo, quæ ubi est, sequitur & spiritus prostratio: item uirtutis uitalis, & naturalis, atq; etiam animalis. Nam & hic delirat, non constat sibi respondendo, interrogatus quomodo ualeat, dicit se melius ualere, cum tamen longe deterius ualeat, nec percipit malum, & talibus mens ægrotat, teste Hipp. Virtutes naturales sunt corruptæ, ut apparet ex excrementis & urinis. Omnes igitur tres operationes sunt corruptæ. Vidimus qualis sit morbus in pectore, obiecit se frigori, uapores ascenderunt ad caput, facta illic crassities illorū, & descensus. Quemadmodū enim accidit in magno mundo, ita quoq; in hoc paruo, descenderunt catarrhi ad pectus, fecerunt difficultatē anhelitus, & dolorē etiā in musculis, tussim quoq; nunc uero inflammationē ueram puto in partibus pectoris. Duæ igitur sunt ægritudines, quarum una non pendet ab altera. Prima est febris pestilens, quæ causas habet separatas. Secunda inflammatio, uel intemperies in musculis potius, quā in membrana succingente costas, propter multitudinē catarrhi. Vtræq; propter repletionem plurimam in hoc corpore. Et ad utramq; attendendum, febris tamen maxime urget, & quia deterior morbus est, cum in primis curabimus, non neglecta tamen altera ægritudine. Putredo igitur omni ratione curanda & prohibenda, attendendū enim ei, quod maxime urget. Sed quomodo remouetur putredor? Essent quidē multa, si uirtus constaret, & missio sanguinis optima esset, & euacuatio humorū putrefactorū. Iste esset modus euacuandi putredinē, quæ tamen non faciemus, quia uirtus debilis. Oportet igitur transper omnia illa euacuatione, apertionē obstructionū facere exterius & interius, quia causata est putredo propter obstructionē & prohibitam



transpirationem. Crederem itaq; prodesse, quæ exterius & interius putredinem prohibent, interius, quæ incidant & aperiant propter febrem. Sed adeff dolor pectoris, & tussis quoq; quæ si augetur molestius afficitur, & augetur febris aucta tussi. Vnde cauenda sunt uehementer acida. Conueniens quidem esset febrî putridæ syrupus acidus, syrupus de succo acetosæ, & de acetositate citri. Sed primo de ratione uictus. Hipp. in febribus, quæ mixtæ sunt cum inflammatione, & pleuritide, cauendum esse iubet ab omnibus acidis, & astringentibus, ne exasperentur partes pectoris. Solum oxymel concedit, reliqua omnia prohibet. Exhiberem itaq; oxymel, uel syrupum acetosum simplicem, qui tamen cauendus est, ne pectus exasperetur, adderem igitur syrupum rosatum ex infusione, qui roborat calorem naturalem, aperit & exiccât; quia cura pestilentis febris est exiccatio. Laudarem & aquam acetosæ, quia non est acetositas in ea, & habet tamen proprietates, & uires illius simplicis. Contemperetur ille syrupus cum iure pulli, in quo decocta sit acetosa, & semen citri, in quo est amaritudo, quæ aperit maxime, non est aciditas, nec acredo. Et si hæc non sufficerent ad apertionem, adderem radices petroselinæ, quæ aperiunt, non tamen est acrimonia in eis, sed penetratio propter subtilitatem substantiæ: sed quia habet aliquem odorem uirosi, a quo forte abhorreret, decoquantur radices Fœniculi in suis ferculis, ut fiat apertio. Quotidie etiam mane & uesperti frictions totius corporis cum unguento Aëtij fiant, quo utimur in febre pestilenti; Ipse utebatur oleo (pro Sabino, quo ueteres usi sunt) te nuium partium, proq; eo accipi potest oleum Amygdal. dulcium. Verbi gratia 3 2. Aquæ fontis 3 s. Nitri 3 2. Decoquantur ad consumptionem aquæ, inungatur totum corpus, pori aperiuntur, materia transpirât, & prohibetur putredo, loco etiam illius, moderni usi sunt cucurbitulus per totum corpus, quæ aequaliter attrahunt, sed resoluunt spiritus. Oleum longe tutius est, quia magis aequaliter, & non uiolenter attrahit. Circa pectus utatur linimento ordinato, ab E. V. Sed quia cor principaliter patitur, pro illo ordinarem unguentum rosatum Mesuæ, cum rolis siccis, & speciebus cordialibus temperatis. Quantum ad uictus rationem, placet mihi quoq; panatella, quæ magis nutrit quàm ptisana, qua opus est propter imbecillitatem uirium, & Hipp. quoq; dicit, transactis primis diebus augendum esse cibum in pleuritide, & in pectoris ægritudinibus. Qui locus multos torfit, uult enim Hipp. ut fiat expulsio illius materiæ, quæ continetur in pectore, quod sit uirtute ualida. Quemadmodum etiam non nisi uiribus robustis prouocamus sputum. Nam si prouocauerimus materiam, & adesset imbecillitas, tum æger suffocaretur. Vnde in hoc casu etiam oxymel prohibet Hipp. Num hodiernum lambitium prodest maxime. Sed dicat quis, quare adhibes olea quæ humectant. Nonne nocent in omnibus febribus putridis? Respondeo, illud oleum Amygdalarum dulcium non humectat, sed siccat, quia facit euaporare, & aperit obstructionem, prohibet putredinem, & remouet ex toto. Sandali quoq; contemperant humiditatem olei, confortant, exiccant, in eis uis est remouens catarrhum, disponit, aperit, & catarrhus excernitur. Caput statim detondeat usq; ad futuram coronalem, & in petijs tenuissimis applicetur mane tepidum oxyrhodinon. Sed Mesue uetat, inquit, ubi est catarrhus, oleum non est applicandum capiti, quia facit descensum maiorem. Dico quod non curamus catarrhum, sed materiam in pectore contentam, & prohibemus, ne uapores ascendant ad caput. Præterea accipiemus etiam modicam quantitatem olei, non tantum, ut Mesue utitur, & applicetur illud oxyrhodinon quàm ciuissime. Frictions hoc uesperti fiant, ut excitetur, donec præparantur alia medicamenta, & corroboraretur illa inunctione. Inter tussendum sudabat, qui sudor Montano non placuit, putabat enim esse diaphoreticum, quare ita ordinauit:

℞. Olei rosati	3	2.
Aceti rosati	3	4.
Fiat oxyrhodinon, quod raso capiti applicetur. Item		
℞. Olei rosati completi	3	2.

Specierum cordialium temperatarum		
Rosarum rubearum	ana	3 l.
Seminum citri		3 s.
Croci		6.

Cum modico cereæ albæ, fiat linimentum pro corde.

℞ Syrupi rosati ex multiplici infusione

Syrupū de acetositate Citri ana 3 l.

Cum aqua acetosa simplici. Fiat syrupus in iure pulli macro, in quo decoctæ sesquialterum citri leuiter contractorum 3 4. Propter inopiam herbæ Acetose.

℞ Olei amygd. dulcium

Aquæ fontis ana 3 4.

Nitri 3 s.

3 iij.

Decoquantur ad consumptionem aquæ, fiant inunctiones totius corporis, non frigida, non calida, sed moderata & tepida. Et repetantur linctus hodiernus pro catarrho, & inunctiones pectoris. Frictio pedum quoque cum sale hoc uespere fiat, Conualuit.

### Summaria quædam diuisio simplicium febrium, secundum doctrinam Galeni.

**F**ili Hippi. lib. 6. Epid. part. 1. Aph. 18. complures febrium differentias enumeret, easque proprias, utpote quæ ab ipsius febris substantia, nempe calore, caloris item motu, eiusque subiectis sumuntur, teste Gal. lib. 1. de diff. feb. cap. 1. Gal. tantum tria ubique genera febrium ponit: diarias, putridas, hecticas. Quoniam in hæc tria genera omnes differentia Hippi. referri possunt. Quæ de causis & differentiis tum diarum tum hecticarum dicta sunt satis sunt perspicua. Verum quæ de putridis febribus dicuntur, ab interpretibus, obscuritas tem & confusionem habent maximam, eo quod non satis diligenter distinguunt hæc duo uocabula Græcæ: *συνεχὴς* & *εναλλὰς*. Appellemus itaque nos *συνεχὴς* continentem, *εναλλὰς* continuam, tum febrium putridarum, talem constituemus diuisionem. Febres putridæ sunt triplices: pituitosa, biliosa, & melancholica. Nam sanguinea febris putrida non est: sanguis enim quando putret, degenerat in aliquem ex prædictis humoribus. Iam una quoque febris putrida siue pituitosa, siue biliosa, siue melancholica: iterum duplex: intermittens & *συνεχὴς* seu continens. Intermittens febris est ex putredine humorum extra uasa, & intermittens uocatur, quia desinit ad sensibilem *συνεχὴς*, id est, in febricitationem. Dico autem sensibilem, quia uera *συνεχὴς*, id est, perfecta solutio à febre non est, nisi in diaria. Hæc itaque intermissio conspicitur in quotidiana, quæ unoquoque die inter mittit aliquot horas. Item in tertiana, quæ alternis diebus, Quartana quoque quæ duos habet dies intermissionis seu quietis. Porro *συνεχὴς*, id est, continens, quæ est ex humoribus putrescentibus intra uasa præsertim maxima & insignia, etiam triplex est: Pituitosa seu quotidiana, biliosa seu tertiana, melancholica seu quartana. Sed satius est à materia eas denominare pituitosas, biliosas, & melancholicas. Continens itaque febris unicam habet accessiorem ab initio ad finem, sicut diaria & hectica, à quibus tamen differt, quoniam *συνεχὴς* pituitosa quotidie post meridiem (quoniam pituita mouetur tempore pomeridiano) habet exacerbationem seu *ἀναστροφὴν*, id est, reduplicationem, quæ febrem quasi reduplicat, quæ exacerbatio est ueluti paroxysmus, sed iste paroxysmus non finitur ad *συνεχὴς*, sed desinit ad *παρακίνησιν*, id est, inclinationem, sed febrilem. Hanc licebit itaque appellare febrem continentem, pituitosam, seu continentem quotidianam. *συνεχὴς* autem, id est, continens biliosa perpetuo etiam durat, sed tertio quoque die accipit ueluti

veluti novum paroxysmum. Hæc quia corpus febre continente calefactum est, non facit rigorem aut horrorem. Potest etiam quotidie habere hanc exacerbationem, & tunc erit tertiana continens duplex, quæ ita discerni poterit. Sicuti tertia accessio similis erit primæ; sic etiam quarta similis erit secundæ, & sic deinceps. Hæc continens biliosa duplex est. Vna est quæ sponte ab initio gignitur ex bile putrescente in magnis uasis, quæ tertio quoque die habet exacerbationem, & hæc mutuatur, & retinet nomen generis, & dicitur continens biliosa. Altera quidem non ex se neque statim ab initio nascitur, sed prius incenso sanguine, deinde bilem apprehendit. Hæc à diaria sumit originem, quæ calefacit sanguinem, qui neglectus & non curatus, tandemque putrefactus portione sua tenuiore degenerat in bilem, & dicitur synochos putris, ut distinguatur à synocho non putri, ubi sanguis non putret, sed incalescit tantum, & ad diarias refertur. Iam horum *synochos* tres adhuc sunt differentiæ. Est enim *synochos æqualis* siue *æqualis*, id est, æqualis uigoris & tenoris, quæ ab initio usque ad finem æqualis perfluit. Est item *synochos ascendens* siue *synochos ascendens*, id est, ascendens atque increfcescens, & *synochos descendens*, quæ paulatim ab initio ad finem decrefcit. Sed quare placuit medicis non reformidantibus Solocissini vitium (ut inquit Galenus 9. Meth.) novum excogitare vocabulum hoc, *synochos*, Græcis tantum usurpatum? Vt res ipsas diversas distinctis nominibus efferrent: quia *synochos* nullam habet insignem mutationem seu exacerbationem sensibilem. Veluti *synochos* dicta febris. *synochos* melancholica est febris perpetuo durans, quarto quoque die exacerbationem habens ac nunquam desinens ad infestationem. Sed hæc in sequenti Typo & Figura melius conspiciuntur.

Febri

